

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA TRIDESETČETVRTE SJEDNICE GRADSKOG VIJEĆA TUZLA  
ODRŽANE 20. DECEMBRA 2023. GODINE U POSLOVNOM OBJEKTU  
„GRAFIČAR“ SA POČETKOM U 10,00 SATI.**

**- SJEDNICI PRISUSTVUJE 30 VIJEĆNIKA.**

**U Tuzli, decembar 2023. godine**

## NATAŠA PERIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani gradonačelnice Tuzle, obrađivači materijala, predstavnici medija, otvaram 34. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća sjednici prisustvuje 28 od ukupnog broja vijećnika. Za današnju sjednicu svoj izostanak je najavio vijećnik Aleksandar Vujadinović, a kašnjenje su najavili vijećnici Senad Mehmedinović i Zijah Rifatbegović.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 33. redovne sjednice Gradskog vijeća Tuzla, održane 27.11.2023. godine.

Da li ima primjedbi na Zapisnik sa 33. redovne sjednice?

Ako nema, stavljam na izjašnjavanje Zapisnik sa 33. redovne sjednice Gradskog vijeća Tuzla, održane 27. novembra 2023. Molim vijećnike da se izjasne.

Glasanje je okončano.

Konstatujem da je Zapisnik sa 33. redovne sjednice Gradskog vijeća Tuzla usvojen sa, 27 glasova za, nije bilo protiv i nije bilo suzdržanih.

Za današnju 34. redovnu sjednicu Gradskog vijeća Tuzla predlažem Dnevni red koji ste dobili u materijalu za sjednicu.

Gradonačelnik Grada Tuzle je 20.12.2023. dostavio obavijest o povlačenju iz Dnevnog reda današnje 34. redovne sjednice Gradskog vijeća Tuzla tačku 10. pod nazivom RAZMATRANJE I USVAJANJE ODLUKE O IZMJENAMA I DOPUNAMA ODLUKE O NAKNADAMA UPOSLENICIMA GRADSKIH ORGANA UPRAVE TUZLA KOJI NEMAJU KARAKTER PLAĆE.

Obavijest gradonačelnika Grada Tuzle ste dobili u materijalu podijeljenom pred početak sjednice.

Kolegij Gradskog vijeća Tuzla je na 38. redovnoj sjednici, prilikom definisanja Dnevnog reda današnje 34. redovne sjednice Gradskog vijeća Tuzla, predložio Gradskom vijeću da se tačka vijećnička pitanja i inicijative, zbog današnje rasprave o Budžetu Grada Tuzle za 2024., razmatra kao zadnja tačka Dnevnog reda, a da se ostale tačke redoslijedom pomjere.

U skladu sa članom 163. stav 1. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla“, broj 5/22.) kojim je propisano da se „vijećnička pitanja postavljaju pismeno, a čitaju se u pravilu na početku sjednice, osim ako Gradsko vijeće Tuzla odluči drugačije“, stavljam na izjašnjavanje ovaj prijedlog Kolegija. Molim vijećnike da se izjasne.

Glasanje je okončano.

Konstatujem da je prijedlog Kolegija Gradskog vijeća Tuzla da se tačka vijećnička pitanja i inicijative razmatra kao zadnja tačka Dnevnog reda, a da se ostale tačke redoslijedom pomjere usvojen sa,

26 glasova za, 1 je bio protiv i 1 suzdržan.

Sada stavljam na izjašnjavanje Dnevni red u cjelini i molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa, 27 glasova za, nije bilo protiv i nije bilo suzdržanih.

## DNEVNI RED

- Usvajanje Skraćene verzije zapisnika sa 33. redovne sjednice Gradskog vijeća Tuzla, održane 27.11.2023. godine

**1. RAZMATRANJE I USVAJANJE:**

a) ODLUKE O KREDITNOM ZADUŽENJU GRADA TUZLE

b) BUDŽETA GRADA TUZLE ZA PERIOD 1. 1. - 31. 12. 2024. GODINE

c) ODLUKE O IZVRŠAVANJU BUDŽETA GRADA TUZLE ZA 2024. GODINU

d) PRIJEDLOGA POLITIKE INVESTIRANJA RASPOLOŽIVIH NOVČANIH SREDSTAVA GRADA TUZLE ZA 2024. GODINU

**2. RAZMATRANJE I USVAJANJE PROGRAMA RADA GRADSKOG VIJEĆA TUZLA ZA 2024. GODINU**

**3. RAZMATRANJE I USVAJANJE ODLUKE O NAČINU DODJELJIVANJA JAVNIH PRIZNANJA U 2024. GODINI**

**4. RAZMATRANJE I USVAJANJE ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE**

**5. RAZMATRANJE I USVAJANJE ODLUKE O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SAMOSTALNIH DJELATNOSTI NA PODRUČJU GRADA TUZLE ZA 2024. GODINU**

**6. RAZMATRANJE I USVAJANJE:**

a) Odluke o dodjeli u zakup poslovnih prostorija neposrednom pogodbom Udruženju za razvoj „NERDA“

b) Odluke o dodjeli u zakup poslovnih prostorija neposrednom pogodbom Udruženju Informativni centar za osobe sa invaliditetom „LOTOS“

**7. RAZMATRANJE I USVAJANJE:**

a) ODLUKE O DAVANJU PRETHODNE SAGLASNOSTI NADZORNOM ODBORU JP „RTV 7“ D.O.O. TUZLA ZA IMENOVANJE DIREKTORA DRUŠTVA

b) ODLUKE O DAVANJU PRETHODNE SAGLASNOSTI NADZORNOM ODBORU JKP “VODOVOD I KANALIZACIJA” D.O.O. TUZLA ZA IMENOVANJE DIREKTORA DRUŠTVA

c) ODLUKE O DAVANJU PRETHODNE SAGLASNOSTI UPRAVNOM ODBORU JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA RAZRJEŠENJE DUŽNOSTI DIREKTORA USTANOVE

d) ODLUKE O DAVANJU PRETHODNE SAGLASNOSTI UPRAVNOM ODBORU JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE VRŠIOCA DUŽNOSTI DIREKTORA USTANOVE

**8. RAZMATRANJE I USVAJANJE IMOVINSKO PRAVNIH AKATA:**

a) Odluka o utvrđivanju javnog interesa za postavljanje infrastrukture i izgradnju pristupnog puta za prenosivu baznu stanicu „PTI Kojšino“, Tuzla

b) Odluka o izmjenama Odluke o utvrđivanju javnog interesa (Rekonstrukcija regionalne ceste R-458 Simin Han – Gornja Tuzla – Površnice, dionica: Most na čaršiji – skretanje za Kovačicu i rekonstrukcija - proširenje predmetne saobraćajnice)

**9. RAZMATRANJE INFORMACIJE O IMPLEMENTACIJI PROJEKTA „REGISTRA IMOVINE“**

**10. RAZMATRANJE PRIJEDLOGA MIŠLJENJA O SPECIJALIZOVANOM RAZVOJNOM PROGRAMU ODGOJNO – OBRAZOVNOG RADA SA DJECOM UZRASTA OD 4 DO 6 GODINA POD NAZIVOM “GODIŠNJI PLAN I PROGRAM**

**ŠKOLE SPORTA” KOJI JE IZRADILA JAVNA USTANOVA ZA PREDŠKOLSKI ODGOJ I OBRAZOVANJE “NAŠE DIJETE” TUZLA.**

**11. a) RAZMATRANJE INFORMACIJE O AKTUELNIM PITANJIMA U OBLASTI BORAČKO INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE**

**b) RAZMATRANJE I USVAJANJE PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BORAČKE POPULACIJE SA PODRUČJA GRADA TUZLE**

**12. RAZMATRANJE INFORMACIJE O OPREMLJENOSTI SLUŽBI ZAŠTITE I SPAŠAVANJA GRADA TUZLE**

**13. RAZMATRANJE INFORMACIJE O PROVEDENIM HITNIM INTERVENTNIM MJERAMA NA SANACIJI KLIZIŠTA U 2023. GODINI**

**14. RAZMATRANJE IZVJEŠTAJA KOMISIJE ZA IZBOR I IMENOVANJA**

**15. RAZMATRANJE POZIVA SKUPŠTINE TUZLANSKOG KANTONA ZA DOSTAVLJANJE PRIJEDLOGA ZA IZRADU PROGRAMA RADA SKUPŠTINE TUZLANSKOG KANTONA ZA 2024. GODINU**

**16. TEKUĆA PITANJA**

**a) Obavještenje Službe za prostorno uređenje i zaštitu okoline, broj 06/20-19-Sl.516/2023 od 5.12.2023. godine, o razlozima prolongiranja izrade Regulacionog plana stambeno poslovne zone „Kreka-jug” II sa pratećim odlukama**

**b) Obavještenje Službe za boračko invalidsku zaštitu, stambene poslove i integraciju raseljenih lica, broj: 10-19-4933-2023 od 4.12. 2023. godine o razlozima prolongiranja izrade Informacije o upravljanju stambenim fondom**

**17. VIJEĆNIČKA PITANJA I INICIJATIVE**

Prelazimo na realizaciju Dnevnog reda 34. redovne sjednice Gradskog vijeća.

Prva tačka:

**RAZMATRANJE I USVAJANJE:**

**a) ODLUKE O KREDITNOM ZADUŽENJU GRADA TUZLE**

**b) BUDŽETA GRADA TUZLE ZA PERIOD 1. 1. - 31. 12. 2024. GODINE**

**c) ODLUKE O IZVRŠAVANJU BUDŽETA GRADA TUZLE ZA 2024. GODINU**

**d) PRIJEDLOGA POLITIKA INVESTIRANJA RASPOLOŽIVIH NOVČANIH SREDSTAVA GRADA TUZLE ZA 2024. GODINU**

Predlagač: gradonačelnik Grada Tuzle.

Obrađivač: Služba za budžet i finansije.

Materijal su razmatrali: Komisija za statutarna pitanja i propise (pod a, b i d), Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Podsjećam vijećnike da su u dopuni materijala, dobili i Mišljenje Ministarstva finansija Tuzlanskog kantona, broj 07/1-11-32396/23 od 14.12.2023., o usklađenosti planiranih prihoda i primitaka i planiranog tekućeg bilansa iskazanih u prijedlogu Budžeta Grada Tuzle za 2024. sa članom 33. stav 2. i članom 43. stav 1. Zakona o budžetima u Federaciji Bosne i Hercegovine.

Obavještaвам vijećnike da je amandman na Budžet Grada Tuzle za period 1.1. do 31.12.2024., podnio samostalni vijećnik Mirel Mišković.

Podnesene amandmane ste dobili u dopuni materijala.

Pozivam obrađivača materijala da da kratko izlaganje. Izvolite. Znači, pošto gospođa Suada Isaković iz zdravstvenih razloga danas nije prisutna, ispred Službe će se obratiti njena koleginica Majda Jašarević. Izvolite.

### **MAJDA JAŠAREVIĆ – ispred Službe za budžet i finansije**

Hvala. Poštovana predsjedavajuća, zamjeniče predsjedavajuće, uvaženi vijećnici i vijećnice Gradskog vijeća, kolegice, kolege i prisutne goste, sve vas srdačno pozdravljam. Kako je već najavljeno, prije razmatranja i glasanja o samom materijalu i na ovu tačku najavljenog (NATAŠA PERIĆ – Molim vas, samo malo tišine) i na ovu tačku najavljenog dnevnog reda ispred obrađivača Službe za budžet i finansije daću kratko izlaganje o tački 1.

Nacrt Budžeta Grada Tuzle za period 01.01. – 31.12.2024. godine i Nacrt Odluke o izvršavanju Budžeta Grada Tuzle, razmatrani su na 32. redovnoj sjednici Gradskog vijeća. Na istoj sjednici usvojena je i Odluka o načinu provođenja javne rasprave, te je Gradonačelnik Grada Tuzle u skladu sa usvojenom Odlukom, uputio je javni poziv za javnu raspravu na Nacrt Budžeta i Nacrt Odluke o izvršavanju Budžeta. Ovaj poziv objavljen je u sredstvima javnog informisanja i na internet stranici Gradske uprave.

U periodu koliko je trajala javna rasprava, dakle, 30 dana, počela je 27.10. do 26.11. prijedlozi, sugestije i primjedbe dostavljani su od strane vijećnika i vijećnica Gradskog vijeća, zatim od strane građana i građanki, te javnih ustanova, javnih preduzeća, nevladinih organizacija i drugih subjekata.

Sastavni dio javne rasprave je i Izvod iz stenograma 32. redovne sjednice Gradskog vijeća Tuzla održane 26.10.2023. godine na kojoj je i razmatran sam materijal Nacrta Budžeta i u toku kojeg su vijećnici iznijeli svoje mišljenje o ovom materijalu.

Svi zaprimljeni materijali su sistematizovani i obrađeni, te za ovu sjednicu Gradskog vijeća su vam dostavljeni u izvještaju koji nosi naziv „Izvještaj sa javne rasprave o Nacrtu budžeta i Nacrtu Odluke o izvršavanju Budžeta za 2024.godinu“. Ovaj izvještaj je detaljno iščitao, razmotren, te su prijedlozi vijećnika i vijećnica, nevladinih organizacija, građanki i građana, naših službi, te javnih ustanova i javnih preduzeća, uzeti u obzir, s obzirom na to kolika su raspoloživa sredstva bila. Oni su prihvaćeni i uvršteni u sami Prijedlog budžeta Grada Tuzle za narednu godinu. Iz ovih materijala dala se uočiti kolika je potreba za radom na postojećoj infrastrukturi, te je u skladu sa iskazanim potrebama, a sa ciljem njihovog maksimalnog uvažanja u ovom materijalu prijedloga budžeta, predloženo je i kreditno zaduženje Grada Tuzle kod Razvojne banke Federacije Bosne i Hercegovine u narednoj godini.

Ukupno planirana sredstva u Budžetu Grada Tuzle za 2024. godinu iznose u prijedlogu 82.691.597 Konvertibilnih maraka i sastoje se od: budžetskih prihoda u iznosu od 59.793.545 Konvertibilnih maraka, vlastitih i namjenskih prihoda Budžeta, tekućih i kapitalnih transfera, te primljenih donacija u iznosu od 3 miliona 105 Konvertibilnih maraka 864 hiljade, pardon 3.105.864 Konvertibilne marke, zatim primitaka od prodaje u iznosu od 330.000, primitaka od kredita u iznosu od 11.860.875 Konvertibilnih maraka, te procjene više ostvarenih prihoda nad rashodima za 2023. godinu koji zajedno sa sredstvima prenesenih rezervacija iznose 7.601.311 Konvertibilnih maraka.

Samo kratka napomena vezano za prenesene rezervacije. Dakle, radi se o sredstvima koja su u Budžetu Grada Tuzle za 2023. godinu, bila obezbijedena za aktivnosti i projekte koji su pokrenuti, za koje su ugovori potpisani ili su trenutno procedura javne nabavke u toku, a za koje su resorne službe procijenile da se neće okončati do 2023. godine, te je za njihovu realizaciju bilo neophodno da ta sredstva prenesemo u narednu godinu.

U odnosu na utvrđeni Nacrt budžeta Grada Tuzle, Prijedlog budžeta je veći za 19.290.197 Konvertibilnih maraka. To predstavlja uvećanje od 30,43%, u odnosu na utvrđeni

Nacrt, odnosno, u odnosu na utvrđenu procjenu ostvarenja sredstava za 2023, procjena za narednu godinu veća je za 7,96%

Iz člana 1. samog tabelarnog pregleda materijala Prijedloga budžeta Grada Tuzle, možete vidjeti da je došlo u prijedlogu do promjena skoro na svim pozicijama, kako na poziciji budžetskih prihoda, tako vlastitih i namjenskih sredstava, primitaka od kredita i suficita.

Ono što smatramo da je bitno istaći jeste da smo nakon sjednice Gradskog vijeća, na kojoj je razmatran Nacrt budžeta Grada Tuzle za 2024. godinu, zaprimili revidirane projekcije prihoda od poreza na dohodak i poreza na dodanu vrijednost. Projekciju daje Kantonalno ministarstvo finansija. Ovim projekcijama planirani prihodi od ove dvije vrste poreza za narednu godinu umanjani su za 2.163.965 Konvertibilnih maraka.

Uporedo sa ovim projekcijama zaprimljena je i projekcija Regionalne direkcije cesta koji za narednu godinu planiraju da po osnovu poreza, indirektnih poreza za cijeli period naplatimo više za 61.246 Konvertibilnih maraka.

Ovakve projekcije koje u konačnici traže da se izvrši korekcija poreznih prihoda u prijedlogu odnosno na utvrđeni Nacrt budžeta, mi smo bili obavezni primijeniti, tako da se može vidjeti iz samog materijala da zbog revidiranih projekcija prihoda zaprimljenih od viših nivoa vlasti, nakon usvajanja Nacrta Budžeta za 2024. godinu i pored procjene porasta pojedinih vrsta prihoda u Prijedlogu Budžeta za 2024. godinu u odnosu na utvrđeni Nacrt, bili smo obavezni ukupne porezne prihode umanjiti za 1.902.719 Konvertibilnih maraka. Radi lakšeg uočavanja pozicija na kojima je došlo do smanjenja poreznih prihoda, mi smo ih prikazali tabelarno na stranici 3 obrazloženja.

Stavka na kojoj je došlo do uvećanja u Prijedlogu u odnosu na utvrđeni Nacrt budžeta jesu i planirana sredstva po osnovu primitaka od kredita u Budžetu Grada Tuzle, koja uključuju najvećim dijelom iznos planiranih kreditnih sredstava od 11,1 milion, za koje Grad Tuzla ima namjeru da aplicira kod Razvojne banke naredne godine. S tim u vezi smo Gradskom vijeću na razmatranje predložili i Odluku o kreditnom zaduženju Grada Tuzle u 2024. godini, kako sam već rekla u iznosu od 11,1 milion Konvertibilnih maraka.

Sredstva se u skladu sa Odlukom planiraju iskoristiti isključivo za kapitalne projekte, odnosno za investiranje u komunalnu infrastrukturu i to na način kako je predloženo Odlukom. Sanacija 23 putna pravca, zatim sanacija vodovodne i kanalizacione mreže na 6 projekata, rekonstrukcija raskrsnice na Slatini, zatim rad na pomoćnim terenima sportskog stadiona „Tušanj“, sanacija mosta „Pasarele“ i mosta „Kipovi“, te vezano za ovo mi smo predložili, znači, Odluku o kreditnom zaduženju, pod uslovima koje diktira kreditna linija Razvojne banke za finansiranje kapitalnih projekata i investicionih projekata gradova, općina, kantona i Federacije BiH, a uvjeti su sljedeći:

Sredstva bi od 11,1 milion uzeli sa rokom otplate od 12 godina. Grace period je godinu dana i upada, odnosno sadržan je u periodu otplate od 12 godina. U toku trajanja Grace perioda u obavezi smo plaćati kamatu, a obrađivačka provizija za ovaj kredit iznosi 0,3% sredstava kredita. Sredstva obezbjeđenja su mjenice.

Potrebno je napomenuti znači da sve ove troškove koje bi imali u prvoj godini od odobravanja kredita smo u Prijedlogu budžeta uvrstili, znači, na poziciji kamata, pozicija obrađivačkih troškova i na pozicijama na kojim su predviđeni izdaci za kupovinu potrebnih mjenica.

Raspored ovih 19 miliona i nešto više od 290 hiljada Konvertibilnih maraka, za koja su uvećana sredstva Budžeta po službama i budžetskim korisnicima za finansiranje rashoda u Prijedlogu Budžeta za 2024. godinu, prikazani su u posebnom dijelu tabelarnog dijela Budžeta Grada Tuzle. Taj dio broji nešto više od 30 stranica, te smo nastojali na stranama 9 do 13 obrazloženja Budžeta Grada Tuzle da prikazemo znači službe i pozicije po službama u kojima je došlo do promjene u prijedlogu u odnosu na utvrđeni Nacrt budžeta.

Iz ove tabele, tabelarnog pregleda može se vidjeti da je najveći dio ovih sredstava uvećanja usmjeren ka Službi za komunalne poslove, izgradnju i poslove mjesnih zajednica. Tako da se u 2024. godini posredstvom ove službe planiraju rashodi u iznosu od 41.636.968 Konvertibilnih maraka.

Za finansiranje projekata komunalne infrastrukture čisto od ovog iznosa planiraju se rashodi u iznosu od 38.963.654 Konvertibilne marke, što čini 47,12 % ukupnih rashoda Budžeta Grada Tuzle. Ova sredstva su obezbijeđena znači iz, čine ih sredstva prenesenih rezervacija, sredstva kredita i sredstva planiranih prihoda u Budžetu za narednu godinu.

Namjene u koje su raspoređena ova sredstva takođe su prezentirane u posebnom dijelu Budžeta u okviru Odjeljenja za komunalnu infrastrukturu, ali radi lakšeg snalaženja na stranici broj 14, konkretno su pobrojane namjene u koje će se ulagat, tako da najznačajniji dio sredstava od 16.723.293 Konvertibilne marke usmjeriće se na izgradnju (NATAŠA PERIĆ – Možete se napit vode ako...Samo vi polako. Pa dobro. Prvi put. Samo vi polako). Znači, za izgradnju rekons...Hvala. Izgradnju, rekonstrukciju, sanaciju i održavanje putne infrastrukture planirano je 16.723.293 Konvertibilne marke. Za poslove vezane za izgradnju, sanaciju i opravku vodovodne i kanalizacione mreže 2.926.506 Konvertibilnih maraka. Izgradnja i sanacija mostova oko 750.000. Vezano za radove na Stadionu „Tušanj“ 650.000 Konvertibilnih maraka. Ali po značajnosti, znači, vrijednosno nisu ništa manje...nisu...vrijedne su spomena i troškovi koji se namjeravaju izdvojiti za održavanje higijene grada, zimske službe, zelenih površina u iznosu 3.306.700 Konvertibilnih maraka. Na ime izdataka za električnu energiju za javnu rasvjetu u gradu Tuzli planirani su u narednoj godini sredstva od 2 miliona. Zatim, za izgradnju i održavanje nove, izgradnju nove i održavanje postojeće javne rasvjete milion i deset hiljada, te ostale namjene kako je navedeno u obrazloženju.

Obzirom na navedeno i na procenete učešća ovih rashoda u ukupnoj strukturi rashoda Budžeta Grada Tuzle, može se reći da u narednoj godini Budžet je dobrim dijelom investicijski.

Zatim, u okviru Službe za ekonomski razvoj nastojala se ojačati i ekonomska komponenta i razvojna komponenta Budžeta, te je za rad ove Službe, odnosno Službe za ekonomski razvoj, (NATAŠA PERIĆ – Samo malo tišine, molim vas) poduzetništvo i poljoprivredu u Budžetu planirano 7.479.663 Konvertibilne marke.

Ono što predstavlja razliku, odnosno utvrđeni Nacrt Budžeta jeste uvećanje sredstava na pozicijama vezanih za finansiranje preduzetništva. Naime, tekući grant koji smo dobili od Vlade Federacije Bosne i Hercegovine u iznosu od 125.000 Konvertibilnih maraka, u potpunosti je usmjeren ka osnaživanju poduzetništva unutar grada, na način da je 45.000 dodijeljena na poziciju sa koje se finansiraju učešća Grada Tuzle u projektima koje preduzima zajedno sa partnerskim organizacijama, bilo da je riječ o Međunarodnoj organizaciji rada, UNDP-ijom, USAID-om i drugima, a mnogo značajniji iznos od 80.000 dodijeljen je na poziciju Grant za podršku privatnim preduzećima i poduzetnicima i to za podršku zapošljavanja i razvoj preduzetništva putem projekta „Siguran start“.

Dakle, kroz ovaj način smo nastojali da Prijedlog budžeta ima i svoju određenu i razvojnu komponentu i komponentu ekonomskog osnaživanja unutar Grada Tuzle.

Međutim i pored ovako velikih izdvajanja nije zanemarena ni socijalna komponenta Budžeta Grada Tuzle.

Naime, u Prijedlogu budžeta Grada Tuzle u odnosu na utvrđeni Nacrt budžeta došlo je do uvećavanja sredstava i za ove namjene, odnosno za pomoć socijalno ugroženim kategorijama stanovništva iz Budžeta Grada Tuzle. Tako da, s obzirom na zaprimljene zahtjeve i pri samoj izradi Nacrta budžeta Grada Tuzle i u toku javne rasprave, sredstva u Budžetu su obezbijeđena za Centar za djecu sa višestrukim smetnjama „Koraci nade“. Zatim, na osnovu dostavljenih prijedloga i sugestija u toku izrade Prijedloga budžeta, uvećane su i pozicije za Udruženje građana „Nirina“ za zaštitu životinja. Zatim, transfer za rad Vijeća mladih takođe je pozicija uvećana u odnosu na utvrđeni Nacrt budžeta. Obezbijeđena su dodatna sredstva za

nagrade učenicima, studentima i sportistima za nadprosječan uspjeh. Zatim, na osnovu dobijenih inputa u toku javne rasprave, mnogo subjekata koji su učestvovali i kako fizička i pravna lica, tako i vijećnice, vijećnici, građani i građanke, izrazili su zadovoljstvo projektom koji imamo preko Crvenog križa, odnosno krsta. Riječ je o projektu tuđe njege i pomoći u kući i potrebu. Iskazali su svi za povećanjem sredstava na ovoj poziciji, tako da je u Prijedlogu budžeta sredstva koja se dodjeljuju za ovaj grant, uvećana za ukupno 21.000 od čega 15.000 konkretno za program tuđe njege i pomoći i 6.000 za nabavku narukvica za dementne osobe. Udruženju penzionera grada Tuzle dodijeljeno je dodatnih sredstava u iznosu 6.000 Konvertibilnih maraka.

Pored ovoga u toku javne rasprave zaprimili smo i određene prijedloge i sugestije za obezbijedivanjem sredstava i za određena udruženja među kojima je Udruženje Kulturni centar Roma, kojima je Prijedlogom budžeta takođe namijenjen, namijenjena sredstva putem granta, a nevladina organizacija u toku javne rasprave iskazali su potrebu i to ona koja se bave djecom na području grada Tuzle, da se određena sredstva izdvoje i u ovu namjenu, tako da smo u Prijedlogu budžeta uvrstili poziciju Akcioni plan za djecu. Tako da kroz ovaj vid socijalnih davanja ukupno iz Budžeta Grada Tuzle planira se izdvojiti 2.888.000, što čini 3,5% ukupnog Budžeta, odnosno ukupnih rashoda Grada Tuzle.

Kada su u pitanju plate i doprinosi uposlenih, oni se u Budžetu za narednu godinu planiraju u iznosu od 14.892.086 Konvertibilnih maraka, što čini 18,01% Budžeta Grada Tuzle.

Kada je u pitanju Odluka o izvršavanju Budžeta u ovom koje ste dobili u odnosu na onu odluku koju ste razmatrali na Nacrtu, razlike su sljedeće:

U članu 14. evidentirano je, odnosno propisano je kako Tuzlanska razvojna agencija može povući sredstva, odnosno izvršavati sredstva iz Budžeta. Poznato vam je da je na prethodnoj sjednici usvojen osnivački akt ove Tuzlanske razvojne agencije, kojim je predviđeno da se ona finansira isključivo iz budžetskih sredstava. Na osnovu procjene resorne službe o minimalnom broju potrebnih uposlenih i minimalnim troškovima za narednu godinu, predviđeno je da Budžet ove ustanove iznosi 284.050 Konvertibilnih maraka.

Izmjene u Odluci o izvršavanju budžeta desile su se i u dijelu člana 22. i 23., gdje su uvršteni grantovi koji su dati u Prijedlogu budžeta, a koji nismo imali u Nacrtu budžeta i u članu 38. stav. 3. definisan je način na koji članovi Zdravstvenog savjeta Tuzle mogu ostvarivati svoje naknade.

Posljednja tačka ove, vezana je za politike investiranja raspoloživih sredstava u Gradu Tuzli. Naime, njima se definišu smjernice na koje, pomoću kojih Grad Tuzla može investirati raspoloživa sredstva u toku 2024. godine, u skladu sa zakonom koji diktira investiranje novčanih sredstava budžeta. Ovom politikom definisano je da se sredstva mogu investirati isključivo u oročene depozite kod poslovnih banaka koje su članice Agencije za nadzor...koje imaju članice Agencije za osiguranje depozita. Sredstva se oročavaju na način da se na osnovu novčanog toka kojeg pripremi Služba za budžet i finansije utvrdi raspoloživi iznos sredstava. Sredstva se utvrđuju na način da se u obzir uzimaju rokovi dospjeća posjedinih obaveza, te tako utvrdimo iznos sredstava koji je slobodan na period od mjesec, dva, tri, šest i devet. Maksimalno sredstva možemo oročiti na godinu dana.

Na osnovu našeg prijedloga gradonačelnik donosi odluku o visini sredstava koja se će investirati. Nakon toga upućuje se javni poziv bankama gdje definišemo uvjete pod kojima oni nama treba da dostave ponude. Sredstva radi disperzije rizika oročavaju se na način da u jednoj banci možemo oročiti maksimalno 25% raspoloživih sredstava, odnosno da javni poziv mora bit okončan sa izborom minimalno četiri banke.

Kada su u pitanju fondovi iz kojih crpimo ta raspoloživa sredstva, pravilo je da iz svih fondova, sem fonda za zaštitu i spašavanje ljudi, obzirom na njegovu prirodu, možemo oročiti maksimalno 90%...95% slobodnih sredstava, dok kod fonda za zaštitu i spašavanje, to je 90 %.



I na kraju, ovim politikama definisana je obaveza izvještavanja gradonačelnika, Gradskog vijeća, te Federalnog ministarstva o efektima ovog investiranja, odnosno pripisanoj kamatnoj stopi za periode na koje investiramo sredstva. Toliko.

## **NATAŠA PERIĆ**

U redu. Hvala vam Majda. Možete se vratiti na mjesto. Evo, sada se javio za riječ gradonačelnik Tuzle, gospodin Lugavić. Izvolite.

## **ZIJAD LUGAVIĆ – Gradonačelnik Grada Tuzle**

Uvažena predsjedavajuća Gradskog vijeća, dopredsjedavajuće, dopredsjedavajući Gradskog vijeća, uvaženi sekretaru Gradskog vijeća, uvažene vijećnice i vijećnici, drage kolegice i kolege, poštovani mediji, sve vas srdačno pozdravljam.

Prije svega, želio bih da se zahvalim kolegici Majdi Jašarević koja je rekla i prezentovala ovaj Budžet na jedan veoma kvalitetan i iscrpan način. U početku je imala malo treme, obzirom da joj je ovo prvi, čini mi se izvještaj, ali na kraju, ja mislim da je ona mogla nastaviti još jedno sat vremena, ovaj, da nam obrazlaže i u moje lično ime i ime svih kolegica i kolega, a siguran sam i u vaše ime, hvala joj i hvala svim kolegicama i čini mi se jednom kolegi u Službi za budžet i finansije koji su odradili i iznijeli ovaj veoma veliki posao izrade Budžeta, obzirom da su dvije ključne osobe na bolovanju iz zdravstvenih, ovaj, razloga. I ovo je bio jedan veliki izazov za nas kao Gradsku upravu, evo, a koji smo nadam se uspješno okončali.

Kroz javnu raspravu i usvojene prijedloge, dakle, ovaj, Grad Tuzla je pokazao svoju i dokazao svoju transparentnost, otvorenost i odgovornost prema svim građankama i građanima, prema vama kao vijećnicama i vijećnicima, jel smo željeli stvarno da sve ono što je dobro prihvatimo i uvrstimo u Budžet, a isto tako uzimanje i predlaganje. Uzimanje kredita je u stvari proisteklo iz javne rasprave, jel smo vidjeli koliko imamo dobrih prijedloga, pogotovo na infrastrukturi da ih je potrebno uraditi, a s druge strane jer smo ograničeni sa prilivom sredstava u Budžet, al smo željeli da prihvatimo što veći broj prijedloga, udovoljimo zahtjevima i viziji naših građanki i građana i vas kao vijećnica i vijećnika. Iz tog razloga je predloženo i kreditno zaduženje. I u tom kontekstu želio bih svima vama da se zahvalim na odvojenom vremenu koje ste uzeli da prisustvujete javnim raspravama, razgovorima, svim oni vašim prijedlozima u toku rasprave koju ste vodili o Budžetu tokom predlaganja Nacrta budžeta, a što je urodilo plodom da možemo sigurno i sa sigurnošću reći da je ovaj Prijedlog budžeta za 2024. godinu, u stvari Budžet građanki i građana grada Tuzle, nevladinih organizacija i privrednih društava.

Kao što je već rečeno, Budžet za 2024. godinu Grada Tuzle je predložen u iznosu od 82.691.597,47 Konvertibilnih maraka.

I ako uzmemo u obzir da je komunalna infrastruktura u ovako predloženom Budžetu, iznosi 38.963.654 Konvertibilne marke, odnosno 47,12%. Socijalna zaštita 2.888.000 Konvertibilnih maraka. Kultura 2.375.000. Sport 2.370.000. Ekonomski razvoj, direktna podrška privrednicima 742.000 maraka. Socijalna i zdravstvena zaštita, osnaživanje žena i osoba sa invaliditetom, negdje oko milion Konvertibilnih maraka.

Možemo sa sigurnošću da kažemo da je ovako koncipiran Budžet razvojni, investicioni i socijalni.

Ja ne bih o kreditu, ali evo rekao bih da vam malo prezentujem ono u stvari šta ćemo mi uraditi u okviru službi koje su najveći nosioci aktivnosti u Budžetu Grada Tuzle, pa bih krenuo od Službe za kulturu, sport i mlade, iako je to kolegica Majda poprilično dobro, ovaj, objasnila.

Ono što nam je bitno jeste da smo svi zajedno prepoznali značaj uvrštavanja, dakle, „Koraka nade“ u Budžet Grada Tuzle. Obzirom da on djeluje na području Grada Tuzle, ali da je broj korisnika iz svih opština Tuzlanskog kantona. Ali evo mi smo jedini koji smo podržali. Nadam se da će ovaj naš primjer preuzeti i druge opštine, pa da će i oni izdvojiti sredstva za rad jedne ovako značajne organizacije.

Zatim Akcioni plan za djecu je proistekao u razgovoru sa nevladinim organizacijama koje su nam rekli „Imamo Akcioni plan za djecu, ali nemamo u budžetu sredstava izdvojenih za realizaciju Akcionog plana“. I to je bila dobra primjedba dakle koju smo apsolutno prihvatili i evo predložili smo i to u Budžetu.

Također, transfer za rad Vijeća mladih kroz razgovore sa Vijećem mladim, organizacijama nevladinim, dakle, koji se bave oblasti mladih na području grada Tuzle. I oni su nam potraživali da odvojimo malo veća sredstva kako bi mogli da plaćaju one neke osnovne režijske troškove, kako bi stvorili još bolje i kvalitetnije uslove za njihov rad sa mladima na području grada Tuzle. Tako da je i ovaj transfer za rad Vijeća mladih povećan, kao i grant za omladinska udruženja.

Dakle, zatim, nagrade učenicima, studentima i sportistima koji su ostvarili nadprosječne rezultate je povećan, jel smo vidjeli ove godine koliko je značajno nastaviti sa ovom podrškom, ali nismo imali ove godine toliko, ovaj, značajna sredstva, pa smo evo i ovo povećali onoliko koliko smo mogli. Međutim, oni zaslužuju da ovaj ekonomski kod bude daleko veći, pa ćemo u narednom periodu pokušati da zajedno, ovaj, ostvarimo dodatne prihode i povećamo ovaj fond, jel je veoma značajno podržavati mlade u njihovom školovanju, njihovom odrastanju i njihovom bavljenju sportom ako želimo zdravo društvo i društvenu zajednicu.

Zatim, kulturne manifestacije su takođe povećane za jedan manji iznos sredstava.

Crveni križ kao što je rečeno. Veliki broj vas je ovdje predlagao osobe koje su dementne, da idemo u aktivnosti nabavke narukvica, ovaj, za dementne osobe, GPS narukvica, dakle, kako bi mogli da ih pratimo, ovaj, i u razgovoru sa Crvenim križom, oni su rekli prebacite nama sredstva, mi ćemo to raditi.

Isto tako, „njega u kući“ je veoma bitan segment. To je jedna stvarno humana misija onoga što radi Crveni križ, a što je započeo aktivnosti sa švicarskim crvenim križem, a Grad Tuzla je čini mi se prije dvije godine otprilike, preuzeo il tri godine, preuzeo finansiranje ovog projekta i kada vidimo da nam iz dana u dan ostaje sve veći broj osoba o kojim nema ko da se brine u kućama, ovaj, onda vidimo koliko je bitno, koliko je bitno, ovaj, da i ovdje povećamo, povećamo sredstva.

Takođe, „Vive žene“, dakle i vi ste to spominjali i građani su to tražili da povećamo finansiranje i ove organizacije, obzirom na njen značaj, posebno u onom segmentu sigurne kuće.

Udruženje penzionera je povećano takođe.

Kapitalni grant za „Kuću Plamena mira“. Svjedoci smo koliko mladih radi i realizuje svoje umjetničke i kulturne i stvaralačke sposobnosti u Kući mladih. Međutim, ona šindra kako je oni zovu, počela je da trune i ovaj moramo i to na neki način da obnovimo, ali na način kako je ona prvobitno bila postavljena, tako da smo i tu, ovaj, morali da planiramo određeni dio sredstava i povećali smo izdavanje za socijalne jednokratne pomoći.

Opet možda nije dovoljno, ali evo uz sva ova ograničenja koja imamo u prilivu sredstava od viših nivoa vlasti, jel smo vidjeli da nam je prijedlog u odnosu na Nacrt manji za 2.161.000, čini mi se, tako, ovaj, nekako sredstava. Ovdje kroz raspravu tokom Nacrta, a i kroz prijedloge i razgovore u toku javne rasprave smo dakle došli do informacija da treba podržati povećanje sredstava za rad Udruženja Nirina.

Što se tiče komunalne službe, radićemo na daljoj izgradnji i uređenju postojećih dječijih igrališta, na način da ona budu inkluzivnija, dakle, da na minimalno deset postojećih igrališta

dječijih ugradimo sprave koje će omogućiti osobama, da kažem sa poteškoćama u razvoju, da im oprema bude prilagođena, da i oni mogu da uživaju kao njihovi, kao njihovi vršnjaci.

Takođe, vozilo za prevoz invalidnih lica. To smo započeli aktivnosti ove godine, ali evo niko nam se nije javio na prvi tender, pa ćemo morati malo bolje istražiti tržište i da to vozilo nabavimo za iduću godinu, jel mislim da je i to kvalitetno opredjeljenje. Bio sam prošle godine za Božić kada sam obilazio naše građanke i građane. Pa u Mosniku na sedmom spratu je, ovaj, majka i kćerka su živjele. Nema lifta zgrada, ovaj, pa su vatrogasci često dolazili, pa da snesu, ovaj, djevojčicu koja je nepokretna i kada mora da ide na kontrolu ili nešto. I mislim da je i ovo humano gdje će ti ljudi pomoći da ih snesu, da ih odvuku na pregled ili gdje god oni treba da idu.

Takođe smo u okviru ove službe razgovarali i o izradi Regulacionog plana centra grada sa posebnim fokusom na ovaj dio kod zatvora i policije.

Onda, veliki broj primjedbi je bio, odnosno sugestija i prijedloga za izradu turističkih putokaza za označavanje historijskih, kulturnih, sportskih, turističkih i drugih objekata. Već nam je naš Zavod za urbanizam napravio prijedlog izgleda tih tabla i mislim da ćemo odmah početkom iduće godine početi sa ugradnjom tih tabla i na takav način kroz upotrebu QR kodova, dakle, omogućiti na neki način virtuelni obilazak pod navodnicima virtuelni obilazak grada Tuzle, ali u svakom slučaju dobijanje iscrpnijih informacija o našim kulturnim, historijskim, vjerskim, ovaj, turističkim i drugim objektima i potencijalima koje, koje, imamo.

Ićićemo dalje sa ugradnjom česmi na naše parkove i oko šetnica. I to ste vi ovdje, ovaj, predložili. I to će ići vrlo brzo i ove godine. Dobili smo jednu ponudu tu da vam kažem, al je bila enormna, enormna cijena. Sada smo istraživali tržište, pa smo, ovaj, vidjeli da ima i drugih proizvođača sa nešto prihvatljivijim cijenama, al moramo otić na lice mjesta da pogledamo kakav je kvalitet, pa onda da raspisemo javni poziv, ovaj, ponovo.

Postavljanje tabli na dječijim igralištima o zabrani upotrebe, dakle, alkohola. Postavljanje tabla za kućne ljubimce na dječijim igralištima i na zelenim površinama, da su dužni, dakle, počistiti sve ono što, ovaj, kućni ljubimci, njihovi ljubimci zaprljaju, onečiste. I postavljanje tabli sa znakovima za osobe sa, ovaj, invaliditetom, dakle, na određenim, na određenim površinama.

U toku je kupovanje prostora i okviru ove službe za Mjesnu zajednicu Sjenjak. Prvi javni poziv nam je pao. Raspisali smo drugi. Nadamo se da ćemo ga okončati u toku iduće godine.

Radit će se sanacija i rekonstrukcija 56 putnih pravaca i to iz kreditnih sredstava 24 puta i 27 puteva gdje su građanke i građani uplatili 20% učešća i 5 za koje je provedena procedura, dakle, u ovoj godini, al će se raditi realizacija u idućoj godini zbog, ovaj, uslova koji sada ne pogoduju za realizaciju ovih ugovora.

Radićemo rekonstrukciju raskrsnice na Slatini, odnosno kružni tok na Slatini, što je opet veoma bitno da mi uložimo maksimalno napora na našu sjevernu saobraćajnicu. Da kroz kružne tokove ubrzamo protok saobraćaja. Napravimo kvalitetniji tok saobraćaja na ovoj našoj transverzali, te na takav način zajednički učestvujemo u smanjenju emisije SO<sub>2</sub> i drugih, dakle, plinova i gasova u atmosferu.

Sanacija vodovodne mreže u 5 mjesnih zajednica.

Sanacija „Plavog mosta“ i „Mosta Kipovi“ je takođe veoma bitna, jel je veliki broj građanki i građana tražio. Plavi most posebno zbog nesigurnosti na stepenicama i s jedne i s druge strane koje su poprilično oštećene i narušene, a onda i zbog drugih razloga. A „Most Kipovi“ jel je to kultno mjesto grada Tuzle i želimo ga vratimo tuzlankama i tuzlacima i svim dragim ovaj gostima. A za „Most Kipova“ je naš Zavod za urbanizam, kako se direktorica smije fino, napravio prelijep projekat kako to da izgleda, tako da mislim da ćemo, ovaj, svi se ponovo vratiti u ona naša dječjačka vremena, a i, ovaj, Jusić se nešto smije, pošto je i njemu to u mahali blizu bilo, ovaj, i zajedno ponovo uživati na našem, na našem „Mostu Kipova“.

Takođe ćemo raditi na ugradnji zvučnih semafora za slabovide i slijepe osobe. Održavanje i čišćenje vodotoka na području grada Tuzle.

U 18 mjesnih zajednica je planirano da se nastavi ono što je započeto ove i prethodnih godina.

Prošireno...planirano je proširenje javne rasvjete u 12 mjesnih zajednica i to: Kiseljak, Gornja Tuzla, Slavinovići, Požarnica, Solana, Ljepunice, Mramor, Novi Grad, Dragunja, Dobrnja, Dokanj i Bukinje. Ovdje vidimo da će većina ovih infrastrukturnih radova biti rađeno u prigradskim mjesnim zajednicama.

Čini mi se koliko mi je dala informaciju Služba za komunalne poslove, od 62 putna pravca ako nam još 6 prođe gore na nivou Federacije. 48 je planirano u prigradskim mjesnim zajednicama, a 14 u gradskim mjesnim zajednicama. Tako želim ovo javno da kažem, jel i dalje kruži kako su zapostavljene prigradske mjesne zajednice, ali evo mi stalno tvrdimo i pokazujemo da to, da to, nije, ovaj, tako. Činjenica i fakat je da se u njih manje ulagalo i da sada treba više ulagati, ali evo idemo u tom pravcu, da ni jedan građanin grada Tuzle ni građanka grada Tuzle ne bude diskriminirani ni po kom osnovu, pa ni po, ovaj, osnovu komunalne infrastrukture.

Dalje ćemo raditi na proširenju i zamjeni LED sijalica kroz ovaj projekat javne rasvjete uz dalje, dalju implementaciju pametnog upravljanja javnom rasvjetom. Mislim da veoma brzo će biti, to neka me direktor ispravi ako griješim, ugrađena uređaj u trafo stanice koje pale i gase rasvjetu, uređaj pomoću kojih će se moć upravljati tom javnom rasvjetom putem mobilnog aparata, da će moći povećati i smanjiti, dati da se svi gase u toliko vrijeme, pale u to vrijeme. I tu će nam uštede ogromne biti. Evo sada kada svi idemo kroz naš grad, vidimo da se negdje rasvjeta ugasi u pola sedam, negdje dvadeset do sedam, negdje deset do sedam. Al ako uzmemo da imamo samo 100 sijalica, koje rade 10 minuta duže dnevno puta 365 dana u godini, napravilićemo ogromne uštede kroz ovaj projekat.

Radićemo na izgradnji dva sportska terena Paša Bunar i Krojčica. Dva nova dječija igrališta Donja Obodnica i Kojšino. Na deset smo rekli da ćemo raditi zamjene i ugradnju nove inkluzivne opreme.

Sanacije zaštitne ograde na pomoćnom stadionu „Tušanj“, postavljanje vještačke trave i sanacija zaštitnog zida na pomoćnom stadionu „Tušanj“, veoma nam je bitno, jel ove godine stadion „Tušanj“ nije mogao da dobije licencu na velikom terenu, dakle, na pomoćnom terenu za igranje utakmica. Kada su nam dolazili i kod mene su bili na sastanku predstavnici Nogometnog saveza, rekli su da je to nešto što bi trebalo da se, ovaj, uradi, a isto tako i građani su to tražili, a i naši najmlađi koji treniraju najviše na tom terenu to treba da se, da se, ovaj, uradi.

Radićemo sanacione radove na postojećim igralištima. Evo ove godine smo uradili i u Slavinovićima stavili smo onu ogradu ovdje s ove strane gdje je djeci išla lopta na cestu, dakle, i s ovom ogradom smo napravili bezbjednost. Međutim, sad ima ona druga strana gdje lopta ide u Jalu, ovaj, pa ćemo gledat da i s te strane stavimo ogradu, pa i na takav način da pomognemo. Vjerujte kad dobijem informaciju razmišljamo, razmišljamo o svemu i stvarno želimo da što više toga uradimo.

Takođe, nastavićemo sanaciju segmenata u memorijalnom kompleksu, dakle, Slana Banja, jel želimo da on bude još ljepši.

Imamo ovdje još dosta, dosta nekih aktivnosti. Ovo su samo one ključne koje sam ja želio da vam, ovaj, iznesem.

Što se tiče Službe za ekonomski razvoj, poljoprivredu i poduzetništvo, tu smo ovaj obzirom da kroz proaktivan pristup uposlenika ove službe iz godine u godinu projekti direktne podrške novoregistrovanim, ovaj, kompanijama, odnosno novoregistrovanim obrtima na području grada Tuzle, u prvoj, drugoj godini poslovanja. Povećava se broj onih koji apliciraju, što je nama veoma drago. Ove godine smo imali čini mi se 256 onih koji su zadovoljavali

uslove, ovaj, konkursa i koji su prošli, što je dosta više u odnosu na prošlu godinu kada je bilo 179, ovaj, i vidimo da broj njih raste i ovo je dokaz da je Grad Tuzla u pravom smislu riječi partner novoregistrovanim kompanijama i želimo da budemo još bolji u ovom segmentu.

Ostale linije podrške su ostale na istom nivou obzirom na ograničena sredstva, ovaj, koja smo imali, koja smo imali u Budžetu.

Očekujemo da ćemo moći aplicirati na projekat Muslim Aid-a za oblast poljoprivrede, jer tu, ovu godinu nismo mogli, zato što smo prošle godine aplicirali. Iduću godinu ćemo aplicirati za nekih 20 platenika za siromašne kategorije stanovništva. Znamo da jedan platenik od stotinu kvadrata može da hrani maltene jednu četveročlanu porodicu ako se dobro planira i dobro radi i iskoristi njegov kapacitet punih 12 mjeseci u godini.

Takođe očekujemo da ćemo aplicirati na projekat Impakt gdje smo dugogodišnji partneri u ovom projektu i tako za sve naše mlade, a i druge koje imaju dobru poslovnu ideju, da im pomognemo da razviju poslovnu ideju u poslovni plan, ovaj, i da im pomognemo prilikom registracije, da bi oni, ovaj, ostali u svome gradu, ostvarivali prihode i unapređivali razvoj privrede i poslovanja u našem, u našem gradu.

Takođe smo predložili evo ovaj, danas ide odluka o ukidanju plaćanja takse na registraciju samostalne djelatnosti na području grada Tuzle. Hvala vam, prošle godine ste podržali. Želimo da nastavimo s tim. Da oni koji žele da registruju djelatnost na području grada Tuzle, da ne plaćaju taksu i da i na takav način otvorimo naša vrata svim onima, posebno, posebno, ovaj, mladim.

Takođe, kroz projekat sa USAID-om formiramo fond bespovratnih sredstava da za dijasporu, jel želimo da kroz ovakav projekat privučemo i dijasporu i investitore. Ja sam ostvario veliki broj kontakata i mislim da ćemo u narednom periodu, ovaj, imati dobre efekte i dobre benefite saradnje sa dijasporom. Trebaće nam tu vaša pomoć i vaše razumijevanje, al evo ja ću vas upoznati pravovremeno o svim projektima, o svim aktivnostima i da zajedno nastupamo i da svi zajedno sa građankama i građanima i privrednim subjektima grada Tuzle, ovaj, gledamo u benefite tih naših aktivnosti.

Takođe, iduće godine idemo i sa nastavkom projekta sa međunarodnom organizacijom rada za prekvalifikaciju i stručno usavršavanje nezaposlenih osoba u jednoj liniji. Još jedna linija će biti razvoj poduzetničkih, razvoj poduzetničkih ideja.

Ovo su ukratko bile one tri najvažnije službe koje, ovaj, nose najveći dio Budžeta, a gdje sam ja želio da vas upoznam konkretnije o svim aktivnostima i svim projektima koje ćemo realizovati, ne baš o svim, ali onim naj značajnijim koje ćemo realizovati.

Takođe, ne smijemo zaboraviti ni naše borce i boračku populaciju, gdje želim da kažem da je iznos sredstava za podršku boračkim populacijama ostao, ostao, ovaj, isti i da želimo da gajimo opredjeljenje da oni nisu zaboravljeni i da ćemo mi uvijek biti tu, ovaj, koji ćemo voditi, voditi, brigu o njima.

Ovdje sam planirao jel vjerovatno da će bit i pitanje o izborima u mjesnim zajednicama. Dakle, da planirana su sredstva, ovaj, u Budžetu Grada Tuzle za 2024. godinu, za, ovaj, realizaciju izbora u mjesnim, mjesnim zajednicama.

Evo ja bih ukratko ovoliko, a nakon vaših diskusija ukoliko se ukaže potreba da ponovo izađemo i damo odgovore na određena pitanja, vrlo rado ćemo to uraditi, ukoliko budemo znali. Hvala vam lijepo.

## **NATAŠA PERIĆ**

Dobro. Hvala gradonačelniče.

Da li ima potrebe da se pročitaju izvještaji komisija? (Nema). Dobro.

Otvaram raspravu klubova vijećnika.

Za riječ se javila vijećnica Ana Pejić, ispred Kluba SDP-a. Neka se pripremi vijećnik Ćerim Rastoder. Izvolite.

### **ANA PEJIĆ – vijećnik Socijaldemokratske partije**

Zahvaljujem se. Evo prije svega, zahvaljujem se gradonačelniku i Službi za budžet i finansije na pripremljenom dokumentu. Naime, danas... (NATAŠA PERIĆ – Molim vas, malo tišine). Naime, danas je pred nama Budžet Grada Tuzle za dvadesetčetvrtu godinu, koji je po mom mišljenju za svaku pohvalu, obzirom da je isti kapitalni, socijalni i razvojni.

Veoma mi je drago da, vidljivo je da je nešto manje od 50% budžeta planirano na komunalnu infrastrukturu, obzirom da je zapravo komunalna infrastruktura i ključna za dalji razvoj našeg grada, ali i kvalitetniji život naših sugrađanki i sugrađana.

Također mi je drago da je ovim prijedlogom budžeta, zapravo povećana su sredstva u odnosu na Nacrt za Javnu ustanovu Centar za socijalni rad, kao i za Javnu ustanovu Centar za kulturu Tuzla.

I u javnoj raspravi vijećnici Kluba SDP-a su imali razne prijedloge vezane za Budžet, pa mi je drago također da su neki od prijedloga evo i uvršteni, ovaj, u sam Budžet. Tako između ostalog, kolega Anel Ibeljić i ja smo imali, ovaj, prijedloge za povećanje sredstava koja se izdvajaju za Udruženje penzionera i za nagrade učenicima, studentima i sportistima za nadprosječan uspjeh, što je svakako za svaku pohvalu i vjerujem da će to ubuduće biti svakako i više.

Što se tiče ovog Budžeta, još jednom ću naglasiti da je svakako vidljivo da je planiran nastavak razvoja našeg grada i da se planira na unapređenju, znači, aktivnosti za što kvalitetniji život naših sugrađanki i sugrađana, ali i pružanja pomoći i svakako podrške najosjetljivijim kategorijama kojima je to danas potrebno. Toliko.

### **NATAŠA PERIĆ**

U redu. Hvala kolegici Pejić. Sljedeći za riječ se javio vijećnik Ćerim Rastoder. Neka se pripremi vijećnik Admir Hasanbašić, a vijećnik Ćerim ispred Kluba samostalnih vijećnika. Izvolite.

### **ĆERIM RASTODER – samostalni vijećnik**

Zahvaljujem se predsjedavajuća. Pozdravljam prisutne kolegice, kolege, gradonačelnika, pripadnike Gradske službe, medije i želim nam uspješan rad.

Raspravljamo o najvažnijem dokumentu svake institucije, odnosno o Budžetu koji, kojim se planiraju prihodi i rashodi za narednu godinu.

Ono što bih u startu reko jeste da je dobro što pred nama stoji Budžet koji je 30,43 % veći u odnosu na Nacrt o kojem smo raspravljali prije dva mjeseca. Razlika je znači negdje oko 19 miliona i to sredstava onih kojih planiramo podići kredit i prenosa sredstava negdje oko 7,6 miliona.

Najvažnije po meni jeste da mi danas u redovnoj proceduri izglasamo ovaj Budžet, kako bi mogli od januara mjeseca sve aktivnosti, pa i one nove koje do sada nisu bile počete realizacijom, jer kao što mi je poznato ako se ne donese Budžet, nego se ide u privremeno finansiranje, kao nažalost što idu već neke mnoge institucije (NATAŠA PERIĆ – Molim vas malo tišine), ovaj, većeg nivoa, ne mogu se realizovati nove aktivnosti, već se mogu samo realizovati one aktivnosti koje su bile u prošloj godini. Evo svjedoci smo da je Kanton već donio odluku o privremenom finansiranju. Vidjećemo šta će biti sa Federacijom, pretpostavljam i ona, jer kod njih još se nije raspravljalo ni o Nacrtu. Državni budžet je upitan,

a sve to što, onaj, nije dobro za građane, jer građani koriste prava i sa nivoa države, federacije i kantona. Na svu sreću, evo ja se nadam da ćemo mi danas, onaj, nakon, nakon svih procedura i nakon javnih rasprava usvojiti Budžet Grada Tuzle i na taj način omogućiti našim građanima koji pune taj Budžet da koriste sve prinadležnosti od mjeseca januara.

Ova tačka vidim ima a), b), c), d), četiri podtačke. Prva je podtačka Odluka o kreditnom zaduženju Grada Tuzle 11,1 milion. Mi smo kolko je meni poznato do skora imali tri kredita. Jedan nam je istekao. Ostala su dva i evo donosimo po meni jednu veoma važnu i pametnu mudru odluku o podizanju novog kredita.

Ono što je posebno važno da ovaj kredit ne dižemo kako bi povećali plaće ili neke druge, onaj, manje bitne stvari, već podižemo namjenski. Vraćamo ga građanima kroz realizaciju kapitalnih projekata, koje mi sigurno ne bi sa postojećim Budžetom mogli realizovati. Kredit je znači takav kakav jeste, na 12 godina i ono što je vrlo bitno i važno, evo što je gradonačelnik isticao ovdje, jeste da najveći dio tih sredstava sedam i po miliona i nešto više ide, ide za sanaciju puteva, za sanaciju sportskih objekata, ostatak mostova, vodovodne mreže i tako dalje. I ono što je isto tako bitno za građane, mada to ne mora tako uvijek da bude, ali evo uobičajeno se kaže, samo se ulaže u gradsku jezgru, da ovaj put malo više sredstava ide u prigradska naselja, odnosno, ide građanima koji ne žive u užem jezgru grada.

I vrlo je znači važno, još jednom potenciram da kredit ide za investiciona ulaganja.

Ovo dizanje kredita u ovoj godini ne bi trebali i pogrešno bi bilo posmatrati, s obzirom da je izborna godina, lokalni nivo i tako dalje, da u tom kontekstu, jer jednostavno treba iskoristiti priliku, ako već možemo da podignemo taj kredit podići i uraditi, jer pratimo ekonomske ove tokove da se iz godine u godinu ti, onaj, projekti, odnosno sve skuplji i tako dalje, znači, dobro je to, ovaj, investirati za ove stvari i tako dalje.

Evo na primjer meni što, što, pošto živim dole u Solani, vidim da je predviđeno da se napravi put, sanacija puta prema Gradskom groblju. Objekta koji napokon ja mislim da bi u dvajscetvrtjoj trebali, ovaj, s obzirom na probleme u gradu oko ukopa pustiti i početi sa radom. Da ne nabrajam ove ostale.

Drago mi je takođe i što je i do sada bila praksa da 41.636.000, odnosno, više možda nešto malo više od 50% ili 50% Budžeta ide za Komunalnu službu. Službi mjesne zajednice. I to je ono što je vrlo važno. A takođe mi je veoma važno i ovo mi je drago što značajna sredstva povećavamo za Civilnu zaštitu. Štab Civilne zaštite kao što smo pratili tokom ove godine, nažalost, vjerovatno će to biti u narednom periodu, stalni smo svjedoci i vanrednih nekih situacija, događaja i taj Štab Civilne zaštite vidimo da jako dobro funkcioniše, radi, Vatrogasna jedinica i za ta, za ta, ovaj, za te namjene je veoma važno da izdvajamo sredstva i povećamo i tako dalje.

Isto tako, prvi put ove godine, a mi smo to prošli mjesec donijeli odluku oko formiranja ove nove agencije. Nadam se, evo planirano je Budžetom nešto manje od 300.000, da ćemo od ove agencije već u ovoj dvadesetčetvrtjoj imati bar tri, četiri, pa i pet puta više, više koristi nego od onog što ćemo uložiti, odnosno da će nam izvršiti povrat tih sredstava pronalaskom razno raznih investicija i uključivanjem u Budžet odnosno Grad Tuzla.

Isto tako, ja ne bi puno, evo gradonačelnik je to i kolegica koju isto ja takođe ja, Majda želim da pohvalim, da je jako dobro izložila Budžet. Nije koristila pomoćna sredstva. Cifre je napamet sve naučila i zaista, onaj, ja je želim ohrabriti da je jako dobro radila, odnosno da nas je jako dobro informisala.

Ono što ja hoću da kažem, znači što je meni posebno drago da su malo socijalna ova davanja povećana, pa i u nekim segmentima i Službe za kulturu i sport i tako dalje. Drago mi je takođe da su povećana sredstva za nagrade studentima, učenicima, za Crveni križ. Drago mi je što smo uveli ovo Udruženje „Koraci nade“, kao i neka druga udruženja.

Posebno mi je drago što smo povećali sredstva udruženjima nacionalnih manjina, ne samo Roma, nego i ostalih, jer naš grad je prepoznatljiv po tome. Multietnička sredina i mi ta udruženja koliko god ih ima, trebamo čuvati na neki način paziti i pomagati ono što možemo.

Ono što bih na kraju reko da je ovo Budžet svih nas građana. Da su građani učestvovali kroz javne rasprave. Da smo mi učestvovali u Nacrtu. Da ćemo danas nadam se ga jednoglasno i usvojiti, jer je Budžet svih nas.

S obzirom da ide, da je izborna godina, ne bi dobro bilo da se neko od nas vijećnika pojavi da kaže samo sam ja. Ko god bude glaso za bilo koji projekat, to je naš Budžet. Znači, on je svih nas, a nikog nije pojedinačno. I tako to treba, onaj, shvatiti. On je u stvari Budžet građana. Biće dosta radova. Svako od nas ima pravo ako bude, onaj, da se pojavi, da se nešto radi i da kaže sa ponosom da je i on glaso za ovaj Budžet, da se rade i tako dalje. Znači, da ne bi bilo nekih tu zloupotreba, to bi ono što bi zamolio kolege i nadam se da je tako.

Malo mi je žao što nažalost za sport nisu mogli malo više sredstava izdvojiti, al Bože moj tako je kako je.

Evo naš, naš klub, onaj, i ja lično ćemo podržati ovaj Budžet i zahvaljujem se. Bilo bi još tu puno stvari, al veoma je detaljno i gradonačelnik je iznio sve ove stvari, tako da ne bih, ovaj, šire ulazio u to. Hvala.

## **NATAŠA PERIĆ**

Hvala kolega Rastoder. Sljedeći za riječ se javio vijećnik Admir Hasanbašić, ispred Kluba Tuzlanske alternative. Neka se pripremi vijećnik Nedžad Jusić. Izvolite.

## **ADMIR HASANBAŠIĆ – vijećnik Tuzlanske alternative**

Poštovana predsjedavajuća, uvaženi gosti, cijenjeni predstavnici medija, drage kolegice i kolege, ja vas sve srdačno pozdravljam i želim nam danas ugodan i nadam se konstruktivan rad na sjednici Gradskog vijeća.

Zaista puno toga su rekli gradonačelnik i predstavnik Službe za finansije i budžet Majda Jašrarević, a evo i mnogo toga su rekle i moje prethodne kolege, odnosno kolegice Ana i Čerim.

Al evo ja ću istaći da Prijedlog budžeta za 2024. godinu u iznosu od oko 83 miliona Konvertibilnih maraka je uvećan za 19 miliona u odnosu na Nacrt budžeta. I drago mi je da su u Prijedlogu budžeta uzeti u obzir mnogi prijedlozi iz javne rasprave na Nacrt, kao i prijedlozi nastali iz diskusije nas, nas vijećnika.

Za pohvalu je znatno povećanje sredstava u odnosu na Nacrt budžeta na sljedećim ekonomskim kodovima.

To je održavanje i čišćenje vodotoka. Znamo kakav imamo problem ukoliko imamo obilne padavine i zaista ovu stavku, odnosno ovaj ekonomski kod je trebalo povećati.

Zatim, Grant za energijsku efikasnost. Povećano je za još 1 milion. Znači, to su velika sredstva. Ukupno 2 miliona. I ovo će u mnogome doprinijeti zaštiti, znači, naših građana, odnosno smanjit će se aerozagađanje Grada Tuzla.

Zatim, nabavka radova na ugradnji nadstrešnica na autobuskim stajalištima na području grada Tuzla, u iznosu od 125.000 Konvertibilnih maraka. Ovdje želim predložiti jedan zaključak, a to je da prioritet kod postavljanja nadstrešnica na autobuskim stajalištima budu rubne mjesne zajednice. Zbog čega? Svi smo svjesni da pogotov u rubnim mjesnim zajednicama naši građani jako drugo čekaju dolazak autobusa i nemaju zaista mjesta da se sklone, tako da će ove nadstrešnice najbolje doći u ovim mjesnim zajednicama.

Međutim, nije dobro da su se izdvojila znatno manja sredstva za tekuće održavanje rasvjete. Znači, u prethodnoj godini je to bio milion i petsto hiljada Konvertibilnih maraka.



Međutim, u ovoj godini 820.000 Konvertibilnih maraka, kao što je gradonačelnik i rekao. Biće povećanje. Ja se iskreno nadam i poslije ću predložiti jedan zaključak. Ali treba istaći da je ugradnjom nove LED rasvjete, odnosno zamjena ove stare halogene rasvjete u 2023. godini uštedeno oko 400.000 Konvertibilnih maraka samo za plaćanje utroška električne energije. To su velika sredstva. I mislim da trebamo nastaviti i dalje u 2024. godini, znači, zamjenu halogene rasvjete LED rasvjetom, što će u mnogome doprinijeti još većoj uštedi, a samim tim jedna bitna činjenica da ugradnjom rasvjete LED, garancija je 5 godina, što znači da faktički 5 godina Grad neće imati nikakvog ulaganja da se ta rasvjetna tijela mijenjaju.

Tako da bih predložio jedan zaključak, a to je ukoliko bude rebalansa budžeta u 2024. godini, zbog suficita naravno, da se povećaju sredstva za održavanje javne rasvjete i po mogućnosti da se vrate na iznos koji je bio u 2023. godini.

Dalje. Zaista je pozitivno što je urađeno ovo kreditno zaduženje i ja bi se ovdje posebno osvrnuo na ovih 7.500.000 Konvertibilnih maraka za sanaciju puteva. Malo sam pravio analizu i zaista jedan fenomenalan podatak da od tih sedam i po miliona, tri miliona i osamsto Konvertibilnih maraka, znači, što je oko 50% ide za sanaciju puteva u mjesnim zajednicama koje se nalaze u blizini Termoelektrane. To su znači Kreka, Solana, Husino, Bukinje. Kad dodamo još tu i neke druge rubne mjesne zajednice taj je postotak mnogo veći. Zaista odlično je urađeno i išlo se u onom smjeru da se poboljša kvalitet života za naše građane u svim mjesnim zajednicama, pogotovo u ovom slučaju, u rubnim mjesnim zajednicama.

Treba posebno istać da će se 2 miliona Konvertibilnih maraka iz Budžeta Grada Tuzla takođe izdvojiti za izgradnju novih puteva. To je ono učešće građana oko 20% i ovi projekti će biti realizovani. Svi oni građani koji su uplatili ovaj iznos u 2023. godini, 27 je projekata, biće realizovano i zaista kažem da idemo i u ovom segmentu ka boljitku, odnosno kvalitetnijem životu naših građana.

Nadam se da će 100.000 Konvertibilnih maraka koji su namijenjeni za izradu studija, analize javnog gradskog prevoza, dati konkretne rezultate i da ćemo poboljšati javni prevoz za naše građane, a da neće to biti mrtvo slovo na papiru. Zaista ovo su lijepa sredstva, 100.000 Konvertibilnih maraka i mislim da ovo treba da da adekvatne i konkretne rezultate, isto kao što očekujem da će onaj iznos od oko 300.000 Konvertibilnih maraka za rad Javne ustanove Tuzlanska razvojna agencija dati rezultate i opravdati, znači, svoje osnivanje. To će pokazati kao što reče kolega Čerim već u prvim mjesecima, znači, 2024. godine.

I na kraju, iskrene čestitke našem gradonačelniku, Službi za budžet i finansije, za odlično urađeni Prijedlog budžeta za 2024. godinu, a dokaz tome je i donošenje politike investiranja raspoloživih novčanih sredstava Grada Tuzla, sa ciljem povećanja budžetskih sredstava u 2024. godini, što znači i na neke druge načine pored prihoda, radi se na tome da se povećaju sredstva u Budžetu.

Još jednom, iskrene čestitke, a Klub vijećnika Tuzlanske alternative svakako će podržati Prijedlog budžeta za 2024. godinu. Hvala.

## **NATAŠA PERIĆ**

U redu. Hvala kolegi Hasanbašiću. Sljedeći za riječ se javio vijećnik Nedžad Jusić ispred Kluba nacionalnih manjina. Neka se pripremi vijećnica Selma Čatibušić. Izvolite.

## **NEDŽAD JUSIĆ – nezavisni vijećnik iz reda nacionalnih manjina**

Hvala predsjedavajuća. Poštovana predsjedavajuća, gradonačelnice, zamjenici i zamjenice predsjedavajuće, sekretaru, kolege i kolegice vijećnici i vijećnice i drugi, želim da vas pozdravim i zaželim nam uspjeh u današnjem radu.

Ja sam stvarno razmišljao dal u stvari uopšte da se javim za današnju raspravu kad je u pitanju Budžet, jer je stvarno i iskreno gospođa Majda Jašarević detaljno obrazložila, a kompletan Budžet, a s druge strane takođe, evo ja sam sedma godina u ovom Gradskom vijeću i ovo nam je po prvi put neko, nek me ispravi ukoliko se ja ne varam, da imamo samo jedan amandman na Budžet. Samo jedan amandman na Budžet i što sama činjenica govori da je Budžet kvalitetno odrađen, da mi vijećnici nismo imali dodatnih komentara, il možda nismo uspjeli na kraj krajeva, neki možda i nisu uspjeli u datom vremenskom periodu da ulože amandmane, što znači da je Budžet izuzetno kvalitetno urađen i pripremljen i ja se nadam da će se jednoglasno usvojiti da bi imali na raspolaganju finansijska sredstva u toku 2024., da što kvalitetnije pružimo usluge građanima grada Tuzle.

Između ostalog, ja ću nakratko reći i o kreditnom zaduženju. Dobro je između ostalog što sredstva koja zadužimo ulažemo za dobrobit građana grada Tuzle.

Evo gledam između ostalog, u ovoj odluci zašto će se u stvari finansijska sredstva koristiti. A tu je između ostalog infrastrukturni projekti grada Tuzle. Drago mi je ne zato što sam, ja pripadam Mjesnoj zajednici Mosnik, nego i svi drugi projekti su mi dragi, ali ovi su mi najdraži, između ostalog, jel će se realizovati projekti iz ovih kreditnih sredstava. Dva projekta u Mjesnoj zajednici Mosnik, a to je sanacija ulice Amalije Lebeničnik i druga ulica Vikaljska, u Donjem Mosniku, do Crvenih Njiva. To je izuzetno dobro i kvalitetno za građane Mjesne zajednice Mosnik. Takođe, mislim da će i kolega se nadovezat na to. Evo ovdje imamo i u Mjesnoj zajednici Kiseljak da će se izvršiti sanacija pravca Kiseljak – Husino, što je dobro i mislim da je ova odluka izuzetno kvalitetna i da mislim da nema tu nikakve dvojbe hoćemol ili nećemo prihvatit ovo zaduženje, da ćemo i tu odluku jednoglasno prihvatiti.

Nadalje ja ću se malo posvetiti kada je u pitanju Budžet Grada Tuzle, pošto između ostalog, evo ja čitavo vrijeme radim na tome sa socijalno ugroženim kategorijama u gradu Tuzla i radim onoliko kolko mogu i šta mogu da bi se poboljšalo to stanje, al na kraj krajeva vrijeme će svoje pokazati.

Al bi se samo nakratko vratio vezano za ove projekte koje će se raditi od infrastrukture u Mjesnoj zajednici Mosnik. Evo igrom slučaja da i danas prijedlog odluke i na Vijeću ministara Bosne i Hercegovine o odvajanju finansijskih sredstava za jedan projekat koji zajednički Grad Tuzla aplicirao Ministarstvu za ljudska prava i izbjeglice i danas će, ja se nadam odluka i ta biti donešena. Da se takođe izvrši rekonstrukcija i sanacija, odnosno asvalitaranje dijela puta u Mjesnoj zajednici Kreka do Kartonaže prvi ulica desno, gdje će se uraditi kompletna komunalna infrastruktura, što znači da možemo očekivati u narednom periodu sve više i više tih projekata.

Ja bi se sada konkretno bazirao vezano za Budžet Grada Tuzle, koji se odnosi za Službu kulturu, sport, mlade i socijalnu zaštitu. Između ostalog, kolege su dosta toga rekle vezano za socijalna davanja i dobro je da su se povećala finansijska sredstva za grantovi pojedincima socijalne jednokratne pomoći, jel evo znamo da je to potreba za građane između ostalog, imamo i ovdje, ovaj, ostali transferi za obavezno zdravstveno osiguranje za lica u stanju socijalne potrebe.

Ja moram reći svoje, jednostavno zapažanje vezano za ovu budžetsku liniju. Dosta finansijskih sredstava Grad Tuzla odvaja i to u visini negdje oko 100, ne negdje, nego 120.000 maraka, planirano je za 2024. godinu ista finansijska sredstva. To su za lica koja ne mogu ostvariti pravo na zdravstvenu zaštitu po bilo kojem drugom osnovu. Tada Grad Tuzla plaća zdravstveno osiguranje za pomenuta lica, ali mislim da treba, ne tražim zaključak, nego jednostavno preporuka i Službi da u narednom periodu razmotri mogućnost da se uradi revizija korisnika ovog prava, jel možda neki korisnici su ostvarili po nekom drugom osnovu, a mi i dalje nismo možda mogli, ovaj, to dobro da ispratimo, kao i možda pravilnik da se promijeni, da lice koje između ostalog, sa svojom krivicom ostane bez zdravstvene zaštite jednostavno

moramo i mi snositi određenu odgovornost ukoliko sa svojom greškom počinimo, učinimo neko djelo, sad da nam drugi to, ovaj, plaća, mislim da nije pošteno.

Takođe, dobro da je ostala pozicija Grant za realizaciju Akcionog plana za Rome i Romkinje Grada Tuzle koji smo usvojili na prošloj sjednici, između ostalog, evo kolega Ćerim je govorio, imamo grant za ostale nacionalne manjine i to su fina finansijska sredstva u iznosu od 27.000 maraka, kao i drugi grantovi za određena udruženja, određena udruženja. Imamo grant za jevrejsku općinu Grada Tuzle. I to je dobro na kraj krajeva da Grad Tuzla prepoznaje potrebe svih nacionalnih manjina i vjerskih zajednica, između ostalog, koji imaju grant u Budžetu Grada Tuzle.

I vrlo je važna stvar. I dobro je što je i gradonačelnik i Služba i svi oni koji su učestvovali u kreiranju ovog Budžeta, uspjeli da prepoznaju značaj, očuvanje kulturnog identiteta Roma u gradu Tuzla, tako da su uvrstili u Budžet Udruženje Kulturni centar Roma Tuzla koji će raditi i isključivo rade na očuvanju kulturnog identiteta Roma u gradu Tuzla. Ja sam siguran u tome da će se to u narednom periodu izuzetno pozitivno razviti i da ćemo imati što više i više manifestacija koje se tiču očuvanje kulturnog identiteta.

Ja sam pokušavao u više navrata i sa drugim predstavnicima udruženja nacionalnih manjina, da zajedno sjednemo, da pokušamo da osmislimo zajedničke programe za očuvanje kulturnog identiteta nacionalnih manjina i kroz moje lične zalaganje i kroz i kroz Komisiju za zaštitu prava nacionalnih manjina, ali nažalost većina predstavnika nacionalnih manjina žele samostalno da rade svoje aktivnosti i svoje projekte, tako da nismo uspjeli zajednički da iskreiramo određenu politiku koju bi mogli zajedničko da djelujemo i tako da evo ima i u grant u iznosu od 27.000 maraka i siguran sam u tome da će svoje nacionalne manjine kvalitetno ta sredstva iskoristiti da očuvaju svoj kulturni identitet.

Ja ne bi dalje što se tiče ovog Budžeta. Ja ću glasati za ovaj Budžet i siguran sam u tome da ćemo u narednom periodu imati što kvalitetnije rezultate, ponovo kažem za građane grada Tuzle. Hvala.

## **NATAŠA PERIĆ**

Hvala kolega Jusiću. Sljedeća za riječ se javila vijećnica Selma Ćatibušić ispred Kluba Platforme za progres. Neka se pripremi vijećnik Mehmedinović. Izvolite.

## **SELMA ĆATIBUŠIĆ – vijećnik Platforme za progres**

Dobar dan i ljep pozdrav svima. Obzirom da sam imala opširnu diskusiju kada je bila javna rasprava u toku i uopšteno diskusija o Prijedlogu ili Nacrtu budžeta, pokušat ću bit sad što kraća.

Ono što ću prvenstveno pohvaliti jeste što postoji sada nova praksa kada je u pitanju, je li, novoizabrani gradonačelnik, da se vijećnici zaista pozivaju na sastanke da bi se i diskutovalo o njihovim prijedlozima o tome šta je moguće odraditi za ovu godinu, šta nije, odnosno za naredni Budžet, što mislim da je svakako pozitivna praksa da se na neki način da ili na značaju svake osobe koja je dala neki svoj prijedlog, a pogotov osobe koja nosi određenu funkciju.

Ono što želim pohvaliti jeste, obzirom da sam izuzetno vezana za taj dio, odnosno rada sa djecom i omladinom. To je Akcioni plan za djecu. U razgovoru sa gradonačelnikom kada je u pitanju čitaonica za studente koja će raditi 24 sata, rekao mi je da je razgovarao sa premijerom i da će se na neki način u budućnosti omogućiti da u okviru jednih od naših ustanova, odnosno Univerzitetske biblioteke se otvori jedan odjel koji će trenutno raditi tokom cijele noći. Nek me gradonačelnik ispravi ako griješim, tako da et hajde da kažem da je to jedan od prvih stepenika ka konačno realizaciji moje inicijative koju vučem sa sobom evo četvrtu godinu mandata.

Dalje, ono na čemu smatram da će se u nekom narednom periodu više raditi, odnosno da će Grad Tuzla pokazati veću podršku, a to je finansiranje, odnosno sufinansiranje boravka djece u predškolskim ustanovama sa naglaskom i na privatne ustanove pored javnih ustanova, jer smatram da svako dijete ima pravo na vrtić i da se svakom djetetu to treba i obezbijediti.

Također, nadam se da će djeca iz nažalost marginaliziranih kategorija biti više uključena u predškolsko obrazovanje radi njihove socijalizacije u društvu, nastavka njihovog formalnog obrazovanja, kako osnovnog tako i nekog daljeg. Nadam se da će Grad Tuzla u tom dijelu pokazati spremnost i za inkluzivnost je li, a kada je u pitanju inkluzija, ono što znam, jeste da u narednom periodu se istinski nadam da će konačno doći do...da će doći do realizacije te inicijative, tj. moje inicijative vezano za ploče na dječijem igralištimu sa naglaskom na komunikacijske ploče za najviše djecu sa dijagnozom autističnog spektra.

Dalje, kada su u pitanju dodatne neke moje inicijative, to je rekonstrukcija Odjela fizijatrije u Domu zdravlja Tuzla i konačno rješavanje arhitektonskih barijera kod Odjela pedijatrije, što svakako nije samo moja inicijativa. Mislím da svaki vijećnik, odnosno kolega ili kolegica dosad u Vijeću za ove evo tri godine mandata je barem jednom priložio tu inicijativu i vjerujem i hoću da vjerujem i da se nadam da će menadžment Doma zdravlja Tuzla konačno krenuti u rješavanju upravo toga.

Kada je u pitanju inicijativa za dobrovoljne davaoce krvi, koji su više od 20 puta darovali krv za besplatan parking, dobila sam informaciju da je neophodno da se promijeni određeni Pravilnik i da bi se to moglo realizirati kada je u pitanju inicijativa za rekonstrukciju parkinga kod Pravnog i Mašinskog fakulteta, ali i drugih nekih fakulteta. To shvatam da mora se prvo riješiti određeni vlasničko – pravni odnosi, al sve u svemu smatram da poprilično dosta mojih inicijativa su realizirane. Neke su realizirane kao moje inicijative. Neke su realizirane kao inicijative kolega i kolegica, ali, ovaj, nema veze, to je i to je sve dio ovog što mi radimo. Bitno je da se u našem gradu nešto, nadam se, mijenja, nešto se poboljšava. Shodno tome, nisam, ovaj, prilagala amandmane, neki neograničen broj amandmana.

Klub vijećnika Platforme za progres će podržati Budžet za narednu godinu, ali istinski se nadam da će ono što nam je, je li, rečeno, slobodno tako mogu reći, da će doći do realizacije, da će to zaista biti ispoštovano i da ćemo konačno pokazati neku novu praksu političkog djelovanja, gdje je građanin na prvom mjestu, a politika na nekom narednom. Hvala.

## **NATAŠA PERIĆ**

Hvala Selma. Sljedeći za riječ se javio vijećnik Senad Mehmedinović ispred zajedničkog kluba.

## **SENAD MEHMEDINOVIĆ – vijećnik Pokreta demokratske akcije**

Poštovana predsjedavajuća, zamjeniče predsjedavajuće, poštovane kolege vijećnici, gradonačelnice, predstavnici službi, tehničke službe, sekretaru, sve vas srdačno pozdravljam.

Ja se isto neću ponavljati, obzirom da sam komentarisao na Nacrtu budžeta, al mi je izuzetno drago da se u Budžetu, Prijedlogu budžeta mogu vidjeti neke stvari koje smo mi kao vijećnici raspravljali, ne samo na Nacrtu budžeta, nego o stvarima o kojima smo mi raspravljali evo već možda i cijelu godinu i prošlu godinu, tako da mi je to izuzetno drago. Dakle, ono što mi pričamo ipak neko čuje i to uvrsti u Budžet onoliko koliko je to moguće.

Ja ću abecedom krenuti. Dakle, ovo je prvi Budžet našeg gradonačelnika. Budžet od 82 miliona Konvertibilnih maraka. Čestitam gradonačelnice. Akobogda da sljedeći budžeti budu još veći, a sve zbog naših građana Tuzle.

Kada je riječ o ekonomskom vokabularu, može se reći za Budžet prije svega da je on balansirani i mislim da je to odlična stvar, tj. Budžetom se troši onoliko novca koliko imamo,

tj. onoliko platu koliko mi dobijemo u našim kućama, toliko možemo i da potrošimo. Dakle, domaćinski se ophodi prema Budžetu Tuzle.

Mogu reći da je investicijski budžet, zato što se finansira na, fokusira se na finansiranje kapitalnih projekata, a uvidom vamo u Prijedlog budžeta, možemo da vidimo, ako se ne varam da je za kapitalne investicije, dakle, investicije od koje će direktnu korist imati građani Tuzle, ovim Budžetom predviđeno oko 26 miliona Konvertibilnih maraka. Dakle, to je oko 30% Budžeta i to je zaista za svaku pohvalu i građani Tuzle će moći direktno da osjete korist od Budžeta koji iznosi 82 miliona, a samim tim i za kapitalne projekte ovoliko koliko je planirano.

Definitivno je Budžet i programski, zato jer se finansiraju različiti programi što se može vidjeti ovdje iz Budžeta i naravno govoriti o ovoj terminologiji ekonomskoj vezano za Budžet, ne može se ne spomenuti da je on i socijalni. Svaki budžet mora da bude socijalni budžet, zato što se s tim finansiraju ranjive kategorije i naravno da osigurava socijalnu pravdu.

Ja imam još nekih komentara vezano za Prijedlog budžeta.

Prije svega mislim ovdje na Civilnu zaštitu, tj. za dio koji se odnosi na subvencioniranje troškova sanacije zajedničkih dijelova zgrada. Ja znam da je prije u budžetima bilo subvencioniranje troškova sanacije zajedničkih dijelova zgrada i rampi za pristup osobama sa invaliditetom. Međutim, sad u Prijedlogu budžeta nisam mogao da vidim ovo „i rampi za pristup za osobama sa invaliditetom“, pa ne znam jel to skinuto sa te pozicije ili neka tehnička greška? Ne znam, jer tamo u Excelu nisam to mogao da vidim. A zbog čega to govorim? Preko Službe za komunalne poslove, mi imamo stavku koja glasi „Tekuće održavanje trotoara, pješačkih zona i arhitektonskih barijera“, pa ne znam jesul to dvije odvojene stvari ili da nije došlo do prebacivanja sa Civilne zaštite ovdje na Službi za komunalne poslove, pa bi volio čisto onako da znam? Ako će ostati subvencioniranje troškova sanacije zajedničkih dijelova zgrada i rampi za pristup osobama sa invaliditetom kao jedna stavka, a druga za tekuće održavanje i uklanjanje arhitektonskih barijera. Naravno da neko ko se bavi ovom strukom mogu da budem presretan zbog ovih stvari. Pa evo volio bih samo da znam šta se tu dešava?

Kada je riječ o finansiranju socijalno ugroženih građana, naravno podrška moja uvijek ide ovoj Službi i svaki put pričam o ulozi Crvenog križa, a najviše ciljajući za projekat tuđe njege i pomoći u gradu Tuzli. I drago mi je što se izdvajaju malo veća sredstva. Veliki broj mladih osoba, migracije su u pitanje, u pitanju, kako unutrašnje migracije, tako i vanjske migracije. Veliki je broj osoba treće životne dobi koje su same i zaista je neophodna potreba i tuđa njega i pomoć ovoj populaciji osoba i ja bi lično nekad volio da Gradsko vijeće primi, ako se ne varam, da ima osamnest, devetnest osoba koji rade tuđu njegu i pomoć, da im se oda neko priznanje, jer zaista svako od nas će doći u poziciju da bude osoba treće životne dobi i možda će nekome trebati pomoć i smatram da zaista rade jedan plemenit posao koji vrijedi svaku pohvalu i to čestitam.

Naročito mi je drago da vidim da će dio sredstava biti izdvojen za nabavku pametnih sigurnosnih narukvica za osobe sa demencijom. Dakle, to je izuzetno pohvalna stvar. Vidimo mi kroz medije koliki broj osoba sa...koje su dementne zalutaju, ne mogu da se vrate svojim kućama i tako dalje. Tako da je ovo stvarno za svaku pohvalu.

Ono na što sam posebno ponosan i vidi se iz toga da i službe i gradonačelnik slušaju šta vijećnici pričaju, a to je podrška „Koracima nade“. Ja se zahvaljujem svim vijećnicima koji afirmativno pričaju o podršci „Koracima nade“. Izuzetno mi je drago što je kroz javnu raspravu ako se ne varam sigurno deset različitih, dvanaest prijedloga došlo vezano za „Korake nade“. Grad Tuzla je ovdje imao sluha. Grad Tuzla je ovdje imao sluha. Jesul dovoljna sredstava ili nisu? Može se raspravljati nekom drugom prilikom. Međutim, mi moramo da budemo u ovom trenutku zahvalni i zadovoljni sa 24.000 Konvertibilnih maraka, za rad Centra „Koraka nade“, a ja se iskreno nadam da će možda na rebalansu se moći povećati ta sredstva i vidim tamo da je kroz javnu raspravu, došli, da su došli prijedlozi otprilike oko 50.000 Konvertibilnih maraka i volio bi u budućnosti da Centar „Koraci nade“ se finansiraju u tom iznosu, obzirom da je

zgrada koju koriste Centar „Koraci nade“ u vlasništvu Grada Tuzle i moram da kažem, malo se razlikuje od nekih drugih udruženja, obzirom da je to Udruženje koje sprovodi tretmane. Nije Udruženje isključivo humanitarnog karaktera i trebaju da imaju našu podršku, tako da je svaka pohvala za ovo i iskreno se nadam da ćemo na rebalansu budžeta to povećati.

Kada se tiče odluke o kreditnom zaduženju Grada Tuzle, dizanje kredita radi kapitalnih projekata, korisno je definitivno za razvoj infrastrukture jedne lokalne zajednice, a samim tim i poboljšanje uslova kvalitete građana koji žive u toj lokalnoj zajednici. Kao što možemo vidjeti, to je iznos od 11 miliona Konvertibilnih maraka, gdje se planiraju sanirati 23 različita putna pravca i ja ne znam kako je kolega Nedžad mogao da pogodi da ću ja naravno da pohvalim za Mjesnu zajednicu Kiseljak. Izuzetno mi je drago i ovo opet potvrđujem da se čuje ono šta vijećnici govore, zato što sam cijelo vrijeme govorio o putnom pravcu ne Husino – Kiseljak, nego putnom pravcu Kiseljak – Husino, jer Husino – Kiseljak se počeo radit. Ne može niko reć da nije. Al Kiseljak – Husino nije. Tako da vidimo da je ovdje planirano sanacija puta Kiseljak – Husino u iznosu od 300.000 Konvertibilnih maraka, tako da hvala svima koji su prepoznali važnost ovog projekta za građane Mjesne zajednice Kiseljak, jer je doista nagradu Mjesna zajednica Kiseljak dobio tablu u kojoj piše devastiran put u dužini od 4 kilometra. Tako da ovo je za svaku, za svaku pohvalu. Ako je vrijeme (NATAŠA PERIĆ – Ima još minuta i po)...Dobro. Hvala najljepša. I evo ja ću u minuti i po završiti.

Moram da pohvalim takođe rad Turističke zajednice Grada Tuzle. Zaista mislim da ti ljudi...Ja ne znam ni ko je direktor, ni ko su tu saradnici, al me zanima kakvi su rezultati rada? Mislim da Turistička zajednica u protekle možda dvije, tri godine, evo kako smo mi u sazivu ovog Vijeća izuzetno, dobro i kvalitetno radi svoj posao. Grad Tuzla je ne postao vidljiv, nego čuje se za grad Tuzlu, dolazi se u grad Tuzlu i naravno da je to za svaku pohvalu i čestitam Turističkoj zajednici Grada Tuzle. Samo tako nastavite. I akobogda da u budućnosti se sve više fokusiraju na jezero Modrac. I ono što se može vidjeti, ako se ne varam, da se u budućnosti planira neki sastanak između gradonačelnika, a vezano za Svjetsko prvenstvo u ribolovu, ako sam dobro propratio to medijski. Tako da mi je drago, a evo i na taj način da se promovišu turistički potencijali jezera Modrac, koji je trenutno zanemaren, a možemo puno toga da iskoristimo što se tiče toga. I evo završavam uskoro.

Centar za socijalni rad je proslijedio dopis kojim želi da se zaposle dodatno dvije osobe i vidim ovdje odgovor da je na javnoj, da je na Nacrtu već planirano zaposlenje dvije osobe. E i Centar za socijalni rad je ovdje proslijedio da su to socijalni radnici i tako dalje i tako dalje. Ja sam tražio i dobio sam zaključak od Službe kada smo mi kao Vijeće predložili zbog prevencije nepoželjnih oblika ponašanja koja je evidentna u gradu Tuzli, a obzirom da u Centru za socijalni rad nemamo stručnih saradnika koji se bave ovim stvarima, a mislim na socijalne pedagoge koji se školuju za rad s djecom, koja imaju problema u ponašanju, da se planira zaposlenje tog stručnog kadra, upravo zbog komisije tamo, gdje su naveli koja se bavi nepoželjnim oblicima ponašanja i tu nemamo socijalne pedagoge. Imamo socijalne radnike. Međutim, na Edukacijsko – rehabilitacijskom fakultetu se edukuje kadar za rad sa osobama koje mogu da imaju nepoželjne oblike ponašanja i njihova izlazna diploma je socijalni pedagozi i edukatori – rehabilitatori koja se tiče populacije osoba sa invaliditetom i taj zaključak je otišao Centru za socijalni rad, da se planira zaposlenje tog kadra, kako bi se tamo upotpunila njihova kadrovska, kadrovska infrastruktura. Pa evo vjerujem da će u budućnosti to da uzmu u obzir. I ako je gotovo, ja ću se morati javiti drugi put (NATAŠA PERIĆ – Jest). Hvala najljepša. (NATAŠA PERIĆ – Kao vijećnik). Da.

## NATAŠA PERIĆ

Hvala. Zaključujem raspravu klubova vijećnika.  
Otvaram raspravu vijećnika.

Samo malo. Pošto imamo jedan amandman, prednost pri diskusiji ima predlagač amandmana. To je kolega Mirel Mišković. Pa evo, prvo ću vama dat, a neka se pripremi vijećnik Mensur Alić. Izvolite Mirele.

### **MIREL MIŠKOVIĆ – samostalni vijećnik**

Eh, zahvaljujem predsjedavajuća. Evo ja imam za obavezu da obrazložim za danas na ovaj Budžet jedan amandman. Na kraju amandmana daću i jedan prijedlog u vezi ovoga amandmana.

Znači, amandman je isplata pomoći usljed inflatornog rasta cijena za uposlenike Grada Tuzla i javnih ustanova u gradu Tuzla. Znači, u okviru ekonomskih kodova 611 200, naknada troškova zaposlenih u Gradu Tuzla i 611 200, naknada troškova zaposlenih u javnim ustanovama dodati nove podkodove, isplata pomoći usljed inflatornog rasta cijena za zaposlenike Grada Tuzla i isplata pomoći usljed inflatornog rasta cijena za zaposlenike javnih ustanova.

Amandman bi se napravio tako što bi se prvi kod 611 200 naknada troškova zaposlenih u Gradu Tuzla povećao sa 2.292.000 na 3.132.000, a pomenuti podkod bi iznosio 840.000. A drugi podkod 611 200 naknada troškova zaposlenih u javnim ustanovama u iznosu od 340.500 povećao bi se na 500.500, dok bi podkod iznosio 160.000.

Pomenuta sredstva namijenjena za povećanje namakla bi se iz sredstava predviđena u Budžetu za 2024. godinu i to na kodovima 613 200, izdaci za rad zimske službe koji bi se umanjio sa 720.000 na 220, 613 200. Izdaci za održavanje higijene grada sa 1.415.000 na 1.115.000, 613 200 izdaci za održavanje zelenih površina sa 1.171.400 na 971.400.

Ukupno umanjjenje koda 61, 200 iznosilo bi 1 milion Konvertibilnih maraka, dok bi kod 611 200 povećao za navedeni iznos uvođenjem dva nova podkoda. Jedan podkod bi iznosio 840.000, a drugi podkod 160.000.

Obrazloženje amandmana: Imajući u vidu da je Vlada Federacije Bosne i Hercegovine donijela Uredbu kojom se uređuje pravo na isplatu pomoći bez diskriminacije na bilo koji način, uz donošenje internog akta od strane poslodavca, sa rokom važenja ove Uredbe do 30.06.2024. godine. Istom Uredbom se smanjuju troškovi poslodavca, a povećava se naknada uposlenicima. Takođe se poslodavac oslobađa obaveze plaćanja poreza na dohodak i doprinosa na predviđeno povećanje prihoda uposlenicima.

Usvajanjem ovog amandmana u mnogome bi pomogli svim uposlenicima Grada Tuzla i javnim ustanovama da savladaju inflatorni rast cijena. Pomenuta umanjjenja kodova ne bi se osjetila, jer već duži niz godina imamo jako blage zime i pri tome ostaje puno materijala od prethodnih godina koji se može iskoristiti i ove godine. Takođe je predviđeno umanjjenje izdataka od održavanja zelenih površina. Higijena grada se može nadomjestiti samo malo boljom organizacijom poslova i radova.

Dalje, ja znam da ću dobiti obrazloženje za ovaj amandman, da će se on razmatrati na nekom rebalansu i tako dalje, ali evo ja molim Gradsko vijeće, molim gradonačelnika da usvoji ovaj amandman, da se iskoristi rok važenja ove Uredbe do 30.06.2024. godine. A evo imaće priliku da ove kodove koji su umanjeni poveća na rebalansu. Evo toliko.

### **NATAŠA PERIĆ**

Hvala kolega Miškoviću. Sljedeći za riječ se javio vijećnik Mensur Alić. Neka se pripremi vijećnik Elvir Bijedić. Izvolite.

## MENSUR ALIĆ – vijećnik Tuzlanske alternative

Zahvaljujem predsjedavajuća. Pozdravljam sve prisutne. Pa, šta reći o Budžetu, koji je izgleda sve zahtjeve i sve ono što čitavu godinu su vijećnici i vijećnice podnosili inicijative, da je to mudro praćeno od strane službi ili načelnika i sve se našlo u Budžetu. Zato su ovakve i diskusije kakve jesu pozitivne.

Ono što želim da pohvalim Majdu na njenom izlaganju, jer je to njeno prvo izlaganje ovdje i naravno gradonačelnika koji je to još malo podebljio, ali ne smijemo zaboraviti ni našu Suadu koja je godinama ovdje, ovaj, prezentovala Budžet i to jako kvalitetno i dobro. Sad je malo evo i bolesna i treba to, ovaj, ja je odavdje pozdravljam i želim joj što prije ozdravljenje, jer znam koliko je davala na poslu svog truda i rada kad je u pitanju pogotov Budžet i desilo se upravo to da joj je pozlilo baš prilikom kreiranja Budžeta. Znači, to je jako naporan posao kad su u pitanju finansije i treba to sve posložiti kako treba. Ali dobro je da imamo i, ovaj, nasljednike koji će moći nositi ovaj teret u budućnosti za Grad Tuzlu. I to je veoma meni, meni je to bitno, jer znam kako je to kod mene i u ostalim firmama kad imamo dobre nasljednike da mogu nekog zamijenit kad dođe do ovakvih slučajeva.

Ono što je meni, ovaj, posebno, evo ovo je meni dvadeseti Budžet. Dvadeseti budžet kako ga, ovaj, kako ga pratim i usvajam, da prvi put imamo samo jedan amandman. Evo zašto je to? Imali smo i po pedeset amandmana. Zašto je to, ovaj, samo jedan amandman? Pa zato upravo ono o čemu sam govorio da je urađen (NATAŠA PERIĆ – Molim vas malo tišine), da je Budžet, da je Budžet urađen kvalitetno raspoređen kako je najbolje što se moglo uraditi.

Drago mi je što sam dio, ovaj, bio predlagača za ovaj kredit i vidim evo da su sve pozitivne, ovaj, priče oko ovog kredita. Zašto, zašto kredit znate? Ja želim tu malo da se zadržim oko kredita samo da kažem da inflacija koja je u zadnjih šest, sedam godina nastala od samog početka Covida je, nije ona stala, ona nastavlja i dalje svoj put. Inflacija će još, još će inflacije bit u narednom periodu sigurno. A vi kad uzmete kredit, ovaj, kada imate inflaciju i kad uzmete kredit, ovaj, i iskoristite ga, nakon dvije, tri godine. Prva rata kredita, ovaj, godinu dana je naravno Grace period. Vidimo ovdje. Prva rata kredita je velika. Ali kako godine odmiču, a pogotovo na jedanaest godina, kad dođemo na osmu, devetu godinu, to će bit 50% umanjena rata kredita ne finansijski, nego zbog inflacije ona će bit umanjena. I pametno je raditi uvijek u privredi i naravno i na Budžetu, ako ste kreditno sposobni, da možete, ovaj, uzeti kredit i da možete investirati u Grad Tuzlu. Ono što su neki takođe vijećnici govorili da je, ovo jeste pravi kredit, zbog toga što ne ide na plaće, ne ide na neke stvari koje su, koje ne bi se trebali zaduživati, nego upravo idu na investicije koje će ovaj grad i građani imati, ovaj, od toga benefite.

Zato kažem, pogotov, jedino mi ovdje nemamo, ovaj, vjerovatno će poslije, ovaj, nisam pitao jedino Grace period je godinu dana, da mi je samo da znam da li je ovdje promjenjiva kamata ili nije? Ona je 2,9. Da li je promjenljiva nisam nigdje našo. Ako nije promjenjiva to je jako još dobro. (NATAŠA PERIĆ – Nije). Nije promjenjiva? To je odlična stvar. I ova što ima 0,30% obrade kredita, to je sasvim normalno. Prema tome, kredit nam služi zbog toga da bi uradili što više u narednoj godini, bez obzira što je ona izborna godina. Mi smo radili takođe u ovoj godini negdje do 20 miliona investicija smo uradili u gradu Tuzla, ovaj, a nije bila izborna godina.

Prema tome, svake godine treba graditi i raditi da ovaj grad, jer ovaj grad...Zašto treba u njega ulagati? Na sitnim stvarima se primijetilo koliko su građani oduševljeni nekom novom snagom, nekom novom energijom, jer mi stalno smo govorili da smo mi turistički grad. A turistički grad da bi bili, moramo ulagati u njega. Pogotov na higijeni i zato me čudi da ne mogu da diskutujem o amandmanu, ovaj, gdje upravo na higijeni mi treba da radimo da ovaj grad bude što ljepši i što bolji za turiste koji nam dolaze, ovaj, i da ulažemo tu najviše sredstava. Male stvari čine veliki grad i privlačan za turiste.



Takođe nije ovdje gradonačelnik govorio o drugim projektima koji ćemo imati takođe u 2024. godini, a to je sredstva koja ćemo dobiti od Vlade Federacije Bosne i Hercegovine. To su ogromna sredstva. Radi se o milionima maraka. To je vrelovod koji će se raditi, ovaj, za centralno grijanje, južna magistrala i još nekih projekata dosta. To će biti jedna od po meni 2024. godina, jedna od najuspješnijih godina kad je u pitanju infrastruktura u gradu Tuzla.

I zato, sve pohvale svim službama i naročito, naravno, ovaj, gradonačelniku na njegovoj snazi, energiji koji daje svaki dan sve više i više. Samo ne znam dokle će izdržati. Mora malo stati, da bi, ovaj, postigo velike, ovaj, ciljeve i tako da sumnjam da će mu biti, ovaj, protivkandidat neko na sljedećim izborima, jer neće moći ovo pratiti. Hvala lijepo.

## **NATAŠA PERIĆ**

Hvala vama kolega Aliću, sljedeći za riječ se javio vijećnik Elvir Bijedić. Neka se pripremi vijećnik Berbić.

## **ELVIR BIJEDIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Zahvaljujem predsjedavajuća. Želim sve da vas srdačno pozdravim.

Dakle, vrlo kratak ću jedan osvrt svoj dati kao vijećnik, jer imam zaista potrebu da kažem da Gradska uprava na čelu sa gradonačelnikom Zijadom Lugavićem i Službom za budžet i finansije nas je i ove godine, evo pokazalo nam je kroz ovaj Prijedlog budžeta kako se upravlja i kako se vodi jedan grad na jedan domaćinski transparentan način, u situaciji jednog, ovaj, zaista teškog globalnog stanja kad su u pitanju finansije.

Želim takođe da se zahvalim i na jednom sjajnom izlaganju predstavnice Službe za finansije...budžet i finansije Majde Jašarević i tu se vidi kao što kolega Mensur Alić reče, vidi se tu potpis gospođe Suade Isaković, zaista.

Dakle, već smo pričali, ja neću dugo, ovaj, samo ću par segmenata da istaknem, dakle, Budžet kakav jeste razvojni, investicioni, socijalni, za mene jedno od investicija koja zaslužuje možda da se skrene pažnja još jednom, tj. investicija u jednu javnu ustanovu koju smo prošli mjesec formirali. Dakle, radi se o Tuzlanskoj razvojnoj agenciji „Trag“ i siguran sam da će to biti višestruka korist, dakle, za grad i za društvo u cjelini.

Dakle, ništa apsolutno u ovom Budžetu nije izuzeto, kad je u pitanju sve ono što se tiče društva u jednoj jedinici lokalne samouprave, dakle, apsolutno ništa i kad je u pitanju izgradnja i rekonstrukcija i poticaj i socijalna davanja i briga o starima, o djeci, omladini, o sportskim klubovima, raznim društvima i tako dalje, dakle, čak i više nego što to od jednog grada se očekuju, različite nevladine organizacije i tako dalje.

Kao i kolega Mehmedinović želim da se, želim da posebno istaknem ovaj novi ekonomski kod kad je u pitanju, ovaj, podrška „Koracima nade“, dakle, smatram to jednim izuzetno pozitivnim pomakom u ovom Budžetu. Dakle, pokazao je Grad Tuzla jednu izuzetno socijalnu osjetljivost kad su u pitanju, kad je u pitanju ta ranjiva kategorija, iako jako puno korisnika, pošto sam i sam uključen u rad tog sjajnog Udruženja. Većina dolazi iz kantona, iz drugih opština, dakle, evo koristim priliku da apelujem i na druge gradove i opštine sa područja kantona, dakle, da se na isti kao što je to uradio i Grad Tuzla uključe u rad ovakvog jednog izuzetno kvalitetnog društva, odnosno, nevladinih organizacija.

Dakle, nama ne preostaje ništa drugo nego da kao gradski vijećnici, kao što smo to i sad i dosad radili tokom ove godine i prethodnim mandatima svojim sugestijama, dobronamjernim prije svega inicijativama, pomognemo dakle gradonačelniku, koji vodi ovu Gradsku upravu, Službi za budžet i finansije, dakle, pomognemo prije svega dobronamjernim

pitanjima i inicijativama, jer mi smo ti koji smo puls naroda, a sve naravno u cilju kvalitetnijeg života u našem gradu.

Zaista ne bih više dužio i, ovaj, svakako da ćemo u Klubu vijećnica i vijećnika SDP-a podržati ovaj Prijedlog budžeta. Hvala.

## **NATAŠA PERIĆ**

Hvala kolega Bijediću, sljedeći za riječ se javio vijećnik Omer Berbić. Neka se pripremi vijećnik Kapidžić. Izvolite.

## **OMER BERBIĆ – vijećnik Naše stranke**

Hvala ljepo. Evo gradonačelnik je spomenuo bio izbore u mjesnim zajednicama da je novac obezbijeđen. Moja sugestija je da mi taj novac potrošimo na rebalansu, jer očigledno opet neće bit ni ove godine. Nismo ništa usvojili, a ko što je gospodin Alić rekao, ima inflatorni efekat, gubimo tri, četiri, pet, nekad sedam, osam posto na godišnjem nivou vrijednosti tog istog novca, tako da je bolje 50.000 dati za, ovaj, dječije igralište, nego da držimo za izbore u mjesnim zajednicama, ili ne znam koliko su tačno novca, s obzirom da nema očigledno neke političke volje da ispoštujemo statut koji smo sami usvojili i meni je to žao. Sami sebe na neki način sramotimo. Ne možemo da ispoštujemo dokument za koji smo digli ruke. To je zaista, ovaj, stvar koja je na sramotu svih nas, al nema veze, evo uradićemo valjda nekad i to dođe.

Što se tiče samog Budžeta teško je opet kažem diskutovati o četiri jako bitna dokumenta u pet minuta. Ali, zaista nakon diskusije gradonačelnika i predstavnice Službe koja evo kažem opet, svi su rekli ovdje dostojna zamjenica i vjerovatno nekada u nekom projektu i buduća šefica, ja se u to ne miješam, ali, ali pretpostavljam da je to neki periodni slijed. Zaista puno toga je rečeno i stiče se dojam da sadašnji gradonačelnik zna šta se radi u gradu, da upravlja procesima, a ne da procesi upravljaju njemu, njime i stiče se dojam zaista da je ovakvo jedno izlaganje i ovakav pristup ono što nam je falilo barem dok sam ja bio u Vijeću, do sada je to bilo vrlo šturo, kruto, puno priče, malo rada. Sada se mislim mijenjaju stvari da se daje puno rada, puno rada, manje priče.

Iskomentarisat ću par stvari oko samog Budžeta. Činjenica je da se puno ljudi javilo na javnu raspravu o Nacrtu budžeta Grada Tuzla. To je možda i dokaz da se građani vraćaju na neki način u samo kreiranju Budžeta, u samo kreiranje projekata. Bilo mi je jako drago da vidim. Al ono što je vidljivo jeste da građani mahom komentarišu da se novac, recimo, Termoelektrane treba trošiti isljučivo na aerozagađenje, odnosno na projekte u onim gore mjesnim zajednicama Šićki, Bukinje i tako dalje.

Ono što je takođe vidljivo jeste da su se neka udruženja koja možda ranije nisu bila lokalna pojavila kao što je Udruženje „Porodice tri plus“, gdje daju podršku projektu da damo mladim bračnim parovima zemljište, besplatne građevinske i tako dalje, kako bi radili progresivnu, pronatalitetnu politiku. Mislim da je to stvarno dobra stvar i da negdje na rebalansu budžeta moramo o tome puno ozbiljnije razmisliti.

Hvala gradonačelniku koji nas je primio kao opoziciju, razgovarao s nama, uvažio neke od projekata. Ne može se sve naravno, mi to razumijemo, al neki od projekata mogu i to je pravi način gdje se može naći jedan širi politički i društveni konsenzus. To do sada nije bio slučaj. Nadam se da će ovo biti slučaj i nakon idućih izbora ko god da bude gradonačelnik, al da će se raditi na ovaj način.

Zanima me oko konkretnog zaduženja. Kolika je tačno rata godišnja za zaduženje? Koliko mi još imamo prostora kao grad da se zadužujemo? Da li imamo prostora još da se zadužujemo? Jako je bitno kada dođu industrijske zone gore Gornja Tuzla i vamo produženje ove industrijske zone da se možemo zadužiti kako bi investirali u nešto što će nam vratiti novac.

Ulice nam neće vratiti novac. Ali hoće donijet poboljšanje standarda života i slažem se s tim. Nije ništa sporno. Ali zaista trebamo razmišljati o tome da nam ostane minimalno sedam, osam, deset miliona maraka. Da uložimo u industrijske zone, jer moramo otvoriti što više biznisa, što više posla, vratiti ljude da ovdje rade, dovesti ljude iz ostatka Bosne i Hercegovine da ovdje rade, da dignemo ekonomsku aktivnost, jer bez toga nema adekvatnog i dobrog razvoja Tuzle. Jako je bitno, znači, znati evo ove informacije što se tiče samog kredita.

Gledam u rezervacije također, pa me zanima, evo ovdje kaže ima još uvijek rezervacija za, za studiju analize javnog prevoza. Ja koliko se sjećam, mi kada smo govorili o studiju analize da je to bio prioritet prioriteta, jer građani Tuzle plaćaju najskuplji javni prevoz u federaciji, a čak i u državi. Duplo više od sarajlija i tako dalje. A imamo realno manju ekonomsku aktivnost u gradu Tuzla, a samim tim ljudi manje novca zarađuju. Zbog čega nisu utrošene pare za studiju analize javnog prevoza da iduće godine možemo ići u kompletan projekat da ga završimo i da napokon napravimo konkurenciju jednom jedinom prevozniku koji bahato diže cijene i sve nas ovdje pravi onakvim kakvim mi nismo, a to jeste da se ne brinemo, da se ne brinemo o građanima i da su cijene javnog prevoza ovolike. Zbog čega ovo nije utrošeno? Zahtjevam da ovo bude jedan od prioriteta da se ovo završi maltene sutra ako je moguće. Zaista javni prevoz treba biti prioritet, a njega smo izgleda zaboravili.

I zanima me ova sanacija Korza. Prošli put sam spominjao. Par kockica se tu promijenilo. To je dobro naplaćeno, 263.000 maraka. Šta se tu planira?

Drago mi je da je gradonačelnik spomenuo projekte koje smo mi tražili, prije svega zatvor, odnosno izmiještanje zatvora, da se napravi Regulacioni plan. Mi smo poslali e-mail isto Ministru pravde na nivou federacije. Nadamo se uskoro odgovoru, sastanku i da vidimo možemol tu napraviti jedan IT centar koji će vratiti mlade u grad Tuzla, u centar sam grada, pošto centar grada izgleda sablasno.

Također, uputili smo razne prijedloge, između ostalog da se saniraju ove fasade, odnosno da se subvencionira sanacija fasada u samom centru grada i da se u isto vrijeme kažnjavaju oronule fasade, znači, da se da i benefit, ali da se na neki način kazne oni koji to, koji to ne ispunjavaju (NATAŠA PERIĆ – Isteklo vam je. Izvinite. Ako možete...). Evo ja ću završavat, pa ću se opet javiti.

Još jednom želim da pohvalim Službu i gradonačelnika i evo nadam se da ćemo iduće godine ovaj projektić zajedno, da ćemo realizirati zajedno i da to neće biti jedna vrsta predizborne priče za koje sam dobio čvrsto obećanje da neće bit tako. Hvala ljepo.

## **NATAŠA PERIĆ**

Hvala kolega Berbić. Sljedeći za riječ se javio vijećnik Kapidžić. Neka se pripremi vijećnik Hirkić.

## **ALEN KAPIDŽIĆ – vijećnik Socijaldemokratske partije**

Hvala predsjedavajuća. Sve vas srdačno pozdravljam. Pa evo ja ću pokušat da budem što kraći, ali kada se analizira Prijedlog budžeta, meni ono što je posebno drago je upravo ova sredstva koja su predviđena za izradu studije analize Javnog gradskog prevoza, jer je to nešto što smo već duži period, čak i u prošlom, prethodnom mandatu, ovaj, pokušavali da riješimo ovaj problem i nadam se i tu se slažem evo nakon usvajanja Budžeta, slažem se s Omerom da to bude, hajd neka aktivnost koja će se trebat što prije završit da dobijemo ovu studiju i da napokon riješimo ovaj problem koji evidentno postoji, a evo samim ovim što je stavljeno u Budžet, jel, vidim i da se zaključit da je Služba i naravno gradonačelnik, onaj, svjesni ovog problema i zato to i jest sada u Budžetu.

Kad pogledamo izdatke fonda za komunalnu infrastrukturu, to su kapitalni izdaci, je li, vidimo da su povećana sredstva za izgradnju i rekonstrukciju puteva, što je dobro, ovaj, čak sam ja na prošloj sjednici kad se raspravljalo o Nacrtu budžeta rekao da je ovo dio koji bi trebao biti uvećan, je li i evo to je, to je dobro i ono što svi mi jel svako Vijeće postavljamo inicijative, uvijek se te inicijative odnose na rekonstrukciju i sanaciju puteva, izgradnju i tako dalje.

Kad pogledate dio sredstava od Termoelektrane, tu se takođe generalno može vidjeti da su ta sredstva povećana za oko dva miliona, sa dva miliona i šesto, na nekih četiri miliona i šesto. Opet govorimo da, da, da ne bude zabune jer se stalno spominju ova sredstva od Termoelektrane. Imate zakon o usvajanju, ovaj, o izdvajanju i usmjeravanju dijela prihoda preduzeća ostvarenim radom Termoelektrane u tom članu, u tom zakonu. U članu 6. kaže da se ova sredstva mogu koristiti za finansiranje ili sudjelovanje u finansiranju projekata iz oblasti zaštite, okoliša, energetske učinkovitosti, a kad pogledate, ovaj (NATAŠA PERIĆ – Molim vas, samo malo tišine) naš Prijedlog budžeta, jel, ta sredstva su za energijsku efikasnost značajno povećana u odnosu na prošlu godinu, jel, takođe se mogu koristiti za izgradnju komunalne infrastrukturnih objekata, kao i gradnje objekata za poboljšanje zdravlja i kvaliteta života, finansiranje projekata za lokalni ekonomski razvoj. Kad pogledate sve ovo u našem Prijedlogu budžeta, znači, ta sredstva su daleko veća koja se ulažu u ove stavke, jel, koje su propisane zakonom, nego od sredstava koja mi u stvari dobijamo od Termoelektrane.

Ono što me posebno raduje vidimo da su unutar Službe civilne zaštite, izdaci fond za zaštitu i spašavanje ljudi i materijalnih dobara, povećana sredstva za oko 500.000 maraka.

I ono što ću još na kraju da kažem, jel, da ne bi spominjao stvarno, jer u Budžetu ima i inicijativa i koje sam ja davao, al generalno kada analizirate Budžet, vidite da u stvari se pomno pratilo ono što su svi vijećnici pričali, ovaj, a da ne bi samo izdvajao neke svoje inicijative ili bilo koga drugog, jel, mislim da su...da je...nadležna služba na čelu sa gradonačelnikom su pomno pratili sve prijedloge. Naravno, ja ovdje govorim o stvarima i stavkama unutar Budžeta, ovaj, koje su povećane. Ima tu naravno i stavki gdje je izvršeno smanjenje sredstava i to je normalno u Budžetu, al ono što je bitno jest u stvari da se kaže da je to gledajući sa ekonomske strane opravdano, jel, i da je Budžet, ajd da kažemo odlično urađen i čestitam i Službi i gradonačelniku. Eto. Hvala.

## **NATAŠA PERIĆ**

Hvala kolega Kapidžiću. Sljedeći za riječ se javio vijećnik Hirkić. Neka se pripremi vijećnik Mehmedinović.

## **HASIB HIRKIĆ – samostalni vijećnik**

Zahvaljujem predsjedavajuća. Evo i ja ću da pozdravim sve prisutne. U suštini ono što sam htio reći već je i gospodin Alić rekao, ali mogu reći da je Budžet, u stvari Prijedlog budžeta za 2024. godinu, konačno Budžet svih građana Grada Tuzle.

Imajući u vidu da dosadašnje raspodjela nije se baš ovolko odnosila na prigradske mjesne zajednice, a o čemu sam već pričao dugo vremena, već tri godine. Ponavljam ko papagaj koji su problemi u mjesnim zajednicama. Pogotovo prigradskim. Očito je to neko slušao. Obišao teren, pogledao, da ništa nije onako ko što se, u stvari da ništa nije prenapuhano ili izmišljeno u tim prigradskim mjesnim zajednicama i zato mi je drago da vidim u Prijedlogu budžeta, a i kroz zaduženje da puno projekata, u stvari da će izgradnja 2024. godine ili radovi biti fokusirani na prigradske mjesne zajednice kroz tekuća održavanja, kroz kapitalna ulaganja, a i kroz ova kreditna zaduženja.

Moram reći da, da stvarno ne znam na koji način da se zahvalim gradonačelniku, a i službama koji su radili na ovom Budžetu u zadnjih dvadeset godina, mislim da je ovo jedan jedini Budžet svih građana grada Tuzle i to je stvarno za pohvaliti.

Mi kao klub ćemo podržati ovaj Budžet i još jednom da se zahvalim gradonačelniku i službama. Hvala.

### **NATAŠA PERIĆ**

Hvala kolega Hirkiću. Sljedeći za riječ se javio vijećnik Mehmedinović. Neka se pripremi vijećnik Tanasilović.

### **SENAD MEHMEDINOVIĆ**

Hvala ljepo. Evo ja ću završit brzo. Gradski nogometni savez Tuzla mislim da su im smanjena određena sredstva i volio bih evo ne znam kad bi, kad bi Sportski savez grada Tuzle iako su im smanjena određena sredstva, a mislim da imaju na raspolaganju 500.000 konvertibilnih maraka, da u toj preraspodjeli ne zanemare Gradski nogometni fudbalski savez koji je do sad ja mislim, evo nije ja mislim, nego vidim ovdje iz informacija dobijao 12.000 konvertibilnih maraka, a imaju oko 1500 aktivnih članova svih uzrasta i kategorija, pa može evo apel Sportskom savezu grada Tuzle ukoliko je to moguće kada budu dodjeljivali ova sredstva da koliko je moguće da Gradskom nogometnom savezu Tuzla povećaju sredstva ova sa 12.000 konvertibilnih maraka. Ipak je veliki to broj klubova koji igra na nivou grada Tuzle, pa zaista bi to volio da se izađe u susret, a mislim da je to bio i prijedlog Komisije za mlade i sport tako da bilo bi ljepo.

I što se tiče ove Javne rasprave interesantna mi je ovdje informacija bila npr. o broju uključenih Savjeta mjesnih zajednica u raspravi. Iz ovog se može vidjeti da je učestvovalo i dalo prijedloge oko 13 Savjeta mjesnih zajednica dok je oko 25, ono preostalo 27 se slaže sa predloženim Budžetom a vjerujte ja imam osjećaj i kad bi mi otišli u te mjesne zajednice i razgovarali sa građanima, nekako mi je nemoguće da ispred Savjeta mjesne zajednice ne dolaze određeni prijedlozi za bilo kakve vidove radova i ovaj mi je omjer 27 naprema 13, odnosno oni koji su dostavili, oni koji nisu dostavili interesantan u najmanju ruku. I imam, imam pouzdane informacije, imam pouzdane informacije da i neki prijedlozi od nekih Savjeta mjesnih zajednica koji su došli da su došli bez održavanja sastanaka Savjeta mjesnih zajednica. I to ako se radi to je jedna praksa koja apsolutno nije dobra jer članovi savjeta su tamo delegirani da daju svoje prijedloge u sredinama iz kojih i žive i naravno da ću u narednom periodu porazgovarat sa tim ljudima koji su mi dostavili te informacije i te vidim ovdje Savjete mjesnih zajednica, tako da vidjet ćemo šta će to biti u narednom periodu.

Generalno što se tiče Budžeta evo da kažem da ću naravno podržati i ovaj Budžet kao što sam podržao sve Budžete do sad, pa to bi bilo to.

### **NATAŠA PERIĆ**

U redu. Hvala kolega Mehmedinoviću. Sljedeći za riječ se javio vijećnik Mišo Tanasi... Miodrag Tanasilović. Izvolite.

### **MIODRAG TANASILOVIĆ – vijećnik Socijaldemokratske partije**

Zahvaljujem predsjedavajuća. (NATAŠA PERIĆ – Zvani Mišo.) Jeste. Ovaj, evo srdačan pozdrav za dopredsjedavajuće, za našeg gradonačelnika, Stručnoj službi Gradskog

vijeća, kolegicama vijećnicama, kolegama, predstavnicima Gradskih službi, medijima i svim ostalim gostima.

Nastojat ću da budem što kraći jer zaista dos-ta, dosta toga je ovaj, rečeno kada je u pitanju Budžet za narednu godinu. Osvrnut ću se kratko na kreditno zaduženje koje apsolutno podržavam iz mnogo razloga koji su navedeni od strane mojih predhodnika. Ne bih da se ponavljam. Dakle, Budžet je prije svega kapitalni, investicijski, razvojni, socijalni i pokriva dakle sve svere iz života naših sugrađana.

Takođe evo iskoristit ću priliku da pohvalim ovaj, direktne učesnike izrade ovog Nacrta, odnosno plana Budžeta za iduću godinu, a to su naš gradonačelnik, Služba za budžet i finansije na čelu sa gospođom Suadom Isaković koja je evo trenutno bolesna i ovom prilikom joj želim brzo ozdravljenje i mogu evo slobodno poručiti kao što su kolege rekle ovaj, da ima adekvatnu zamjenu u svojoj Službi. Sa nama su tu dakle, prisutni, prisutne gospođica, gospođa Sneža Divković i Majida Jašarević koja je iznjela ovaj detaljni elaborat i kojom evo iskoristit ću priliku da je srdačno pozdravim i da joj dajem maksimalnu podršku u daljem radu.

Takođe ovaj, ne mogu a da ne izrazim zadovoljstvo kada je u pitanju kapitalne investicije, odnosno kada su u pitanju sanacije koje su planirane iz ovih kreditnih sredstava, a koje se odnose direktno na Javnu ustanovu Gradski stadion „Tušanj“ gdje je dakle, planirano, planirana zamje-na umjetne trave na pomoćnom nogometnom terenu i kao što gradonačelnik reče u svom izlaganju ovaj, ne bih da se ponavljam, od koje je značajnosti taj pomoćni nogometni teren jer na njemu trenira dosta naše djece ovaj, svakodnevno, borave tu i druže se, preko ostalih sportskih klubova i zaista je od veoma velike značajnosti i za odigravanje jel kao što on reče prvenstvenih utakmica da bih se dobila dakle, ta upotrebna dozvola, odnosno licenca od Nogometnog saveza.

Takođe ovaj, morat ću evo i pohvaliti i menadžment stadiona na čelu sa novoizabranim direktorom Bakrom Buljugijom koji ovaj, ovaj, svakodnevno daju velike napore da bi naš stadion izgledao sve bolje i bolje.

Ovaj, također ne bih da se osvrćem ovaj, na, na, na ove stavke u Budžetu. Zaista detaljno sam ih ovaj, razmotrio. Što se tiče rashodovne strane pokrivena su dakle, sve, sve sfere iz života.

Ono što bih još istakao kao što kolega Senad reče ovaj, sve pohvale za, za Turističku zajednicu grada Tuzla koja je stvarno odradila ogroman posao kada je u pitanju „Zima u Tuzli“, odnosno Advent ovaj, kako se kaže na trgu i zaista prisustvovao sam sa svojom porodicom onog dana kad je bilo otvaranje i svi smo bili svjedoci koliko je naših sugrađana u tom momentu, odnosno to veče bilo na trgu. Ne samo naših sugrađana, nego i građana iz susjednih opština i gradova i što poka-zuje znači, i doka-zuje da grad Tuzla paralelno vodi brigu o kako ljetnom turizmu, tako i o zimskom turizmu i zaista svaka pohvala.

I još jedna pohvala. Zaista sam iznenađen, ne iznenađen, odnosno zadovoljan sa uređenjem grada, odnosno svim ovim nakitima koji ovaj, daju još jedan ljepši sjaj i izgled našem gradu.

Dakle, što se tiče mene kao vijećnik ispred Kluba SDP-a ovaj, zasigurno ću podržati...Nadam se da će biti jednoglasna ova danas Odluka o usvajanju Budžeta za narednu godinu. Hvala.

**NATAŠA PERIĆ**

Hvala kolegi Tanasiloviću. Po drug...Da li se još neko javlja? Kolega Omer Berbić po drugi put. Izvolite.

## OMER BERBIĆ

Eh hvala ljepo. Evo drago mi je da se drugi put obraćam kao vijećnik ispred Gradskog vijeća Dubrovnika koliko vidim koliko mi ovaj turizam spominjemo ja bi reko mi ko živimo u medu i mljeku od našeg turizma, a zapravo činjenica je da imamo turizam dijaspore koja nam dođe ovdje ljeti, zimi i to je to. (NATAŠA PERIĆ – Pa dobro.) Nije to turizam. Al nebitno hajd. (NATAŠA PERIĆ – Hajd.) Neću ulaziti u to, otiće u neku širu raspravu. (NATAŠA PERIĆ – Nemate vremena.) Nit je turizam kad nam dođu iz, iz susjednih opština za, za jednu noć. Ali fino je da se napravilo i vidi se pomak i to opet treba pohvaliti. I vidi se i u Gradskom trgu i na ovom trgu, i zamjena sijalica i...Radi se, radi se. Počelo se raditi malo na revitalizaciji centra grada koji je bio sablasno prazan. Ali nisam se za to javio uopšte. Samo mi padne napamet.

Zanima me, evo pošto je i kolega ovaj, Mišo spomenuo da će se mijenjati trava. Šta će se desiti sa onom postojećom travom? Jel ima tu mogućnost da se ta trava iskoristi za sanaciju nekih postojećih dječijih igrališta koja trenutno imaju, a koja se mogu recimo prebaciti u igrališta sa vještačkom travom, jer ona nije možda adekvatna za trenažni proces, ali je više nego adekvatna za nešto što treba u recimo Mjesnoj zajednici „Brčanska Malta“ ili Stupine ili na neki ovaj, takav način da iskoristimo da se to ne baci i da to bude zaista jedna šira, šira priča?

A htjeo...Želio sam samo još nešto da iskomentarišem što se tiče ovdje Izvještaja sa javne rasprave. Kada gledam naša preduzeća i naše firme meni se čini da smo mi neka socijalna služba. I zaista kada gledam komentare i onda se krene čitati. Istaknula je da Ustanova ima probleme neadekvatne kadrovske popunjenosti. Istaklo je da se povećanje sredstava u Nacrtu Budžeta za 2024. ni-že od njihovog za, za, zahtjeva. Ima od ranije poznata situacija da se može poslovati vamo. O, transfer za rad neće biti dovoljan za pokriće očekivanih troškova poslovanja. Preduzeće nastavlja sa jako teškim periodom poslovanja. Ukazao je na trend smanjenja tranše iz Budžeta Grada, te da potrebe i zahtjeve prema Budžetu Grada kontinuirano iskazuje prema iznosu bla, bla, bla. Problemi i Ustanova kada je u pitanju finansiranje, finansiranje rada. Vlasti...Dalje. Istakla je da iznos sredstava za rad Ustanove u Nacrtu Budžeta je bio dvadesetčetvrti adekvatan, znači, centar za kulturu i Dom penzionera i možda sam i još nekog preskočio i stadion „Tušanj“ su jedine tri firme koje su apsolutno izjavile da su adekvatno zadovoljne sa ovim finansiranjem. Ja zaista evo očekujem da predstavnici javnih ustanova i javnih preduzeća koji ovo slušaju malo ovo vide pa pogledaju šta piše ovdje. Ja kada sam čitao mislio sam da su svi u problemu, da se ne može iz tog izaći, a zaista je najveći problem izgleda zato što svako hoće svake godine da povećava plate radnicama. Ja razumijem da je to možda njima prioritet, ali dajte da malo ta javna preduzeća napravimo da su bolja, da daju neke nove usluge, pa da onda iz svojih vlastitih prihoda naprave ta povećanja ili šta god žele umjesto da uvijek od nas traže i da su uvijek nezadovoljni. Zaista ne izgleda ovo dobro sa, sa Izvještaja iz javne rasprave. Mislim da ne čitam dalje. Direktor ukazao na specifične suštinske probleme obstojnosti. Zaista kada se čita...Ja kada sam čitao da ne-znam malo dublje kakvo je stanje u javnim preduzećima mislio bi da je stanje u javnim preduzećima pred kolaps i da, da svi zaista imaju neke nepremostive probleme, a zaista to dođe uvijek do, do, do toga da žele da dignu plate a ne mogu dignuti plate. Dajte malo da se javna preduzeća i ovi ljudi koji ovo gledaju, direktori, okrenite se malo, nađite način da, da iz javnih preduzeća podignete vlastite prihode iz tih para da, da se ide u povećanje da se ne, ne piše uvijek u Javnoj raspravi da niste zadovoljni tranšom iz Budžeta Grada jer ne mo...ne možemo svi živjeti od tranše, od države i od tranši iz Budžeta Grada, moramo se malo okrenuti tržišnim principima. Et toliko. Samo sam to želio još da prokomentarišem.

## NATAŠA PERIĆ

U redu. Hvala kolega Berbiću.

Evo ja ću dati sebi riječ ovaj, želim da se zahvalim...Slažem se sa svim. Prije svega za... Slažem se sa diskusijama kolega vezano za Budžet i podržavam sve što je predloženo u Budžetu, ali bih posebno istakla, odnosno zahvalila bih se gradonačelniku Lugaviću, Službi za budžet i finansije što su našli razumjevanja za Javnu ustanovu Muzej istočne Bosne Tuzla, obzirom da vas podsjetim prije dvije godine je takođe na prijedlog bivšeg gradonačelnika Jasmina Imamovića dodjeljen kapitalni Grant u iznosu od sto hiljada konvertibilnih maraka međutim, Muzej istočne Bosne je imao određenih problema. Prvo vezano za nagli skok cijena na tržištu, ali i zbog stručnog kadra koji bi trebao da izradi tendersku dokumentaciju. Grad Tuzla je tom prilikom nam pomogao prilikom izrade dakle, tih novih cijena, odnosno dao nam neka uputstva. I obzirom da su nam istekli svi zakonski rokovi gradonačelnik Lugavić je izašao u susret da ponovo se ova sredstva nađu u Budžetu Grada Tuzle ali na način da mi prvo vratimo sredstva koja se nalaze na računu Vlade Tuzlanskog kantona i oni su prošle sedmice već donijeli odluku da se ta sredstva vrate u Budžet Grada, pa će onda nama Budžet ponovo, da Grad vratiti ponovo sredstva. I evo želim da se zahvalim. Inače Grad Tuzla u posljednjih 20 godina zaista pruža veliku podršku ovoj Ustanovi koja je krovna Ustanova kulture na području Tuzlanskog kantona.

Takođe želim da istaknem zadovoljstvo što je ostao isti iznos Košarkaškom klubu Jedinstvo Tuzla. Podsjećam da smo u maju mjesecu kolega Kapidžić i kolega Bijedić i ja, da smo ono zamolili ako može da se povećaju sredstva za ovaj klub i povećana su u iznosu od 5000 konvertibilnih maraka i drago mi je da je to ostalo.

Takođe mi je drago i za, evo i za književne susrete „Cum grano salis“ da su ostali u istom iznosu za ljubitelje književnosti ko voli.

I istakla bih ovdje zaista transfer za rad udruženju građana Vive-Žene što je povećano na 60 hiljada obzirom da je Grad Tuzla i nosilac, jedini nosilac svih aktivnosti u Bosni i Hercegovini kada je u pitanju borba protiv rodno-zasnovanog nasilja. Da je ovo udruženje dobilo dodatna sredstva jer oni zaista opravdavaju svoju svrhu postojanja. Znamo da je u ovoj godini bilo dosta slučajeva femicida, pa evo i iz ovog razloga pohvaljujem podršku koju je gradonačelnik Lugavić...I koliko ja imam informaciju oni baš i nisu tražili. Iznenadeni su bili da su sredstva povećana kad su čuli i evo i ja izražavam zadovoljstvo. Eto toliko. Hvala.

Zaključujem raspravu vijećnika.

Zamoliti ću gradonačelnika ili Majdu (Slađana Krajina govori bez uključenog mikrofona op.a.) Aha dobro. U redu. Samo malo proceduralno pošto je sad...Izvinite.

Stavljam na izjašnjavanje ODLUKU O KREDITNOM ZADUŽENJU GRADA TUZLE i molim vijećnike da se izjasne. Glasanje je okončano.

Konstatujem da je ODLUKA O KREDITNOM ZADUŽENJU GRADA TUZLE usvojena sa,

24 glasa za, nije bilo protiv i nije bilo suzdržanih.

Prije nego što pređemo na izjašnjavanje o Budžetu Grada Tuzle za period 01. 01. do 31. 12. 2024. pozivam gradonačelnika da se izjasni o podnesenom amandmanu vijećnika Miškovića. Dakle, jel prihvatate ili ne? Samo da se izjasnite.



## **ZIJAD LUGAVIĆ – Gradonačelnik Grada Tuzle**

Znači, razmatrali smo amandman i ne prihvatamo amandman obzirom da je Vlada Federacije donijela Odluku, a mi ćemo u dogovoru sa Sindikatom vidjeti na koji način ćemo postupiti u skladu sa Odlukom Vlade Federacije. Hvala.

## **NATAŠA PERIĆ**

Dobro. Hvala gradonačelniku Lugaviću.

Obzirom da predlagač nije prihvatio predloženi amandman pozivam vijećnika Miškovića kao podnosica amandmana da se izjasni da li prihvata izjašnjenje predlagača, te povlači podneseni amandman ili ostaje kod podnesenog amandmana i traži da se o njemu izjasni Gradsko vijeće. Izvolite.

## **MIREL MIŠKOVIĆ**

Tražim da se izjasni Gradsko vijeće.

## **NATAŠA PERIĆ**

U redu.

Stavljam na izjašnjavanje amandman koji je predložio vijećnik Mirel Mišković, a koji glasi:

Zamolit ću sekretara da pročita amandman. Možete samo Mirele mikrofon? (Aha. Hoću, hoću.)

## **SLAĐANA KRAJINA – sekretar Gradskog vijeća Tuzla**

### **Amandman I**

- Isplata pomoći uslijed inflatornog rasta cijena za uposlenike Grada Tuzla i Javnih ustanova.

U okviru ekonomskih kodova 611200 Naknada troškova zaposlenih u Gradu Tuzla i 611200 Naknade troškova zaposlenih u Javnim ustanovama dodati nove podkodove:

- Isplata pomoći uslijed inflatornog rasta cijena za zaposlenike Grada Tuzla i
- Isplata pomoći uslijed inflatornog rasta cijena za zaposlenike Javnih ustanova.

Tako što bi se prvi kod 611200 Naknada troškova zaposlenih u Gradu Tuzla povećao sa 2.292.000,00 na 3.132.000,00 konvertibilnih maraka a pomenuti podkod bi iznosio 840.000,00 konvertibilnih maraka, a drugi kod 611200 Naknada troškova zaposlenih u Javnim ustanovama u iznosu od 340.500,00 povećao na 500.500,00 konvertibilnih maraka, dok bi podkod iznosio 160.000,00 konvertibilnih maraka.

Pomenuta sredstva namijenjena za povećanje namaknuti smanjenjem sredstava (NATAŠA PERIĆ – Molim vas malo pažnje.) predviđenih u Budžetu za 2024. godinu na kodovima:

- 613200 Izdaci za rad zimske službe umanjnjem sa 720.000,00 na 220.000,00 konvertibilnih maraka;

- 613200 Izdaci za održavanje higijene grada sa 1.415.000,00 konvertibilnih maraka na 1.115.000,00 konvertibilnih maraka, te:

- 613200 Izdaci za održavanje zelenih površina sa 1.171.400,00 konvertibilnih maraka na 971.400,00 konvertibilnih maraka.

Ukupno umanjenje koda 613200 je u iznosu od 1.000.000,00 konvertibilnih maraka, dok se kod 611200 povećava za navedeni iznos uvođenjem dva podkoda Isplata pomoći uslijed inflatornog rasta cijena u iznosima 840.000,00 konvertibilnih maraka i 160.000,00 konvertibilnih maraka.

## **NATAŠA PERIĆ**

Molim vijećnike da se izjasne o pročitanoj amandmanu. Glasanje je okončano. Konstatujem da pročitani amandman nije dobio potrebnu većinu, 4 vijećnika su glasala za, niko nije bio protiv i 20 je bilo suzdržano.

Ja ću sad zamoliti prije nego što se izjasnimo o Budžetu da gradonačelnik ili gospođa Jašarević evo samo odgovore na ovih par pitanja. Nije bilo puno. Izvolite. Gradonačelnik Lugavić.

## **ZIJAD LUGAVIĆ – Gradonačelnik Grada Tuzle**

Dakle, ja ću pokušati da dam odgovore na postavljena pitanja. (NATAŠA PERIĆ – Molim vas samo malo pažnje još. Blizu smo.) Što se tiče djece iz marginaliziranih grupa oni će imati prioritet prilikom upisa u obdanište, a što je već obdanište promijenilo u svojim Pravilnicima. Tako me izvjestila Služba za ekonomski razvoj, tako da je ovo već realizovano.

Što se tiče sredstava na Civilnoj zaštiti koja su kumulativno definisana na jednom ekonomskom kodu, ta sredstva će se i izdvajati i za održavanje zajedničkih dijelova, dakle, objekata ali i za dalju izgradnju rampi po osnovu odluke koja tretira i jedno i drugo. Dakle, nije izostavljeno jer nam je to prioritet i znamo koliko je bitno.

Ovdje ću se vratiti samo na amandman. Ne smijemo ljudi smanjivati sredstva za higijenu grada, zimsku službu. Pa vidite. Mi želimo da razvijamo turizam, razvijamo privredu, pa grad mora biti uređen i čist. Ne možemo mi prognozirati hoće li snijeg ili neće pasti snijeg. To je Božije davanje. Naše je da radimo.

Kamatna stopa na kredit je fiksna i iznosi 2,9%.

Porodice 3 plus i jeste bio prijedlog i to ćemo u budućem periodu vidjeti kako da uključimo u Budžet da podržimo rast nataliteta.

Kreditno zaduženje je trenutno 5,48% u odnosu na ukupni Budžet možemo ići i do 10%. 2028. godine kreditno zaduženje sa garancijama, dakle, sa garancijama je 5,48 spada na 2,9% tako da mi imamo još polijepo prostora da se možemo, da se možemo zadužiti jer i o tome smo razmišljali kad smo planirali i predlagali uzimanje ovog kredita.

Javni prevoz nam je takođe veoma značajan i mislim da smo to svi apostrofirali ove godine na Sjednici Gradskog vijeća. Zbog čega ova studija prije nije izrađena? Pa zbog toga što nam je trebalo, dakle, prvo smjernice za izradu studije, a onda kad smo napravili te smjernice i kada su po u osnovu Javnih nabavki se ispitivalo tržište koliko košta jedna takva studija, onda smo vidjeli da nemamo dovoljno sredstava pa smo onda kroz preraspodjelu i rebalans obezbjedili dodatna sredstva i to je sada u proceduri i nadam se da ćemo svi zajedno dobiti kvalitetne smjernice rješavanja javnog prevoza jer smo svi svjedoci da je stvarno to jedan od gorućih problema na području ne samo našega grada nego na području čitavog kantona, a onda ćemo zajedno rješavati, ima dosta nekih pravaca kako to možemo, možda čak i sa nekim graničnim našim općinama koje graniče s nama možemo zajedno ući u neku priču po tom predmetu.

Gradski nogometni savez će biti finansiran preko Sportskog saveza Grada Tuzle i neće biti zanemaren u tom segmentu.

Mladi su u fokusu našega grada i bit će u fokusu našega grada. U budućem periodu ćemo nastojati da stvorimo što bolje uslove za dalji razvoj habova, akceleratora, prostora gdje mali i frilenseri mogu da rade, prostora gdje mogu da se otvaraju novi obrti. Ja sam obradovan činjenicom da smo evo prvo izdali urbanističku saglasnost za izgradnju, početak izgradnje Kampusu i da bi 4 fakulteta trebala da se premjeste gore. Znači, to znači da 4 objekta, 4 zgrade koje su u vlasništvu Grada Tuzle će biti oslobođeni i mislim da nam je to ogro-mna, ogro-mna prednost da možemo raditi na ovoj priči mladih, na habovima, na akceleratorima i na starim tradicionalnim zanatima i malim obrtima. I mislim da ćemo tu u kratkom periodu moći napraviti jedan veliki, veliki zajednički iskorak.

Slažem se, Javna preduzeća i Javne ustanove moraju razmišljati i o tome ćemo zajedno voditi i priču i razgovore sa menadžmentima naših Javnih preduzeća i Javnih ustanova. Moraju razmišljati prvo ka-ko iz vlastitih aktivnosti povećati sredstva, odnosno vlastite prihode, a onda tražiti od Budžeta Grada Tuzle, a ne samo razmišljati da je Budžet glavni finansijer svih aktivnosti koje treba da budu. Dakle, morat ćemo mijenjat svijest, jel vidite koliko se mi ovdje borimo, koliko se mi mučimo da napravimo metar ceste, metar vodovodne mreže, kanalizacione mreže. Tako i svi drugi moraju razmišljati kako svaki fening da donesu.

I ono što je Mensur rekao na početku pu-no razgovaramo sa Vladom Federacije. Pu-no smo projekata predložili i poslali i nadam se da će pojedini od njih biti prihvaćeni, biti uvršteni u Budžet Federacije, ali ne bih ja da prejudiciram bilo kakve ishode, ali sam prilično siguran da će građanke i građani, građanke i građani Grada Tuzle uživati i ove benefite finansiranja iz Budžeta Federacije nekih od najključ-ni-jih i najznačajnijih kapitalnih projekata koji znače za sve građanke i građane i mislim da ćemo u budućem periodu još privući sredstava i puniti Budžet iz drugih izvora. Tu će nam pomoći i naša razvojna agencija ali i čitava Gradska uprava će radi-ti na pisanju još boljih projekata, još kvalitetnijih aplikacija i nastojat ćemo da što veća sredstva uključujemo u Budžet iz drugih vanjskih izvora, a sve viza vid i Javne rasprave i građanki i građana i vas kao vijećnica i vijećnika i mislim da zajedno na ovakav jedan fin i konstruktivan način možemo graditi stvarno lijepu i finu budućnost koja će biti još ljepša, još prosperitetnija i za mlade i za građanke i građane srednjih godina, a i one koji sad vole da se zovu osobe treće životne dobi a ne penzioneri. E hvala vam. Hvala vam lijepo. To bi otprilike bilo.

## **NATAŠA PERIĆ**

Hvala vama gradonačelnice.

Sada stavljam na izjašnjavanje BUDŽET GRADA TUZLE ZA PERIOD 01. 01. DO 31. 12. 2024. GODINE i molim vijećnike da se izjasne. Glasanje je okončano.

Konstatujem da je BUDŽET GRADA TUZLE ZA PERIOD 01.01. DO 31. 12. 2024. GODINE usvojen sa,

28 glasova za, nije bilo protiv i nije bilo suzdržanih. (Aplauz.)

Sada stavljam na izjašnjavanje ODLUKU O IZVRŠAVANJU BUDŽETA GRADA TUZLE ZA 2024. Molim vijećnike da se izjasne. Glasanje je okončano.

Konstatujem da je ODLUKA O IZVRŠAVANJU BUDŽETA GRADA TUZLE ZA 2024. usvojena sa,

28 glasova za, nije bilo protiv i nije bilo suzdržanih.

Sada stavljam na izjašnjavanje POLITIKU INVESTIRANJA RASPOLOŽIVIH NOVČANIH SREDSTAVA GRADA TUZLE ZA 2024. Molim vijećnike da se izjasne. Glasanje je okončano.

Konstatujem da je prijedlog POLITIKE INVESTIRANJA RASPOLOŽIVIH NOVČANIH SREDSTAVA GRADA TUZLE ZA 2024. usvojen sa, 28 glasova za, nije bilo protiv i nije bilo suzdržanih.

Sada ću zamoliti sekretara da pročita imamo dva zaključka, ovaj, možemo u paketu glasati.

#### **SLAĐANA KRAJINA – sekretar Gradskog vijeća Tuzla**

Prvi prijedlog zaključka:

- Gradsko vijeće Tuzla sugerše da, kada je u pitanju postavljanje nadstrešnica na autobuskim stajalištima na području grada Tuzle, prioritet imaju rubne mjesne zajednice.

I drugi prijedlog je bio:

- Ukoliko u toku 2024. godine dođe do rebalansa Budžeta Grada Tuzle, zbog suficita, Gradsko vijeće Tuzla sugerše da se povećaju sredstva za izgradnju i održavanje javne rasprave i da se, po mogućnosti, ista vrata na iznos koji je bio u 2023. godini.

#### **NATAŠA PERIĆ**

Molim vijećnike da se izjasne o pročitanim zaključci...(vijećnik Omer Berbić govori bez uključenog mikrofona op.a.) Može, može...(vijećnik Omer Berbić govori bez uključenog mikrofona op.a.)

#### **SLAĐANA KRAJINA – sekretar Gradskog vijeća Tuzla**

Može naravno. (NATAŠA PERIĆ – Poništavam.) Znači, u paketu se glasa samo ako su svi saglasni. Ako bilo ko traži da se...Može, može naravno.

#### **NATAŠA PERIĆ**

Molim pojedinačno. Znači, prvi zaključak. Ko je za? (vijećnik Omer Berbić govori bez uključenog mikrofona op.a.) (SLAĐANA KRAJINA – Prvo je za...) Jeste. (SLAĐANA KRAJINA - Da nastrešnice.) Glasanje je okončano.

Konstatujem da je pročitani zaključak usvojen sa,

27 glasova za, niko nije bio protiv i 1 suzdržan.

Molim vas malo pažnje. Omere?

#### **SLAĐANA KRAJINA – sekretar Gradskog vijeća Tuzla**

Znači, Gradsko vijeće Tuzla sugerše da kada je u pitanju postavljanje nadstrešnica...(NATAŠA PERIĆ – Pa to smo glasali.) Aha.

- Ukoliko u toku 2024. godine dođe do rebalansa Budžeta Grada Tuzle, zbog suficita, Gradsko vijeće Tuzla sugerše da se povećaju sredstva za izgradnju i održavanje javne rasprave i da se, po mogućnosti, (NATAŠA PERIĆ – Rasvjete.) ista vrata na iznos (NATAŠA PERIĆ – Rasvjete.) javne rasvjete i da se, po mogućnosti, ista vrata na iznos koji je bio u 2023. godini.

**NATAŠA PERIĆ**

Molim vijećnike da se izjasne. Glasanje je okončano.  
Konstatujem da je pročitani zaključak usvojen sa,  
28 glasova za, nije bilo protiv i nije bilo suzdržanih.

Gradonačelnik Lugavić želi da se obrati kratko. Izvolite. Prije nego pauzu napravimo. Izvolite.

**ZIJAD LUGAVIĆ – Gradonačelnik Grada Tuzle**

Prije svega u ime svih uposlenih u Gradskoj upravi želim da vam se zahvalim na podršci i na jednoglasno usvojenom Budžetu i u to ime u ime svih uposlenih u Gradskoj upravi od srca se zahvaljujem na divnoj saradnji i vašem povjerenju u nas kao i u naš rad.

Uspjeh, zdravlje i zadovoljstvo neka vas prate tokom cijele godine. Puno vam hvala za sve što ste do sada uradili i za sve što ćete uraditi i u budućem periodu i želim u ime svih nas da vam poželim da svi uživete u predstojećim blagdanima. Sretan Božić svima koji ga slave i sretna Nova 2024. godina svima vama, vašim porodicama, svim građankama i građanima grada Tuzle, Tuzlanskog kantona i Bosne i Hercegovine. Hvala vam puno. (Hvala vama.)

**NATAŠA PERIĆ**

U redu. Hvala vama. Pauza 30 minuta. (Pauza.)

Pozivam vijećnike da uđu u salu.

Ibeljiću hajde uđi. Hasanbašiću na mjesto. Kolega Husić molim vas zauzmite svoje mjesto. Nemojte mahat već uđite. Ima šesnaest?

Nastavljamo sa radom.

Nastavljamo sa radom.

Tačka dva:

**RAZMATRANJE I USVAJANJE PROGRAMA RADA GRADSKOG VIJEĆA TUZLA ZA 2024. GODINU**

Predlagač je Kolegij.

Obrađivač: Stručna služba Gradskog vijeća a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport, Komisija za izbor i imenovanja, Komisija za kulturu i očuvanje kulturno-historijskog i prirodnog naslijeđa, Komisija za saradnju sa jedinicama lokalne uprave i samouprave, Komisija za zaštitu prava nacionalnih manjina i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. (Nema.)

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Stavljam na izjašnjavanje PROGRAM RADA GRADSKOG VIJEĆA TUZLA ZA 2024. GODINU. Glasanje je okončano.

Konstatujem da je PROGRAM RADA GRADSKOG VIJEĆA TUZLA ZA 2024. GODINU usvojen sa,

18 glasova za, nije bilo protiv i nije bilo suzdržanih.

Tačka tri:

### **RAZMATRANJE I USVAJANJE ODLUKE O NAČINU DODJELJIVANJA JAVNIH PRIZNANJA U 2024. GODINI.**

Predlagač: Komisija za odlikovanja i priznanja.

Obrađivač: Stručna služba Gradskog vijeća.

Materijal su razmatrali: Komisija za statutarna pitanja i propise i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.) Nema.

Otvaram raspravu klubova vijećnika. (Nema.)

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Stavljam na izjašnjavanje ODLUKU O NAČINU DODJELJIVANJA JAVNIH PRIZNANJA U 2024. GODINI. Glasanje je okončano.

Konstatujem da je ODLUKA O NAČINU DODJELJIVANJA JAVNIH PRIZNANJA U 2024. GODINI usvojena sa,

17 glasova za, nije bilo protiv i nije bilo suzdržanih.

Četvrta tačka:

### **RAZMATRANJE I USVAJANJE ODLUKE O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE**

Predlagač: gradonačelnik.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Imal potrebe za uvodnim izlaganjem? (Nema.) Nema.

Imal potrebe da se pročitaju izvještaji komisija? (Nema.) Nema.

Otvaram raspravu klubova vijećnika. (Nema.)

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Stavljam na izjašnjavanje ODLUKU O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA AEROZAGAĐENJA NA PODRUČJU GRADA TUZLE.

Molim vijećnike da se izjasne. Evo Omera. (vijećnik Omer Berbić govori bez uključenog mikrofona op.a.) Glasanje je okončano.

Konstatujem da je ODLUKA O USLOVIMA, KRITERIJIMA I POSTUPKU DODJELE SREDSTAVA ZA SUFINANSIRANJE MJERA POBOLJŠANJA ENERGIJSKE EFIKASNOSTI I SMANJENJA usvojena sa,

18 glasova za, nije bilo protiv i nije bilo suzdržanih.

Tačka pet:

**RAZMATRANJE I USVAJANJE ODLUKE O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SAMOSTALNIH DJELATNOSTI NA PODRUČJU GRADA TUZLE ZA 2024. GODINU**

Predlagač je gradonačelnik Grada Tuzle.

Obrađivač: Služba za ekonomski razvoj, poduzetništvo i poljoprivredu a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem. (Nema.) Nema. Molim vas malo tišine.

Imal potreba da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavaње ODLUKU O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SAMOSTALNIH DJELATNOSTI NA PODRUČJU GRADA TUZLE ZA 2024. GODINU. Molim vijećnike da se izjasne. Hvala kolega Aliću. Glasanje je okončano.

Konstatujem da je ODLUKA O PRIVREMENOM OSLOBAĐANJU PLAĆANJA ADMINISTRATIVNE TAKSE ZA IZDAVANJE ODOBRENJA ZA REGISTRACIJU SAMOSTALNIH DJELATNOSTI usvojena sa,

22 glasa za, nije bilo protiv i nije bilo suzdržanih.

Tačka šest:

**RAZMATRANJE I USVAJANJE POD:**

**a) Odluke o dodjeli u zakup poslovnih prostorija neposrednom pogodbom Udruženju za razvoj „NERDA“ i**

**b) Odluke o dodjeli u zakup poslovnih prostorija neposrednom pogodbom Udruženju Informativni centar za osobe sa invaliditetom „LOTOS“**

Predlagač: gradonačelnik.

Obrađivač: Služba za ekonomski razvoj, poduzetništvo i poljoprivredu. Hvala kolega Aliću.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje pod: a) Odluku o dodjeli u zakup poslovnih prostorija neposrednom pogodbom Udruženju za razvoj „NERDA“ i

b) Odluku o dodjeli u zakup poslovnih prostorija neposrednom pogodbom Udruženju Informativni centar za osobe sa invaliditetom „LOTOS“. Molim vijećnike da se izjasne. Glasanje je okončano.

Konstatujem da su pročitane odluke usvojene sa,  
21 glas za, nije bilo protiv i nije bilo suzdržanih.

Tačka sedam:

#### **RAZMATRANJE I USVAJANJE POD:**

**a) ODLUKE O DAVANJU PRETHODNE SAGLASNOSTI NADZORNOM ODBORU JAVNO PREDUZEĆE „RTV 7“ D.O.O. TUZLA ZA IMENOVANJE DIREKTORA DRUŠTVA,**

**b) ODLUKE O DAVANJU PRETHODNE SAGLASNOSTI NADZORNOM ODBORU JAVNO KOMUNALNOM PREDUZEĆU “VODOVOD I KANALIZACIJA” D.O.O. TUZLA ZA IMENOVANJE DIREKTORA DRUŠTVA,**

**c) ODLUKE O DAVANJU PRETHODNE SAGLASNOSTI UPRAVNOM ODBORU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA RAZRJEŠENJE DUŽNOSTI DIREKTORA USTANOVE I**

**d) ODLUKE O DAVANJU PRETHODNE SAGLASNOSTI UPRAVNOM ODBORU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE VRŠIOCA DUŽNOSTI DIREKTORA USTANOVE**

Predlagači: Nadzorni odbor Javnog preduzeća „RTV 7“ d.o.o. Tuzla (pod a), Nadzorni odbor Javno komunalnog preduzeća “Vodovod i kanalizacija” d.o.o. Tuzla (pod b), Upravni odbor Javne ustanove za predškolski odgoj i obrazovanje „Naše dijete“ Tuzla (pod c i d).

Obrađivači: Nadzorni odbor Javnog preduzeća „RTV 7“ d.o.o. Tuzla (pod a), Nadzorni odbor Javno komunalno preduzeće “Vodovod i kanalizacija” d.o.o. Tuzla (pod b), Upravni odbor Javne ustanove za predškolski odgoj i obrazovanje „Naše dijete“ Tuzla (pod c i d) i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja i klubovi vijećnika.

Imal potrebe za uvodnim izlaganjem? (nema.) Nema.

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Izvolite.

#### **OMER BERBIĆ**

E fala ljepo. (NATAŠA PERIĆ – Pet. Pet.) A prije svega...Ima i drugo javljanje. Neću ja dugo. Prije svega evo želim da čestitam novoizabranim direktorima. Opet imamo isti problem košto smo imali svaki puta neяви se puno ljudi. Bože moj šta je tu je. A i svi ajde znamo kako se dijele pozicije. Ni...nije to ni bitno. Jeste, mislim jako je bitno, ali, ali u ovom



kontekstu što sad hoću da kažem nije. Vidio sam promjenu odnosa javnog, Javne ove televizije „RTV 7“ prema opoziciji. Moram to da pohvalim. Vjerujem da je sad direktor koji će biti imenovan, da je imao utjecaja na to. Prvi puta da je opozicija do-bila određene seknude, minute na „RTV 7“ što je izuzetno pohvalno, jer to nakon tri godine svojevrsne borbe, rada protiv jednodimlja dobijamo jednu vrstu otvorenosti. Zaista se to mora pohvaliti i evo jedan ako hoćete zaključak ovaj, zezam se naravno. Drago mi je da, da, da se mijenja ta paradigma jednodimlja i da je to jedna stvar koja, koja, ovaj, koja na neki način spušta lopticu između Javnog RTV servisa i trenutne opozicije u Gradskom vijeću.

Ali ima jedna stvar koja je prošla dosta nezapaženo što ja mislim da je svojevrsan skandal. RTV 7 je prije nekih desetak dana objavio jednu vrstu intervjua nekog životnog sa Vitomir Pavlovićem. (NATAŠA PERIĆ – Ali mi ne pričamo sad o tome.) Pričamo. Jako je bitno. (NATAŠA PERIĆ – Pa nije ovo izvještaj mislim izvinite mi ovdje pričamo...) Molim vas predsjedavajuća pričam o imenovanju. Ako želite da pričam o imenovanju onda me pustite i ovaj direktor je bio ja mislim VD-e direktor jedno vrijeme. (NATAŠA PERIĆ – Nije.) Nije jel? (NATAŠA PERIĆ – Nije. Nije, nije.) Dobro nema veze. Onda želim da budući direktor bude upoznat s onim što bi trebao da radi iz moje perspektive. Tako da ako već imenujemo imam pravo da dajem neke sugestije. Neću davati zaključke, ali me pustite da završim. Želim da novi direktor obrati pažnju da ne dajemo ljudima koji potpiruju nacionalnu mržnju prostor na Javnom RTV servisu Grada Tuzle uzimajući u obzir da je Vitomir Pavlović javno u više navrata i kroz knjigu koju je napisao, napisao obmane, laži i katastrofalne stvari prvenstveno o Selimu Bešliću, pa i onda ostalim moram tako reći herojima odbrane grada Tuzle i izvirgavao je činjenice koje su se desile na Brčanskoj Malti. Molim vas samo na uređivačkoj politici u buduće, pošto evo postavljamo novog direktora da obratimo pažnju na ovakve stvari. Da se ljudima koji potpiruju međunacionalnu mržnju u bilo kojem kontekstu ne daju sekunde na Javnom RTV servisu.

Želim puno sreće svim novim imenovanim i želio bih samo da dobijem evo malo opširnije objašnjenje zbog čega direktorica obdaništa bivša je prebačena na neko novo radno mjesto? Koje radno mjesto je u pitanju? Čisto da imamo kao informaciju. Mislim da je ona radila dobro svoj posao i volio bi da sam vidio da je, da, da, da će ona nastaviti raditi ili ako sam nešto pogriješio, onda čisto da me neko, da me neko ispravi. Et toliko. Hvala ljepo.

## **NATAŠA PERIĆ**

Hvala. Da li se još neko javlja?

Zaključujem raspravu vijećnika.

Stavljam na izja...Aha samo malo. Evo možel samo Alma da odgovorite zašto je...Mislim, znam da je zbog prelaska na drugo radno mjesto u Tužilaštvo et kao sekretar jeste. Pa ne znam Alma evo je odgo...Evo odgovorila sam, a možete i vi. Potvrdite.

## **ALMA HALILOVIĆ - pomoćnik gradonačelnika za Službu za ekonomski razvoj, poduzetništvo i poljoprivredu**

Dobar dan svima. Sve vas ljepo pozdravljam. Radi se o zahtjevu direktorice znači, na njen lični zahtjev. Ona je dobila novu poziciju u Tužilaštvu ovaj, tako da je ona podnijela zahtjev u stvari za razrješenje dužnosti. Nije bila niti...Nije bila ni smjena ni ništa drugo prije isteka mandata i onda evo u skladu sa Zakonom o predškolskoj odgoju i obrazovanju njoj se udovoljilo znači, uz prethodnu saglasnost osnivača. Istovremeno se pokreće procedura ras...Donesena je Odluka o raspisivanju konkursa za imenovanje novog direktora, s tim da evo

u ovom periodu ovaj, iasto tako daje se saglasnost za imenovanje vršioca dužnosti direktora do okončanja konkursne procedure. (NATAŠA PERIĆ - U redu.) Et više je for...

## NATAŠA PERIĆ

Hvala Alma. Jel se slažete da glasamo u paketu? (MENSUR ALIĆ – Ma ja sve u paketu.) Dobro.

Stavljam na izjašnjavanje ODLUKU O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA „RTV 7“ D.O.O. TUZLA ZA IMENOVANJE DIREKTORA DRUŠTVA,

ODLUKU O DAVANJU PRETHODNE SAGLASNOSTI NADZORNOM ODBORU JAVNO KOMUNALNOG PREDUZEĆA “VODOVOD I KANALIZACIJA” D.O.O. TUZLA ZA IMENOVANJE DIREKTORA DRUŠTVA,

c) ODLUKU O DAVANJU PRETHODNE SAGLASNOSTI UPRAVNOM ODBORU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA RAZRJEŠENJE DUŽNOSTI DIREKTORA USTANOVE I

ODLUKU O DAVANJU PRETHODNE SAGLASNOSTI UPRAVNOM ODBORU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE VRŠIOCA DUŽNOSTI DIREKTORA USTANOVE. Molim vijećnike da se izjasne. Hajde Sabiha. Glasanje je okončano.

Konstatujem da su pročitane odluke usvojene sa,  
25 glasova za, nije bilo protiv i nije bilo suzdržanih.

Tačka osam:

### **RAZMATRANJE I USVAJANJE IMOVINSKO-PRAVNIH AKATA:**

a) Odluka o utvrđivanju javnog interesa za postavljanje infrastrukture i izgradnju pristupnog puta za prenosivu baznu stanicu „PTI Kojšino“, Tuzla,

b) Odluka o izmjenama Odluke o utvrđivanju javnog interesa (Rekonstrukcija regionalne ceste R-458 Simin Han – Gornja Tuzla – Površnice, dionica: Most na čaršiji – skretanje za Kovačicu i rekonstrukcija - proširenje predmetne saobraćajnice)

Predlagач je gradonačelnik.

Obrađivač: Služba za geodetske i imovinsko – pravne poslove a materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Nema.) Nema.

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Molim vijećnike da se izjasne. Molim vijećnike da se izjasne o pročitanim odlukama. Molim vas malo ozbiljnosti. Sabiha? Glasanje je okončano.

Konstatujem da je ODLUKA O UTVRĐIVANJU JAVNOG INTERESA ZA POSTAVLJANJE INFRASTRUKTURE I IZGRADNJU PRISTUPNOG PUTA ZA PRENOSIVU BAZNU STANICU „PTI KOJŠINO“, TUZLA I ODLUKA O IZMJENAMA ODLUKE O UTVRĐIVANJU JAVNOG INTERESA (REKONSTRUKCIJA REGIONALNE CESTE R-458 SIMIN HAN – GORNJA TUZLA – POVRŠNICE, DIONICA: MOST NA

ČARŠIJI – SKRETANJE ZA KOVAČICU I REKONSTRUKCIJA - PROŠIRENJE PREDMETNE SAOBRAĆAJNICE) usvojena sa,  
20 glasova za, niko nije bio protiv i nije bilo suzdržanih.

Tačka devet:

### **RAZMATRANJE INFORMACIJE O IMPLEMENTACIJI PROJEKTA „REGISTRA IMOVINE“**

Predlagač je gradonačelnik.

Obrađivač: Služba za geodetske i imovinsko - pravne poslove.

Materijal su razmatrali: Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Može.) Može. Može. Zamolit ću Jasminu Šimlešu pomoćnika gradonačelnika Službe za geodetske i imovinsko - pravne poslove da da uvodno izlaganje.

#### **JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove**

Poštovana predsjedavajuća, dopredsjedavajući, sekretar, poštovani vijećnice i vijećnici dakle, danas smo ponudili Gradskom vijeću INFORMACIJU O IMPLEMENTACIJI PROJEKTA REGISTRA IMOVINOM. Dakle, uspostavljanju ovog sistema sistemskog ili modernog upravljanja nekretninama, odnosno svom imovinom koju posjeduje ili koja je u vlasništvu Grada Tuzle, dakle, proteklih godina smo govorili o ovome registru i vidjet ćete da je njegova implementacija trajala nekoliko godina od dana postavljanja dakle, zapravo iznošenja ideje. Pokazalo se da će ovaj registar zaista biti koristan za Grad Tuzlu i za bolje sistemsko i ažurno upravljanje imovinom kojom grad raspolaže. Dakle, metodologija i model upravljanja registrom imovine predstavlja dakle moderan sistemski pristup učinkovitijem korištenju imovine kojima jedinica lokalne samouprave upravlja po određenom nekom pravnom osnovu koje ima u vlasništva ili ih samao posjeduje. Dakle, ovdje se koristi multidisciplinarni pristup upravljanja imovinom. Model pridnosi, kao što ste i vidjeli u Informaciji poboljšanju finansijske situacije lokalne samouprave i sposobnosti boljeg pružanja usluga kroz efikasnije korištenje našeg resursa, a to je imovinom. Takođe može osloboditi nedovoljno iskorištenu imovinu. Dakle, nedovoljno iskorištenu u smislu da Grad Tuzla ne raspolaže sa dovoljno ili budžetskog novca ili neko ideja i svakog drugog resursa koji služi kod upravljanja imovine i onda se ova imovina može...tzv. višak te imovine može dati za privatno investiranje i razvoj lokalne zajednice u skladu sa zakonskim i podzakonskim aktima.

Dakle, ova metodologija upravljanje imovinom korištena je u regiji. Zašto smo to naglasili? Zato što je Služba za geodetske i imovinsko - pravne poslove još 2018. godine na Kolegiju gradonačelnika predstavila ideju sistemskog upravljanja imovinom i počela zapravo tragati za modelom i načinom realizacije ove ja bih rekla nužne i racionalne, racionalne ideje. Tada u Bosni i Hercegovini niko nije radio zapravo, zapravo ovaj softver koji se naziva negdje Registar imovine, mi smo ga...negdje Registar nekretnina. Mi smo se odlučili za ovaj pojam što ću vam kasnije ako budete željeli i obrazložiti i mi smo morali otići i korak dalje i raspitivati se kako je to iskustveno prošlo u zemljama regije. Najviše u Republici Hrvatskoj i Srbiji. Zašto? Zato što su te države prošle isti tranzicijski ovaj ciklus koji proilazi i Bosna i Hercegovina i pretvorbe u pogledu vlasništva drugih stvarnih i drugih ograničenih stvarnih prava nad svojom, nad svojom nepokretnom imovinom, ali i imali sličan sistem ili isti sistem u nekom

bivšem sistemu upravljanja imovinom i nekako su oni bili najugledniji primjer zašto smo mi tragali za ovim rješenjima evo i van naše države.

S tim u vezi Grad Tuzla je putem Službe za geodetske i imovinsko – pravne poslove još 2019. godine pokrenuo ove aktivnosti na nabavci softvera „Registra imovine“. Kasnije su nam 2020-te odobrena sredstva za nabavku ovog softverskog rješenja, ali kao što znate nastupila je pandemija znači, kovida i ta sredstva su s ove Budžetske pozicije preusmjerena na jel tada važnije, važnije, odnosno na druge pozicije za tada važnije stvari. Nije bilo lako u to vrijeme ni sastaviti tehničku specifikaciju za Javnu nabavku upravo iz ovih razloga o kojima sam govorila s obzirom da se na području BiH niko nije bavio, bavio ovim softverskim, softverskim rješenjem.

U toku 2022. godine proveden je, dakle, 2021. je pokrenuta zapravo ovaj, javna nabavka ovog softverskog rješenja pa smo ponovo znači ponovili postupak 2022. godine i koji je zapravo okončan potpisivanjem Ugovora o nabavci „Registra imovine“ s vizualnom i konsultanskom uslugom upravljanja imovinom sa firmom Libusoft Cicom d.o.o. iz Zagreba a ta firma je zapravo i autor ovog, ovog registra i to za područje i Hrvatske i Srbije.

Potpisivanjem ugovora dakle, krenulo je se je li i u aktivnosti i evo ja ću onako ukratko neću vam sve ponaosob pobrajati, zapravo šta je to cilj projekta, kako je zamišljen i koncipiran da se održava jel kroz radionice. Ali ono što je za nas najvažnije kod sistemskog, racionalnog, efikasnog i rekla bih ekonomičnog upravljanja imovinom jeste, jesu ove ključne aktivnosti metodologije upravljanja kao što su inventura imovine pomoću infosistema registra, organizacija i prikupljanje podataka, upotreba knjigovodstvenih podataka, grupiranje imovine u istovrsne grupe takozvani portfelje o čemu mogu evo ukoliko bude pitanja nešto kasnije i obrazložiti, tranzisijska pitanja kao što su pretvorba i povrat imovine.

E u odnosu na ova tranzisijska pitanja koja ćemo mi u budućnosti lakše rješavati pomoću „Registra imovine“ treba reći da u odnosu na pretvorbu dakle, prava vlasništva ono je regulis...kada su u pitanju nekretnine, dakle, nepokretna imovina, kod nas je to regulisano Zakonom o stvarnim pravima ali povrat ili restitucija imovine još uvijek nije riješena na državnom nivou, dakle, mi još uvijek nemamo Zakona o povratu, odnosno restituciji imovine. U odnosu na restituciju mi imamo samo jednu opću odredbu Zakona o stvarnim pravima F BiH koja kaže: Da zapravo imovinom pod restitucijom nivou vlasti, dakle, različiti nivou vlasti ne mogu, ne mogu raspolagati. Sve ostalo načini povrata imovine ovaj, metodologija koja će se koristiti, evo još uvijek nemamo ovaj, zakonskih rješenja za razliku od Republike Srbije i Republike Hrvatske, ali će nam ovaj registar omogućiti dakle, onda kada bu-du doneseni ovi zakoni dakle, mi ćemo već imati unaprijed jedan korak završen, a to je da ćemo mi kroz ovaj registar moći i takvu nepokretnu imovinu sistematizirati i pratiti znači kretanje, odnosno način upravljanja tom imovinom i zapravo stanje imovine što će olakšati proceduru restitucije.

Dakle, sljedeće jedno od je li metoda je bilo i klasifikacija imovine obavezna imovina koju jedinica lokalne samouprave mora posjedovati, odnosno imati za ostvarenje svoje primarne funkcije, takozvanoj diskrecijska imovina za zadovoljavanje specifičnih potreba građana kao što su recimo različita udruženja koja su već našom Odlukom o dodjeli u zakup poslovnih prostorija...To je jedan od primjera. Ili, ili Odlukom o davanju u zakup stanova već kao...registrovana kao posebna kategorija. Profitna imovina. To je ona imovina od koje jedinica lokalne samouprave ostvaruje profit itd. itd. Zatim procjena vrijednosti nekretnina kroz interne procjene komparativnom, prihodovnom i troškovnom metodom. Mi ćemo imati mogućnost...Samo da kažem. Da ćemo imati mogućnost kroz ovaj „Registar imovine“ i znači da radimo i tržišnu procjenu imovine kada se pojavi potreba za tim i da ubacujemo dakle, pored ove knjigovodstvene i tržišnu vrijednost naše imovine kao i masovnu procjenu. Možda ste čuli posljednjih dana da je na razini Federacije zapravo i stupio na snagu tzv. Registar procjene, procjene nepokretnosti, odnosno masovne procjene i kroz ovaj registar ćemo imati dobru podlogu da jedan dan kada budemo vizualizirali i napravili jedan internet prezenter zapravo

Grada da ćemo na njemu vidjeti ovu maosvnu procjenu nekretnina pomoću koje će svaki građanin našeg grada moći da vidi koliko u datom momentu kako se kreće tržište, ukoliko je u datom momentu vrijedi određena nekretnina na nekoj, na nekoj adresi kao, takođe kao i dijelovi te nekretnine.

Dalje, recimo ono što je još bitno između ostalog jeste i analiza postojećih procedura vezanih za upravljanje nekretninama jedinice lokalne samouprave. Ovdje...dakle, ovu informaciju mogu povezati i s činjenicom da je Grad Tuzla učesnik PIPLS projekta upravljanje imovinom koju provodi UNDP i kroz taj projekat kad je u pitanju zemljište kao nepokretna imovina mi smo jako dobro ocjenjeni, zapravo smo i najvisočiji u tom projektu ocjenjeni i naša odluka dakle, Odluka Gradskog vijeća Tuzle o raspolaganju i pribavljanju nekretnina u vlasništvu Grada Tuzle služi kao model drugim jedinicama lokalne samouprave koji se nalaze, nalaze u ovom projektu.

Ono što je još bitno mi ćemo tak...to smo riješili Pravilnikom koji će je li, koji tek, zapravo kojeg će naš gradonačelnik, daće gradonačelniku, daćemo gradonačelniku na usvajanjem rješava pitanje izvještavanja o imovini. Dakle, mi do sad nismo mogli sistemski kad nas pitate za određenu jedinicu imovine nismo mogli sistemski dati izvještaj za neku jedinicu imovine. Mogli smo samo pojedinačno to uraditi. Ovaj „Registar imovine“ služi nam da jednom godišnje imamo znači, sistemski izvještaj o stanju svake jedinice imovine, odnosno o stanju svakog portfelja u okviru kojeg se nalazi istovrsna, istovrsna imovina Grada.

Dalje. (NATAŠA PERIĆ – Možete malo kraće samo?) Može. (NATAŠA PERIĆ – Pošto imao sve to napisano.) Okej, znači, dobro. I samo ću evo još ovo reći što smatram bitnim da će nama ovaj registar poslužiti za izradu zapravo šta je i cilj izrada strategije kao dugoročnog upravljanja, plana upravljanja našom imovinom, akcionog plana i planiranja koje regulišu neki drugi zakoni a koje do sada evo nismo imali. Eto to je u najkraćem. Zahvaljujem.

## NATAŠA PERIĆ

Hvala Jasmina na iscrpnom obrazloženju informacije. Eto ako bude nekih pitanja, al mislim da neće biti posle ovog.

Da li ima potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Konstatujem da je Gradsko vijeće Tuzla primilo k znanju INFORMACIJU O IMPLEMENTACIJI PROJEKTA „REGISTRA IMOVINE“.

Tačka deset:

## **RAZMATRANJE PRIJEDLOGA MIŠLJENJA O SPECIJALIZOVANOM RAZVOJNOM PROGRAMU ODGOJNO – OBRAZOVNOG RADA SA DJECOM UZRASTA OD 4 DO 6 GODINA POD NAZIVOM “GODIŠNJI PLAN I PROGRAM ŠKOLE SPORTA” KOJI JE IZRADILA JAVNA USTANOVA ZA PREDŠKOLSKI ODGOJ I OBRAZOVANJE “NAŠE DIJETE” TUZLA**

Predlagač je gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za mlade, obrazovanje i sport i klubovi vijećnika.

Imal potrebe za uvodnim izlaganjem? (Nema.)

(vijećnik Zoran Jovanović govori bez uključenog mikrofona op.a.) Dobro. Nemojte molim vas samo dobacivat. (vijećnik Zoran Jovanović govori bez uključenog mikrofona op.a.) Pa nemojte dobacivat molim vas tako. Jel tražite uvodno izlaganje? (ZORAN JOVANOVIĆ – Predsjedavajuća pa pričamo stalno o maloljetničkom nasilju o ovome onom...) Pa izvinite kolega Jovanoviću niste dobili riječ. Pa trebate se javiti mislim za riječ. (ZORAN JOVANOVIĆ – Pa javio se, digo ruku.) Niste se javili. Ja sam pitala imal potrebe za uvodnim izlaganjem? (ZORAN JOVANOVIĆ – Izvinjavam se. Ima.) U redu. Molim ispred Službe Almu Halilović da da uvodno izlaganje.

**ALMA HALILOVIĆ - pomoćnik gradonačelnika za  
Službu za ekonomski razvoj,  
poduzetništvo i poljoprivredu**

Eh ponovo dobar dan. Evo ja ću dati kratko pojašnjenje. Ovaj program nije nešto što je da kažem potpuno novo. Ustanova je...Ustanova za predškolski odgoj i obrazovanje „Naše dijete“ je i do sada provodila specijalizovane programe različite, između ostalog i školu sporta, s tim da su to uglavnom radili eksterni izvođači. Pa je organizovana npr. škola stranog jezika, škola sporta, mislim da je bila škola plesa i te neke druge aktivnosti. Mimo tog, mimo ovih specijalizovanih programa koje su roditelji znači, korisnici plaćali dodatno, u Ustanovi postoji zaposlen profesor tjelesnog odgoja koji je i mimo toga sa djecom, znači, izvodio ovaj, program sportskih aktivnosti. Ove godine nije se mogao realizovati izvođenje ovog specijalizovanog programa od strane eksternog izvođača zato što se kroz postupak Javne nabavke nisu znači, mogli javiti registrovana pravna lica nego su bila samo udruženja, tako da se Ustanova odlučila da ove godine znači, realizuje ovaj specijalizovani program, odnosno da ga izvodi uposlenik profesor tjelesnog odgoja.

U skladu sa obavezama koje proizilaze iz Zakona o predškolskom odgoju i obrazovanju ustanova je obezbjedila i mišljenje Pedagoškog zavoda i evo isto tako u skladu sa zakonom potrebna je i saglasnost Gradskog vijeća na ovaj program da bi se realizovao.

**NATAŠA PERIĆ**

U redu. Hvala vam Alma.

Da li ima potrebe da se pročitaju izvještaji komisija? Nema.

Otvaram raspravu klubova vijećnika. Za riječ se javio vijećnik Elvir Bijedić ispred Kluba SDP-a. Izvolite.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem predsjedavajuća. Dakle, pred nama je jedan vrlo bitan, nako ga ja smatram interni akt, dakle, i tako ga doživljavam i zaista imam potrebu da u ime Kluba vijećnika i vijećnika SDP-a kažem naše mišljenje i da eventualno kroz diskusiju iznesemo par zaključaka. Dakle, jako sam puno razgovarao na ovu temu sa kolegicom Merimom Softić Sprečić jer se radi, dakle, o vrlo osjetljivoj populaciji i ne preveniramo mi ovdje vršnjačko nasilje kolega Jovanoviću ovaj, nego ovdje preveniramo tjelesne aktivnos...odnosno tjelesne neaktivnosti i posljedice koje tjelesne neaktivnosti djece mogu da ih proizvedu kasnije za njihovo zdravlje. Dakle, radi se o vrlo osjetljivoj populaciji od 4 do 6 godina.

Ono što pokušavam da razumijem i ne morate mi odmah dati odgovor možete i u pisanoj formi. Zbog čega je princip dobrovoljnosti? Da li je Zakon o predškolskom

obrazovanju insistira dakle, da kad je u pitanju škola sporta, u predškolskom uzrastu je potrebna saglasnost roditelja, dakle, ukoliko je to pretpostavlja vjerovatno saglasnost roditelja ukoliko je ovaj, to, ukoliko je to na dobrovoljnoj osnovi?

Ono što hoću da kažem jeste da je izuzetno ovo bitan interni akt. Dakle, ja govorim iz ugla svoje struke. Ima ovdje još ljudi koji se bave ovaj, ovim poslom. Dakle, mi na žalost imamo danas populaciju djece koja su u značajnoj mjeri u ozbiljnim tjelesnim deformitetima koja ozbiljno prijete ugrožavanju sistema za kretanje u perspektivi i ne samo sistema za kretanje nego i zbog pretilosti ovaj, ugrožavaju i metaboličko zdravlje u nekoj skorijoj perspektivi. Tako da uključivanje u škole sporta na predškolskom nivou je ja-ko bitno, izuzetno bitno i ovo je jedan ja-ko dobar program koji je pred nama i koji svakako treba podržati.

Dakle, kad je u pitanju broj sati kolegica Merima Softić i ja smo, Sprečić i ja smo razgovarali, dakle, na tu temu i cijenimo, dakle, i unutar Kluba SDP-a smo razgovarali na tu temu da je to možda nedostatno jedanput sedmično. Ovaj, ja razumijem da mi imamo jednog profesora tjelesnog, ali evo da nekad možda ukoliko ste za da jedan zaključak izvedemo da u perspektivi možemo i možda bi trebali da razmišljamo o prijemu još jednog ili dva uposlenika ukoliko evo struka će to reći, a da naravno kao Gradsko vijeće...Mislim da nam je to ozbiljna zadaća pred nama i mislim da ovaj, možemo i moramo izdvojiti sredstva iz Budžeta u nekom narednom periodu da pokušamo, dakle, da to podignemo na još, na još jedan viši nivo kako bi imali vi-še sa-ti ovaj, za, za rad sa djecom dakle, na razvijanju njihovih motoričkih sposobnosti.

Dalje. Samo sekundu izvinjavam se. Ono što je...Ovdje nije tretirano, dakle, ja sam vidio da, da, vrlo sam pažljivo čitao ovaj, ovaj njihov interni akt i radi se, dakle, o školi sporta i ovdje kaže saradnja sa roditeljima. Međutim, u toj saradnji, u toj saradnji sa roditeljima kaže: Redovno informisanje o postignućima i napredovanju djece u tjelesnom i zdravstvenom odgoju, prikazi sistematskog praćenja motoričkog razvoja, pomoć u prikupljanju sportskih rekvizita. Ali recimo ono što, što, što sam zapazio da nema, a mislim da bi bilo jako dobro. Mi ga nećemo mijenjat, ali možda jednim zaključkom samo da obavežemo, ovaj, menadžment, odnosno...a on indirektno je li i profesora tjelesnog koji će raditi s tim, dakle, da sve ono što se primjeti kod djece, bilo kakva odstupanja u razvoju u smislu ovaj, deformiteta koji se javljaju tokom rasta da se uspostavi saradnja sa Javno zdravstveno nastavnom ustanovom „Dom zdravlja“ dakle, sa Službom za predškolski odgoj i da se to na vrijeme, naravno u saradnji s roditeljima alarmira. Isto tako i kad je u pitanju, kad je u pitanju pojava prekomjerne tjelesne težine. Dakle, smatram to jako bitnim, pa ukoliko ste za, ovaj, evo da sekretar...Ja ću bit strpljiv pa ćemo to polako ovaj, sa sekretarom Gradskog vijeća da formiramo par zaključaka.

Dakle, isto tako, ovaj, mislim da bi bilo jako korisno da evo iskoristimo i ovu novonastalu, odnosno novoformiranu Javnu ustanovu „Trag“. Da se uspostavi saradnja u smislu pokretanja aktivnosti na Projektima otkrivanja tjelesnih deformiteta kod djece i naravno pojave pretilosti u predškolskom uzrastu, jer mislim da nismo ni svjesni činjenice koja je to u stvari epidemija koja nam se dešava pred očima. Bojim se samo da, ovaj, da nam se stvar ne izmakne kontroli. Dakle, ista stvar bi sasvim sigurno trebala da se radi i kad su u pitanju ovaj, kad je u pitanju školski uzrast, ali evo mi danas pred sobom imamo Plan i program ovoga rada u, ovaj, u predškolskom uzrastu. Dakle, ukoliko bude još nekih, ovaj, ja bih volio zaista da nas se dosta uključi u ovu diskusiju jer ovo smatram zaista bitnim. Bojim se da ovaj, ako, ako ih zapustimo da tako kažem u nekom predškolskom odgoju i ako ih zapustio u školskom da ovo, bojim se da nam onda to kasnije da ćemo to teško stići sve ono što izostane.

Kad su u pitanju motorički razvoj. Imamo doktoricu ovaj, koja je šefica pedijatrije. Doktorica Lejla Osmančević koja to pu-no bolje zna od mene. Kad izostane neka motorička kretnja u ranom, u predškolskom uzrastu bojim se da mi to kasnije ne možemo stići. Dakle, i sva takva odstupanja bi trebala da se, ovaj, prijave roditeljima a onda naravno u saradnji sa Domom zdravlja da se alarmira i da se ozbiljnije na tome, na tome radi. Evo ja toliko. Hvala.

## **NATAŠA PERIĆ**

Hvala kolegi Elviru Bijediću.

Da li se još neko javlja ispred klubova vijećnika? Vijećnica Esana Kavazbašić Huskanović. Neka se pripremi vijećnik Zoran Jovanović. Izvolite.

## **ESANA KAVAZBAŠIĆ HUSKANOVIĆ – vijećnik Platforme za progres**

Poštovane kolege, kolegice, ovaj, na prvom mjestu bi zaista pohvalila ovo što želite sad da uradite po pitanju djece. Međutim, ja smatram ako želimo, košto je kolega Bijedić rekao da na vrijeme reagujemo na te deformitete koji se razvijaju u određenom životnom dobu djeteta, da taj skining bi trebao biti uveden na nivou Doma zdravlja. Znači, kad djeca idu na obaveznu vakcinaciju da se napravi neki...To bolje doktorica Lejla zna, ovaj, dokument znači, gdje će se moći pratiti razvoj djeteta znači, iz godine u godinu il određeni period. To na zapadu normalno imaju i svaki roditelj je obavezan...Dobije poziv kući da dovede svoje dijete i onda ga ti vodiš i oni prate razvoj određenih kostiju, detalj...razvoj pravilan, da li se kičma pravilno razvija, lokomotorni čitav sustav i to. I onda bi ja kao i zaključak stavila možda da Dom zdravlja na dječijem dispanzeru, ovaj, razmisli o mogućnosti uvođenja tako jednog skrininga, a gdje bismo mi mogli tu svu predškolsku, čak i školsku djecu pratiti u ispravnom pravcu njihov razvoj. Eto toliko od mene.

## **NATAŠA PERIĆ**

Hvala kolegini Esani Kavazbašić Huskanović. Sljedeći za riječ se javio vijećnik Zoran Jovanović. Neka se pripremi vijećnik Mehmedinović. Izvolite.

## **ZORAN JOVANOVIĆ**

Al mislim da je moja intervencija urodila plodom i drago mi je da se uključila struka. Ja sam laik što se tiče ovoga. Da nije bilo uvodnog izlaganja možda ne bi bilo ni diskusija. (NATAŠA PERIĆ – Bilo bi.) Ne znam. (NATAŠA PERIĆ - Hajte samo.) Predsjedavajuća molim vas nemojte se ophodit prema meni tako. (NATAŠA PERIĆ – Ne ophodim se.) Jako ste drski. (NATAŠA PERIĆ – Nisam drska.) Jako drski. Imat ćete proti...(NATAŠA PERIĆ – Vi se javljate bez rije...Vi se javljate...) Imat ćete protivnika ovdje u Vijeću vjerujte. (NATAŠA PERIĆ – Jel vi to meni prijetite?) Ja vama ne prijetim. (NATAŠA PERIĆ – Pa prijetite mi.) Imat ćete protivnika. (NATAŠA PERIĆ - Pa navikla sam ja na protivnike.) Na svaku vašu ću se javljat da znate. Et od, od danas evo svi nek čuju, svih tridesetpet vijećnika i vi zajedno s njima. (NATAŠA PERIĆ - Pa vi se trebate javljat.) Ovaj, jako, jako mi je drago da se struka uključila, ljudi koji znaju ovaj problem, ja sam laik za ovo. Imo sam djecu, znam kako su odrastala. Imali su neke fizičke aktivnosti, na žalost danas naša djeca ova mala nemaju uopšte aktivnosti osim onog kompjutera i dobro je da se ovo provodi. Ali evo žao mi je što se, ovaj, Prosvjetno pedagoški zavod Tuzlanskog kantona dao je pozitivno mišljenje, a ovamo zaključak na bazi dobrovoljnosti. Malu djecu ne možete ni natjerat, hajde razumijem donekle. Al, al me zabrinjava, pošto su naša obdaništa razrušena, objekti po cijelom gradu. Ovdje kaže: Program se provodi jedanput sedmično u toku dana. Da li će ovaj profesor ići tamo gdje bude ovih, ove djece od 4 do 6 godina da s njima radi ovo fizičko, ono naše prijašnje fizičko vaspitanje? Da li će obilaziti ove objekte svaki dan drugi objekat gdje bude zainteresovane djece normalno? I mislim da bi trebalo uvažit mišljenje struke, ovo da prihvatimo danas, a u nekom narednom periodu da se ovaj Program škole sporta dograđuje uz stručne predloge ovih stručnih ljudi koje imamo i u Vijeću, a evo i da se angažuje neko ko je kvalifikovan za ove stvari. Hvala.



## NATAŠA PERIĆ

U redu hvala. Sljedeći za riječ se javio vijećnik Senad Mehmedinović. Neka se pripremi vijećnik Nedžad Jusić. Izvolite.

## SENAD MEHMEDINOVIĆ

Hvala najljepša. Prije svega puna podrška ovom Godišnjem planu i programu škole sporta naročito što je to na veoma osjetljivom periodu, periodu od četiri do šeste godine života i ovaj naravno da je period važan za razvoj djece za održavanje zdravlja ali i funkcionalnosti tijela. Drago mi je što ovdje ima kolega koje se bave s ovim stvarima. Zašto je ovaj period bitan kad govorimo o kontekstu faze motoričkog razvoja djece? Dakle, ovaj period je taj tzv. period fundamentalnih kretnih sposobnosti ili fundamentalnih motorički sposobnosti. Zbog čega to govorim? Evo mi smo ispred našeg fakulteta realizovali jedno istraživanje koje se baziralo na procjeni fundamentalnih motoričkih sposobnosti. Mi zaista imamo ozbiljne probleme i imaćemo u budućnosti ozbiljne probleme sa mlađom populacijom koja kasnije naravno će imati više godina. Primjer jedan. Prilikom ovog testiranja veliki broj npr. djece ne zna da skače na jednoj nozi. Imamo problem, dakle, kad djeca trče način na koji trče. Skok udalj u smislu procjene eksplozivne snage. Vjerujte gdje smo mi imali slučaj da dijete kad radi skok udalj da skoči na glavu. Ozbiljni su problemi i zato mislim da treba, ne samo sport ovaj u predškolskom vrtiću, generalno treba ojačati na, na poboljšanju svijesti građana o uključivanju u sportske aktivnosti a naročito kod djece mlađeg školskog uzrasta. Zašto su bitne ove fundamentalne motoričke sposobnosti to znaju kolege koje se bave s ovim. Bitne su kasnije zbog ovih tzv. specijaliziranih vještina koji se odnose na različite sportove itd. itd.

Ovdje šta sam vidio da nedostaje. Nije obrađeno, al mislim da može biti veoma bitno, a to je da: Mi smo prije u školama imali nešto što se zvalo procjena morfoloških karakteristika djece i mislim da ovdje sastavni dio treba da bude i procjena morfoloških karakteristika kako bismo mi mogli da pratimo rast i razvoj djece. Ovdje prije svega mislim na visinu i težinu, odnosno računanja indeksa tjelesne mase i kožnih nabora kod djece predškolskog uzrasta. Zašto? Zato što sve veći broj djece igra igrice, bude na društvenim mrežama, sve se više unosi šećera i možemo da dobijemo jednu generaciju gojaznih mladih osoba, što ne bi trebalo da bude. Dakle, generalno sam ja mišljenja ne samo u vrtiću, nego kasnije i u osnovnoj školi, treba da postoji ti tzv. antropološke ili morfološke karakteristike djece kako bismo mi pratili njihov rast i razvoj longitudinalno.

Takođe, i ono bi predložio, jel mislim da bi moglo da bude sastavni dio ovog Godišnjeg plana i programa, dakle, obavezno da se rade, procjenjuju morfološke karakteristike djece. Nemora to da bude svih 39 ovih mjera koje se inače rade po Internacionalnom biološkom programu. Mogu to da budu indeks tjelesne mase što se...(NATAŠA PERIĆ – Izvinite jel ovo zaključak?) Prijedlog, prijedlog zaključka. Dakle, da u sklopu ove škole se urade procjene i morfološke karakteristike djece. I onda jedan termin koji ovdje ne dostaje, a neću reći da je, da se, možda se zaboravila a to je termin tzv. adaptirana tjelesna aktivnost. Šta znači adaptirana tjelesna aktivnost? To znači da mi imamo djecu sa poteškoćama u razvoju u vrtićima, a adaptirana tjelesna aktivnost u stvari znači da se modificiraju one aktivnosti koje će biti prilagođene i za djecu sa invaliditetom ili za djecu sa poteškoćama u razvoju, pa možda i to da bude jedan od zaključaka dakle, da u sklopu ove škole sporta i budu i adaptirane tjelesne aktivnosti zato što mi imamo u „Našem djetetu“ jel tako da imaju djeca i sa invaliditetom sa teškoćama u razvoju, poteškoćama međutim, oni neće moći raditi ovaj možda standardni program škole, ali će se moći raditi na adaptiranoj tjelesnoj aktivnosti. I ne treba novih zaposlenih zato što ja znam da dole ima...Prije su se zvali defektolozi. Defektolog somatoped koji se bavi ovim stvarima, tako da možda samo da se to ugradi u ovaj aktuelni Godišnji plan

i program škole, da mi ne zane-marimo s ovim populaciju djece sa teškoćama u razvoju. Et. Hvala ljepo.

### **NATAŠA PERIĆ**

Hvala kolega Mehmedinoviću. Sljedeći za riječ se...(NEDŽAD JUSIĆ – Odustajem.)  
Odustajete vi.

Da li se još neko javlja ispred klubova vijećnika?

Zatvaram raspravu klubova vijećnika.

Otvaram raspravu vijećnika. Vijećnik Omer Berbić. Izvolite.

### **OMER BERBIĆ**

Ja neću ništa, ovaj, se miješat u posao struke. Ljudi su ovdje rekli puno više i puno bolje nego što bi ja znao da kažem. Želio bi samo da kažem da je naša ovdje neka vrsta odgovornosti i obaveze da napravimo toj djeci i uslove gdje će, ovaj, gdje će se to na neki način održavati, gdje, gdje djeca mogu raditi fizičke aktivnosti. I u tom, u tom smislu volio bi evo jednu vrstu prijedloga. Možda čak i zaključka, da nadležna Služba vidi da li može na zelenoj površini ispred predškolske ustanove „Kolibri“ u gusto naseljenom gradskom naselju Stupine u zgradi B 7 napraviti jedno ograđeno manje dječije igralište. Trenutno se ta djeca igraju na jednoj betonskoj plohi koja je ograđena možda nekih dvadeset, trideset kvadrata, četrdeset, nije uslovno. Mislim da bi evo i ove vrste ovakvih aktivnosti mogle da se obavljaju na, prvenstveno na zelenoj površini jer je, jer je puno adekvatnije. Eto toliko od mene. (NATAŠA PERIĆ – U redu.) Hvala ljepo.

### **NATAŠA PERIĆ**

U redu. Hvala kolega Berbiću. Vijećnica Merima Softić Sprečić se javila. Izvolite.

### **MERIMA SOFTIĆ SPREČIĆ – vijećnik Socijaldemokratske partije**

Pozdravljam sve prisutne. Evo moj kolega Elvir Bijedić je rekao, ovaj, ono o čemu smo ja i on najviše razgovarali. Zaista evo mogu da istaknem jednu činjenicu da radim takođe sa tim uzrastom jako dugo, ovaj, i i sa ovom najmlađom populacijom, ali mogu i da poredim kakva su djeca i ona koja dolaze kasnije, koja su recimo početnici u sportu. Zaista jedan program koji po meni, ali nadam se da ćete se svi složiti treba da bude propisan od strane Pedagoškog zavoda kao obavezujući program u odgojno, u ovakvoj vrsti, u ovoj instituciji. Ja sad ne znam dal mi možemo predložiti zaključak prema Pedagoškom zavodu da on treba da propiše normu koju bi ispunila Javna ustanova obdanište „Naše dijete“ da ovaj program bude obavezujući, a obzirom da zaista svi znamo sa kojim poteškoćama se susreće-mo evo kao trener i kao ljudi iz struke koji rade kasnije, ovaj, na određenim tera...sa terapijama sa djecom kojoj je pomoć potrebna da isprave određene greške prilikom razvoja. Ovaj, motoričke sposobnosti to je rekao kolega Senad Mehmedinović u ovom uzrastu su naj-vажnije i toliko je dobro na vrijeme početi raditi sa djecom, približiti im sport, približiti, ovaj, te, tu vrstu vježbe zaista koja je toliko va-žna za neke dalje razvijanje same njegove motivacije za bavljenje sportom, a samim tim evo i preveniramo da taj razvoj bude na onom najboljem nivou na kojem mi želimo da bude. Pa evo samo takav jedan zaključak. A ne znam da li je Elvir u svom, ovaj, diskusiji to rekao da, da, da želi bit...da to bude obavezujuće? Koliko sam razumjela (vijećnik Elvir Bijedić govori bez uključenog mikrofona op.a.) Okej. Et to je. Toliko od mene. Hvala.

## **NATAŠA PERIĆ**

Hvala Merima. Sljedeći za riječ se javio vijećnik Elvir Bijedić. Neka se pripremi vijećnik Ćerim Rastoder.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem. Ma kratko samo. Prije svega ni-sam...Žao mi je nema kolege Jovanovića da mu kažem da nisam bio inspirisan. Dakle, ja sam imo potrebu da to kažem naravno i bez njega ovaj i vjerujem i ostale kolegice i kolege koji su uzeli učešće u diskusiji. Dakle, znamo i da je, i da je dakle, i mentalni razvoj uslovljen dakle, motoričkim razvojem i to je potpuno neodvojivi dio ovaj, cijele ove priče i dakle, niti trenutka ovaj, oko toga ne bi trebalo dvojiti kad je u pitanju...Pretpostavljam da je kolega Mehmedinović pričao o defektolozima. Ja kad sam pomenuo, ovaj, podršku Gradskog vijeća u smislu eventualnog izdvajanja sredstava za upošljavanje kadrova mislio sam prije svega na profesore tjelesnog koji bi to radili da ne bude samo zabune, ovaj, zato što je ovo zaista jedan program koji mislim da, da, ovaj, bi trebao da se provodi, ovaj, u malo dužem vremenskom periodu nego što je to 45 minuta, ovaj, sedmično. Zaista mislim da bi to...I ovo je sjajna priča. Ne moramo mi odmah napraviti stopostotni pogodak, ali recimo da smo u povoju i da ovo i da ovo ovaj, zajedno, zajedno gradimo dalje. Dakle, mislim da, da nema dileme da ovaj, i ovo što je kolegica Merima Softić pomenula dakle, da ovaj, uputimo pitanje da li je to samo princip dobrovoljnosti ili zaista možemo da bude kako kako bi reko obavezujući pro...Još jedna je stvar vrlo bitna. Dakle, radi se o školi sporta u predškolu...Nemaju nažalost svi roditelji mogućnost da finansi...isfinansiraju svoju djecu kroz privatne škole sporta van vrtića. Dakle, ovo je jedna sjajna stvar za sve građane i građanke ovoga grada čija djeca idu u predškolski odgoj a koji je obavezan jel od 4 do 6 godina, odnosno ne znam od 6 godina. Dakle, ovaj, pohađat će školu sporta i tu se dosta stvari osim, dakle, unapređenjem motorike o kojima pričamo cijelo vrijeme ja-ko je bitno da se mogu detektovati razvojni deformiteti u smislu sistema za kretanje i izostanaka nekih motoričkih sposobnosti o kome govori i kolega Mehmedinović. Hvala.

## **NATAŠA PERIĆ**

Hvala. Javit ćete se za diskusiju. Sljedeći za riječ se javio vijećnik Ćerim Rastoder. Neka se pripremi vijećnik Alen Kapidžić. Izvolite.

## **ĆERIM RASTODER**

Zahvaljujem se. Ja ću zaista biti kratak. Drago mi je što raspravljamo o ovoj tačci dnevnog reda i samo bih se nadovezo na diskusiju, odnosno možda i na prijedlog zaključka kolegice Merime. Dobro bi bilo da to Pedagoški zavod standardizuje i da se obuhvate i privatna obdaništa, jer mi na ovaj način rješavamo samo ovdje, nego da to bude standard za svu djecu koja pohađaju ovo. To je to. (NATAŠA PERIĆ – Dobro, dobro, dobro, nemojte...) Znači, da se tamo zaključak samo da se dopuni i da to bude ovo sve. (NATAŠA PERIĆ – Dopuna zaključka. Dobro.) Hvala.

## **NATAŠA PERIĆ**

(vijećnik Esana Kavazbašić Huskanović govori bez uključenog mikrofona op.a.) Samo malo. Evo do...Kad dobijete riječ. Ne možete ovako ovaj...(vijećnik Esana Kavazbašić Huskanović govori bez uključenog mikrofona op.a.) Molim? Evo Alen. Kolega Kapidžić je džentlmen pa prepušta Esani.

## **ESANA KAVAZBAŠIĆ HUSKANOVIĆ**

(vijećnik Esana Kavazbašić Huskanović govori bez uključenog mikrofona op.a.) (NATAŠA PERIĆ – Samo mikrofoni.) Ja. Obzirom da su ovdje većinom obuhvaćena djeca koja idu u Javnu ustanovu „Naše dijete“. Međutim, Javna ustanova „Naše dijete“ ima onaj predškolski program koji traje tri, četiri mjeseca koji obuhvaća svu djecu. U osnovnim školama se to održava. Znači, idu djeca od 6 godina i taj program traje znači, 4 godine i dolaze učiteljice znači, iz ovaj, javne ustanove i drže nastavu. E da li će...Ali ta djeca (NATAŠA PERIĆ – Nemojte dobacivat.) u tu predškolsku, onaj, tu predškolsku nastavu idu djeca koja nisu išla u vrtić. E da li će u sklopu ove škole sporta možda i ta djeca imat mogućnost da imaju bar jednom sedmično u sklopu nastave mogućnost za nešto takvo? (NATAŠA PERIĆ – Pa dobro. Evo ne znam da li može kasnije ispred Službe odgovorit.) Jer to u sastavu javna usta...Ja. (NATAŠA PERIĆ – Može evo ispred Službe će al evo na kraju da završimo diskusiju.) E super. E izvinite molim vas. (NATAŠA PERIĆ – Ništa, ništa, sve je okej.) Et hvala vam.

## **NATAŠA PERIĆ**

Kolega Kapidžić izvolite.

## **ALEN KAPIDŽIĆ**

Hvala predsjedavajuća. Pa vrlo ozbiljna tema i ponukan sam evo ja ću reći diskusijom, onaj, svih kolega koji su se javljali, ovaj, u vezi ove tačke dnevnog reda ovaj, i ajde sad da kažem ovdje je Plan i program rada Javne ustanove „Naše dijete“. Znači, ja objeručke prihvatam prijedlog evo kolege Ćerima da to bude i za privatna obdaništa. Al vidite morate vodit računa da to onda ne može ovaj čovjek radit iz javne ustanova. Ja znam koliko ovaj čovjek, ovaj i ovaj profesor, on je samnom studiro i znam koliko je ozbiljan i koliko on u stvari radi dole sa djecom što se tiče ovog, ovog dijela jel, al da je jedini dole zaposlen jeste. Ja objeručke prihvatam i to da treba i prijedlog Elvira da treba ljude zaposlit druge, jer ovo je ozbiljno pitanje ako će biti obuhvaćena sva djeca. Znači, ja ću vam samo reći jednu stvar da smo mi nekad 2019. godine, tu je bio uključen i kolega Elvir, radili jedan projekat gdje smo testirali djecu od četvrtog do...od prvog do četvrtog razreda osnovne škole u svim školama na području grada Tuzle. Čak smo jedne prilike, čini mi se prije dvije godine na Vijeću nešto raspravljali oko programa za sport, mlade, bila je neka diskusija i iz tog projekta koji je proveden, čini mi se na oko 3000 učenika i učenica testirani su recimo neki testovi za, za bazično motoričke sposobnosti, ima tu i repetitivne snage i brzine i eksplozivne snage i rađen je i Body Mass Index i testovi za procjenu kvalitete pokreta zašto je u suštini bio i zadužen kolega Elvir, jer je to njegov fah. Da vam kažem, došli smo mi do frapantnih podataka. Čak smo tad prije dvije, tri godine kad smo raspravljali o tom programu za mlade da-li mogućnost da dostavimo te podatke, jer su podaci sistematizovani u stvari u jednu knjigu, a nažalost svega toga niko nas nikad nije ni pi-tao šta vi mislite il imatel podatke od tog programa, a ja mislim...u stvari od tog istraživanja da bi se ti podaci mogli iskoristiti i za ovaj program. Znači, recimo imate...Ovo što sad spominjemo da treba testirat djecu Body Mass Index četiri do šest godina mislim da kad

uzmete...a vodeći se ovim što smo mi provodili, ovaj, to su mala djeca na kojim na tom uzorku ispitanika kad kažemo ta djeca od četiri do šest godina vrlo mali je broj istraživanja što se tiče recimo Body Mass Indexa. Nemate tih podataka kad, kad radite ovaj...Evo mi smo imali priliku da radimo to istraživanje. Vrlo malo je podataka. Al recimo što kolega Mehmedović kaže, ne znaju djeca da skoče, jel mi smo unutar tog istraživanja došli da recimo čak...(NATAŠA PERIĆ – Mehmedinović.) Pardon Mehmedinović. Čak 80% djece ne mogu, ne znaju da urade ispravan čučanj. Znači, što se tiče recimo jednog testa, kad smo formirali to istraživanje il testove koje smo birali za istraživanje, uzeli smo jedan test koji se zove izdržaj u zgibu. Kroz sva istraživanja dosadašnja smo došli do podataka da se u stvari taj test koristi i na djeci tog uzrasnog perioda od prvog do četvrtog razreda, što znači u suštini da on nije pretežak vidite, a mi smo ga stavili u istraživanje i došli do podataka da čak 95% djece ne može nikako da izvede taj test. E sad mi ni-smo iskoristili te podatke, al vezano striktno za ovo, vidi, mi možemo dat, ja mislim da za ovaj program ozbiljniji. Program je dobar i stvarno svaka čast i pohvale za kolegu koji radi dole sa ovom djecom, Damira jel i za ovaj program. Al mislim da bi za potrebe ovog ako stvarno želimo da uključimo svu djecu, ovaj, trebali na neki način kroz Budžet il da to javna ustanova uradi da zaposli, jer on je ja mislim dole jedini od profesora tjelesnog odgoja koji dole radi. Al ako hoćete ozbiljan program da sprovedete, onda bi trebalo zaposliti još sigurno dva il tri profesora tjelesnog odgoja ako hoćete da to bude...Uz naravno ove sugestije i ostalih kolega. Al mislim da ovo sad proširivanja na privatna obdaništa. Ja jesam za to, al to je možda neka druga priča. Ovo je sad program samo Javne ustanove „Naše dijete“. I jesmo i za to da se i to riješi. Al to treba, to treba na neki drugi način riješiti van ovog, mislim van ovog. Hvala.

## **NATAŠA PERIĆ**

Dobro. Hvala Alene.

Zaključujem raspravu vijećnika.

Stavljam na izjašnjavanje **PRIJEDLOG DA GRADSKO VIJEĆE TUZLA DA POZITIVNO MIŠLJENJE O SPECIJALIZOVANOM RAZVOJNOM PROGRAMU ODGOJNO – OBRAZOVNOG RADA SA DJECOM UZRASTA OD 4 DO 6 GODINA POD NAZIVOM “GODIŠNJI PLAN I PROGRAM ŠKOLE SPORTA” KOJI JE IZRADILA JAVNA USTANOVA ZA PREDŠKOLSKI ODGOJ I OBRAZOVANJE “NAŠE DIJETE” TUZLA.** Molim vijećnike da se izjasne. Glasanje je okončano.

Konstatujem da je **PRIJEDLOG I MIŠLJENJE O SPECIJALIZOVANOM RAZVOJNOM PROGRAMU ODGOJNO – OBRAZOVNOG RADA SA DJECOM UZRASTA OD 4 DO 6 GODINA** usvojen sa,

19 glasova, nije bilo protiv i nije bilo suzdržanih.

Zamoliti ću sekretara da pročita zaključke.

## **SLAĐANA KRAJINA – sekretar Gradskog vijeća Tuzla**

Evo ja ću samo zamolit da, da malo ih korigujemo kako budem čitala ne znam jesam uspjela sve.

1. Gradsko vijeće Tuzla sugerirše menadžmentu Javne ustanove za predškolski odgoj i obrazovanje “Naše dijete” Tuzla da se, kada je u pitanju specijalizovani razvojni program odgojno – obrazovnog rada sa djecom uzrasta od 4 do 6 godina pod nazivom “godišnji plan i program škole sporta” uključi što veći broj djece, imajući u vidu dugoročne posljedice tjelesne neaktivnosti djece.

2. Gradsko vijeće Tuzla sugeriše menadžmentu Javne ustanove za predškolski odgoj i obrazovanje “Naše dijete” Tuzla da se u narednom periodu razmotri mogućnost prijema još jednog ili dva uposlenika koji će provoditi ovaj specijalizovani razvojni program škole sporta.

3. Gradsko vijeće Tuzla sugeriše osobama koje će provoditi ovaj program da se bilo kakva odstupanja u razvoju djece kada je u pitanju motorički razvoj ili prekomjerna težina djeteta, u saradnji sa roditeljima, alarmiraju kao i da se ostvari saradnja Ustanove sa Javno zdravstveno nastavnom ustanovom Dom zdravlja Tuzla u cilju pravovremenog reagovanja i sprečavanja eventualnih posljedica.

4. Gradsko vijeće Tuzla sugeriše menadžmentu Javne zdravstveno nastavne ustanove Dom zdravlja “Dr. Mustafa Šehović” Tuzla da se razmotri mogućnost skrininga motoričnog razvoja, motoričkog razvoja djece predškolskog i školskog uzrasta koji će provoditi predškolski i školski dispanzer Doma zdravlja Tuzla.

5. Gradsko vijeće Tuzla sugeriše menadžmentu Javne ustanove za predškolski odgoj i obrazovanje “Naše dijete” Tuzla da se specijalizovani razvojni program škole sporta u narednom periodu nastavi nadograđivati.

6. Gradsko vijeće Tuzla sugeriše menadžmentu Javne ustanove za predškolski odgoj i obrazovanje “Naše dijete” Tuzla da se, u sklopu ovog programa vrši i procjena morfoloških karakteristika u cilju praćenja rasta i razvoja djece predškolskog uzrasta.

7. Gradsko vijeće Tuzla sugeriše menadžmentu Javne ustanove za predškolski odgoj i obrazovanje “Naše dijete” Tuzla da se u narednom periodu u specijalizovani razvojni program škole sporta uvrsti i adaptirana tjelesna aktivnost u cilju modificiranja onih aktivnosti koje će biti prilagođene djeci sa invaliditetom i djeci sa poteškoćama u razvoju a koja neće moći biti uključena u ovaj specijalizovani razvojni program.

8. Gradsko vijeće Tuzla sugeriše Službi za komunalne poslove, izgradnju i poslove mjesnih zajednica da se razmotri mogućnost da se na zelenoj površini pored vrtića “Kolibri” napravi manje dječje igralište.

9. Gradsko vijeće Tuzla sugeriše Pedagoškom zavodu Tuzlanskog kantona da se razmotri mogućnost uvođenja obaveznosti provođenja i pohađanja specijalizovanog razvojnog programa škole sporta kao i da se razmotri mogućnost standardizacije programa u cilju proširenja specijalizovanog razvojnog programa škole sporta na svu djecu, uključujući i djecu koja idu u privatne predškolske ustanove. (NATAŠA PERIĆ – Nema rasprave.)

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Rekla mi je. Rekla mi je Slađa da mogu samo da dopunimo je li tako? (SLAĐANA KRAJINA - Može naravno.) Molim vas samo ako može, ovaj, mislim da je drugi zaključak? (SLAĐANA KRAJINA - Može, može.) Dakle, kad je u pitanju prijem, ovaj, uposlenika. (SLAĐANA KRAJINA - Dobro.) Znači, iz razloga kako bi se, kako bi se, kako bi se povećao broj sati sprovođenja ovog programa (SLAĐANA KRAJINA – Aha.) i što kvalitetnije sprovodio zacrtani program. Znači, to je obrazloženje zašto bismo...Zašto tražim...(ALEN KAPIDŽIĆ – Al tu se treba napisat profesor tjelesnog odgoja a ne uposlenici.) (SLAĐANA KRAJINA - Aha.) Ja, profesor tjelesnog odgoja. (SLAĐANA KRAJINA - Jednog ili dva profesora tjelesnog.) Tako. (NATAŠA PERIĆ – Uključi samo.) Evo, evo.

**ALEN KAPIDŽIĆ**

Može. Hvala. Evo ja ću samo tu taj, taj dio znači, da ide profesor tjelesnog odgoja. I u jednom zaključku ste pročitali ovo što je Esana predložila. Mislim da motorički skrining,

mislim da, da Esana čak nije ni mislila na to. Znači, motorički skrining nije, nije nadle...nešto što je nadležnost Doma zdravlja. Možda, možda skrining tjelesnih deformiteta i to je okej al, al motorički skrining se radi...Ovdje čak i u ovom programu u zadaćama piše jedan dio ovdje gdje kaže: Individualno pratiti djetetova postignuća u tjelesnom razvoju i sposobnostima. U stvari je to dijagnostika. To bi trebalo da predstavlja dijagnostiku uz praćenje antropometrijskih karakteristika motoričkih sposobnosti itd. Ali, ali...

**NATAŠA PERIĆ**

De samo šta treba konkretno. (Slađana Krajina govori bez uključenog mikrofona op.a.) Ja hajde sad. De mikrofoni vi. (SLAĐANA KRAJINA – Samo da nađem taj.) Nađite taj zaključak i nek Alen koriguje (SLAĐANA KRAJINA – Može.) gdje je ovo doktor...Gdje je jel motorički skrining?

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla sugeriše menadžmentu Javne zdravstveno nastavne ustanove Dom zdravlja „doktor Mustafa Šehović“ da se razmotri mogućnost (ALEN KAPIDŽIĆ – Tu nije motorički skrining nego, nego) Samo skrining jel? (ALEN KAPIDŽIĆ- Pa skrining tjelesnih deformiteta.) (ELVIR BIJEDIĆ – Tjelesnih deformiteta.) Aha. (ELVIR BIJEDIĆ - Pa nek stoji i motorički. Mislim samo da ga dopunimo ovim pa ćemo...Mislim ako je moguće?)

Kako? Skrining motoričkog razvoja, odnosno (ELVIR BIJEDIĆ – Odnosno skrining tjelesnih deformiteta.) (ALEN KAPIDŽIĆ - Ja bi samo izbacio recimo u suštini taj motorički skrining zato što je motorički skrining i ovdje u zadaćama programa vjerovatno se podrazumjeva pod ovom tačkom individualno pratiti djetetova postignuća u tjelesnom razvoju i sposobnosti.) Dobro, dobro. (ALEN KAPIDŽIĆ - Znači, samo da bude skrining. Ako se kolegica Esana slaže?) Pa ja to je njen zaključak pošto, onaj...Jel se slaže?

Znači, mogućnost skrininga tjelesnih deformiteta djece predškolskog i školskog uzrasta koji će provoditi...Dobro. Jel ima još? (NATAŠA PERIĆ – Nema. Jel ima?) Pa nema to, to je zaključak. (ELVIR BIJEDIĆ – To je. Samo ovo. Jeste.)

**NATAŠA PERIĆ**

Dobro. Stavljam na izjašnjavanje pročitane zaključke. Glasanje je okončano. Konstatujem da su pročitani zaključci usvojeni sa, 21 glas za, nije bilo protiv i nije bilo suzdržanih. Pauza 5 minuta. (Pauza.)

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Pozivam kolegice i kolege vijećnice i vijećnike da uđu u salu.

Molim kolegice i kolege da uđu u salu da nastavimo sa sjednicom.

Prelazimo na jedanaestu tačku Dnevnoga reda:

**RAZMATRANJE INFORMACIJE O AKTUELNIM PITANJIMA U OBLASTI  
BORAČKO INVALIDSKE ZAŠTITE I REALIZACIJI PRAVA PRIPADNIKA  
BORAČKE POPULACIJE**

**POD b) RAZMATRANJE I USVAJANJE PRAVILNIKA O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BORAČKE POPULACIJE SA PODRUČJA GRADA TUZLE**

Predlagач je gradonačelnik Grada Tuzle.

Obrađivač: Služba za boračko-invalidsku zaštitu, stambene poslove i integraciju raseljenih lica a materijal su razmatrali: Komisija za statutarna pitanja i propise (pod b), Komisija za ekonomske odnose (pod a) i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji komisija? (Nema.)

Otvaram raspravu klubova vijećnika. Zatvaram...Izvinjavam se. Gospodin Jusić. Izvolite.

**NEDŽAD JUSIĆ**

E hvala. Ja ću pokušat bit što kraći. Samo bi možda prije nego ovaj, mog postavljenog pitanja zamolio predstavnika Službe za poštivanje vijećnika i za odnos taj da bude ovaj, korektniji, jer gledao sam snimak sa prošle sjednice Gradskog vijeća. Pomoćnica gradonačelnika Službe za boračko-invalidsku zaštitu, stambene poslove i integraciju raseljenih lica na moje pitanje...Pa i nije htjela da odgovori, nego odgovorila je na pola puta od govornice ka svom mjestu, pa se nadam da se to neće ponoviti u nekom narednom periodu i zbog toga ovaj, tražim samo korektnost i poštivanje spram svih vijećnika. Na prošloj sjednici je se meni to desilo, može na narednoj Mensuru, na svakoj narednoj može se netkom drugom desiti i ja sam siguran u tome da je to možda iz nekog razloga. Šta je? Ne bih sada ulazio u tome.

I sada se vraćam na tačku dnevnoga reda a to je: INFORMACIJA O AKTUELNIM PITANJIMA U OBLASTI BORAČKO INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE. Informacija izuzetno dobro urađena i kvalitetna. Ima dosta informacija i ne bi ništa. Nemam ja šta govorit o ovoj informaciji to je urađeno ono što jeste i za svaku je pohvalu ova Informacija.

Nego ja bi samo postavio jedno pitanje i da mi se konkretno odgovori. S obzirom, pošto imamo ovdje u ovoj Informaciji pomoć u rješavanju stambenog pitanja za boračku populaciju i dobro je što Grad Tuzla i drugi nivoi vlasti misle o tome vezano za stambeno zbrinjavanje boračke populacije i trebamo maksimum svi dati da se ta kategorija stambeno obezbijedi, ali ne da se i zloupotrebljava i moj kon-kretno pitanje jeste. Tačno je da raspravljamo ovu Informaciju vezano danas, al moje pitanje se odnosi i obuhvta period od dodjele socijalnih stanova koji su urađeni u Miladijama i Solini, socijalni stanovi. Od tada pa evo do ove godine u kontinuitetu je ministarstvo ili neki drugi nivo vlasti dodjeljivalo finansijska sredstva za stambeno zbrinjavanje ove kategorije za rješavanje stambenog pitanja. Jedan od uslova je bio da ta osoba mora imat rješeno imovinsko-pravne odnose da bi dobio, da bi dobila finansijska sredstva. Ja barem tako mislim, a mislim da sam u pravu. Možda i nije tačna informacija koju ja imam, da određeni broj osoba koji su dobijala finansijska sredstva za rješavanja stambenog pitanja svojih objekata, kuća, stanova ili nešto drugo od Kantonalnog ministarstva za boračka pitanja ili drugo preko Službe za boračka pitanja, koja je upoznata Služba za boračka pitanja Grada Tuzle a da ta ista lica su u međuvremenu dobijala il su dobila socijalni stan. Da li je to moguće? U stvari jedan od uslova između ostalog da bi neko koristio socijalni stan da nema riješeno stambeno pitanje. Možda ja imam i pogrešne informacije, al evo već tri godine ja tražim to i sa zaključkom Gradskog vijeća da nam se dostavi već jednom zvanična informacija. Imamo 156 korisnika više kolko imamo ovih socijalnih stanova, članovi porodica, od tih porodica koji koriste socijalni stan nisu koristila nikakva sredstva za rješavanje stambenog pitanja od drugih nivoa vlasti i tačka i da završimo tu priču. Ja ne znam zbog čega se vodi ovolika rasprava i ja



zašto u stvari ovoliko sve tražim, neko prosto pita...prost odgovor samo da mi se odgovori da li su osobe korisnici trenutnih socijalnih stanova do-bijala finansijska sredstva od drugih nivoa vlasti za rješavanje stambenog pitanja? Et to je. I molim da mi se to odgovori da li ima, da li imaju informaciju tu? Ukoliko nemaju informaciju ja bi ponovo predložio jedan zaključak. Da nam se u što kraćem roku dostavi ta informacija, Gradskom vijeću. Znači, lica koja koriste trenutno socijalne stanove koji su dobili da li su ko-ristila finansijska sredstva od drugih nivoa vlasti, a Služba ima saznanja za rješavanje svog stambenog pitanja? Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Hvala kolega Jusiću. Dakle, predlažem ukoliko hoćete da vam to dostavi Služba pismeno, odnosno ne samo vama nego svim vijećnicima. (NEDŽAD JUSIĆ - Znači, prvo da odgovori dal imaju informaciju.) Okej. Hvala. Razumjeli smo. (NEDŽAD JUSIĆ – Ako nemaju onda u pisanoj formi da bi se dostavi svima.) Hvala kolega Jusiću.

Zatvaramo diskusiju klubova vijećnika.

Otvaramo diskusiju vijećnika. Izvolite kolega Berbiću.

**OMER BERBIĆ**

Ja ću isto tako vrlo kratko a neću se referirati na sam Pravilnik nego na činjenicu da evo mi opet idemo u, u to da CIPS potvrde trebamo dodjeljivati. Isto tako se na jednoj prethodnoj odluci isto definisalo gdje ja nisam bio prisutan pa se piše ovaj, da treba PBA jedan obrazac iz MUP-a itd. Ovdje sada piše pribavljam po službenoj dužnosti CIPS prijave prebivališta na, za podnosiocima zahtjeva itd. Ja sam imao sastanak sa gradonačelnikom Lugavićem i Almirom Badnjevićem direktorom IDDDEEA-e, Grad Tuzla će ići, bit prvi u Federaciji koji će ukinuti CIPS potvrde. A volio bi da ovdje izglasamo eventualno jedan zaključak za Službu da nam se pripremi neki dokument kada dođe do toga da mi imamo tehničke uslove za ukidanje fizičke CIPS potvrde da Služba napravi prijedlog kako ćemo mi, evo iz ovih svih Pravilnika izbrisati...kako ćemo redefinisati Pravilnike kako bi bili u skladu sa, sa tim dijelovima. Jer kada se ukine fizička CIPS potvrda onda ljudi više neće morat na konkurse Grada Tuzla i Službi nositi fizičku CIPS potvrdu Grad, nego će Grad sam automatski dobijati te CIPS potvrde. Ne znam da li ste me shvatili?

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Razumjeli smo, samo evo kolegica, sekretar Gradskog vijeća.

**SLAĐANA KRAJINA – sekretar Gradskog vijeća Tuzla**

Odmah će se, odmah će se izmjeniti Pravilnici. (OMER BERBIĆ – Automatski?) Ja. Mi, mislim spremni smo za to. (OMER BERBIĆ – Okej. Hvala ljepo. Ništa. Odustajemo dakle.)

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem kolega Berbiću. Sljedeći za riječ se javio kolega Hasib Hirkić. Izvolite.

**HASIB HIRKIĆ**

Zahvaljujem. Pa kada je u pitanju znači, populac...boračka populacija ljudi koji su najzaslužniji znači, za svaki dio ove zemlje, ja mislim da oni trebaju sa svi-h nivoa da povlače sredstva i da ne treba uopš-te u to ulaziti u raspravu ko je šta dobio i koliko je dobio. Treba da dobije sve od države što može. Oni su branili grad i kanton i državu i oslobodili mjesta svi-m političarima, oslobodili mjesta svim onima koji su pobjegli iz ove države, omogućili im danas da šetaju i da danas oni sprovode zakone nad takvim ljudima koji su obespravljani totalno. Definitivno znači, o boračkoj populaciji o njima ne treba pričati, ali o boračkoj populaciji koja je stva-rno bila u ratu, koja je branila ovu državu, a ne oni koji su danas, koji danas imaju nekakva rešenja i vode se borcima a bili su na zapadu tamo. Puno je takvih. Jedinstveni registar boraca ja mislim, moje mišljenje da ni on nije urađen onako kako treba da ih ima još. Ima se još šta pretresati. I onim pravim borcima, svaki dan in je sve manje i manje. Svaki dan su u većem problemu. Zna li vi koliko demobilisanih boraca ima koji nemaju nikakva primanja a školuju djecu, plaćaju kirije, trebaju da žive? Od čega? Kako? Ko treba da im pomogne? Trebamo sad proganjati jednog ili dvojicu ljudi ili petoricu, deseticu koji su nešto dobili i trebaju da uzmu od države. Država ništa ne zaslužuje u odnosu na borca. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem kolegi Hirkiću.

S obzirom da nemamo više prijavljenih za diskusiju zaključujem raspravu vijećnika i pozivam gospođu Milenu Petković ispred Službe za boračko-invalidsku zaštitu, stambene poslove i integraciju raseljenih lica da odgovori na pitanja proistekla iz rasprave.

**MILENA PETKOVIĆ - ispred Službe za boračko-invalidsku zaštitu,  
stambene poslove i integraciju raseljenih lica**

Poštovanje svima. Pozdravljam sve prisutne. Želim samo ukratko da kažem, da što se tiče vašeg pitanja gospodine, ova Informacija se odnosila na korisnike boračko-invalidske zaštite i konkretno na rad Odjeljenja za boračko-invalidsku zaštitu za koje sam ja zadužena. Znači, što se tiče drugog dijela pitanja mi ćemo u pismenoj formi dostaviti odgovore u najkraćem roku.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem. Zahvaljujem gospođi Petković.

Konstatujem da je Gradsko vijeće Grada Tuzla primilo k znanju INFORMACIJU O AKTUELNIM PITANJIMA U OBLASTI BORAČKO INVALIDSKE ZAŠTITE I REALIZACIJI PRAVA PRIPADNIKA BORAČKE POPULACIJE.

A sada stavljam na izjašnjavanje PRAVILNIK O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BORAČKE POPULACIJE SA PODRUČJA GRADA TUZLE, pa molim vijećnike i vijećnice da se izjasne. Glasanje je okončano.

Konstatujem da je PRAVILNIK O KRITERIJIMA I POSTUPKU ZA ODOBRAVANJE JEDNOKRATNE POMOĆI PRIPADNICIMA BORAČKE POPULACIJE SA PODRUČJA GRADA TUZLE usvojeno sa,  
22 glasa za, nije bilo protiv i nije bilo suzdržanih.

Molim sekretara Gradskog vijeća da pročita zaključke. (vijećnik Nedžad Jusić govori bez uključenog mikrofona op.a.)

(SLAĐANA KRAJINA – Znači, dostavit će? Dobro. Dobro.) Odlično. Okej. Zahvaljujemo. Dostavit će se znači, pismeno.

Sada prelazimo na dvanaestu tačku Dnevnog reda:

### **RAZMATRANJE INFORMACIJE O OPREMLJENOSTI SLUŽBI ZAŠTITE I SPAŠAVANJA GRADA TUZLE**

Predlagač: gradonačelnik Grada Tuzle.

Obrađivač: Služba civilne zaštite.

Materijal su razmatrali: klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija? (Nema.)

Otvaram raspravu klubova vijećnika. Za riječ se javio kolega Zoran Jovanović. Izvolite.

#### **ZORAN JOVANOVIĆ**

Zahvaljujem predsjedavajući sad trenutno u ovom momentu. Osjećam potrebu da malo prodiskutujem o ovoj Informaciji prvenstveno iz poštovanja ljudi koji rade u ovoj Službi. Ovo je jedan...Pošto je ovo moj fah, nekako sam blizu, blizak ovome. Jedan materijal za pohvalu sa svim podacima koji treba da budu u ovakvom, u ovakvoj Informaciji i ovo, ovakav materijal nam uliva nekako sigurnost da možemo mirno spavat. Zašto? Pa zato što su nam vrlo često, pogotovo promjena klime, evo svjedoci smo klimatskih promjena naglih, prirodnih nepogoda i kad imate ovakvu Službu jednu u gradu onda se možete osjećati sigurno i bezbjedno. A to su i pokazali kroz intervencije u ovoj godini za vrijeme onih obilnih padavina. Znači, Grad Tuzla je uradio jedan dobar posao što se tiče opremanja Službi civilne zaštite. Ja kažem Grad Tuzla pošto je Služba civilne zaštite sastavni dio organa Grada Tuzle i sve pohvale, pogotovo kad se uzme u obzir investiranje u strukture Civilne zaštite u Gradu Tuzla od 2007. do 2023., zaključno sa dvadesettrećom godinom preko 6 miliona i 600 hiljada konvertibilnih maraka je uloženo u opremanje struktura Civilne zaštite što je rijetkost u, u cijeloj Bosni i Hercegovini da je ovoliko novca uloženo. Evo čestitam još jednom zaposlenicima u Službi civilne zaštite Grada Tuzla na ovako detaljnoj Informaciji. I ja ću je koristiti u narednom periodu u okviru svog posla i da nastavi u tom tempu i hvala još jednom.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem. Zatvaram raspravu klubova vijećnika.

Otvaram raspravu vijećnika. Vijećnik Ćerim Rastoder. Izvolite.

## **ĆERIM RASTODER**

Zahvaljujem dopredsjedavajući. I ja ću vrlo kratko. Ja sam već i kroz prvu tačku kad smo diskutovali o Budžetu pohvalio činjenicu da se za Civilnu zaštitu izdvaja puno više sredstava i to nam je vrlo važno. Ne bih puno ovaj, ulazio u diskusiju. Dalje, vidim da je ovaj Izvještaj jako dobar, sveobuhvatan i vidim da se radi i sistemski. Tu im i čestitam, naravno i komandantu Štaba i šefici Službe i Seji i svim ostalim koji rade na tome i kao i ostalim znači, ovim strukturama koje ulaže u Štab civilne zaštite i mislim da svaki, svaku makru konvertibilnu koju uloži u ove preventivne aktivnosti ona je opravdana, jer bolje je ono što se kaže spriječiti nego liječiti i mislim da mi smo i ove godine a evo i sljedeće godine ćemo ići dalje na, na opremanju ovih jedinica. Vidim da se vrši i edukacija i sa međunarodnim faktorima i da ova Služba zaista, zaista onaj, ostvaruje svoju osnovnu zadaću i, i misao zašto i misiju zašto i postoji. Eto toliko kratko. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem vijećniku Ćerimu Rastoderu. S obzirom da nema više prijavljenih.

Zaključujem raspravu vijećnika i konstatujem da je Gradsko vijeće Tuzla primilo k znanju INFORMACIJU O OPREMLJENOSTI SLUŽBI ZAŠTITE I SPAŠAVANJA GRADA TUZLE.

Zaključaka nismo imali.

Prelazimo na trinestu tačku Dnevnoga reda.

## **RAZMATRANJE INFORMACIJE O PROVEDENIM HITNIM INTERVENTNIM MJERAMA NA SANACIJI KLIZIŠTA U 2023. GODINI**

Predlagач: gradonačelnik Grada Tuzle.

Obrađivač: Služba civilne zaštite a materijal su razmatrali: Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Gospodin Zoran Jovanović. Izvolite.

## **ZORAN JOVANOVIĆ**

Pa evo opet moram reći par riječi. Neću dugo. Ovaj, stručno urađena Informacija. Mislim da ovo nije posao...Tamo u Zakonu o zaštiti i spašavanju nadležna je druga, mislim drugi subjekti su nadležni za klizišta i za vodu u kantonu međutim, evo Civilna zaštita je uzela na sebe ovu obavezu. Moramo znati. Dobro je da ovo rade. Dobro je da imaju pregled potencijalnih klizišta, al grad Tuzla je najugrože-nija teritorija u pogledu mogućnosti klizišta u cijeloj Bosni i Hercegovini evo kao što je navedeno u ovoj Informaciji. Dobro je da to znaju i građani. Moramo malo apelovati i na građane da...jer jednim dijelom su i građani sami krivi za ova klizišta. Al evo drago mi je znači, da Grad Tuzla, što je jako bitno što kaže i Ćerim onaj,

prevencija. Ulaže se u prevenciju. Nažalost možda bi Grad Tuzla daleko više ulagao u prevenciju sanacije mogućih klizišta. Tamo nas i zakoni sputavaju da, da, da ulažemo u ove namjene. Ali evo opet jedna pohvala. I ovo, ovo je od velike važnosti za one koji se bave ovim poslom. Dokumentat jedan opširan, detaljan, stručan i zahvaljujem se evo Službi na ovoj Informaciji. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem. Zahvaljujem kolegi Jovanoviću.

S obzirom da smo iscrpili diskusiju vijećnika.

Konstatujem da je Gradsko vijeće Tuzla primilo k znanju INFORMACIJU O PROVEDENIM HITNIM INTERVENTNIM MJERAMA NA SANACIJI KLIZIŠTA U 2023. GODINI.

Prelazimo na tačku četrnaest:

#### **RAZMATRANJE IZVJEŠTAJA KOMISIJE ZA IZBOR I IMENOVANJA**

I KONSTATUJE SE DA NIJE BILO PRIJEDLOGA KOJI BI SE RAZMATRALI U OKVIRU OVE TAČKE DNEVNOG REDA.

Prelazimo na petnestu tačke Dnevnog reda:

#### **RAZMATRANJE POZIVA SKUPŠTINE TUZLANSKOG KANTONA ZA DOSTAVLJANJE PRIJEDLOGA ZA IZRADU PROGRAMA RADA SKUPŠTINE TUZLANSKOG KANTONA ZA 2024. GODINU**

Molim sekretara Gradskog vijeća samo da nam pročita informaciju. Izvolite.

#### **SLAĐANA KRAJINA – sekretar Gradskog vijeća Tuzla**

Evo ovako. Skupština Tuzlanskog kantona je u skladu sa svojim Poslovníkom dostavila poziv svim Gradskim i Općinskim vijećima u toku izrada Programa rada da do 22. 12. 2023. dostavi svoje prijedloge.

Mi smo dosad ovo, pošto je uvijek Vijeće bilo kasnije dostavljali svim političkim subjektima, ali je ovaj put je uvršten u dnevni red, jel imamo vremena za to.

Kolegij gradonačelnika je na svojoj posljednjoj sjednici zatražio od Gradskih službi da do decembarske Sjednice vijeća dostave Stručnoj službi svoje prijedloge materijala koje je potrebno uvrstiti u Program rada Skupštine Tuzlanskog kantona za 2024. godinu.

Mi smo dobili od Službe civilne zaštite, znate da je na prošloj sjednici Gradskog vijeća prilikom razmatranja one Informacije o korištenju, upravljanju i održavanju zajedničkih dijelova uređaja zgrade zatraženo od Službe civilne zaštite da pripremi one dvije inicijative za izmjenu, za donošenje zakona o izmjenama i dopunama Zakona o korištenju, upravljanju i održavanju zajedničkih dijelova i uređaja u zgradi i Zakona o inspekcijama Tuzlanskog kantona.

Služba civilne zaštite je do ove sjednice pripremila te inicijative, mi ćemo njih proslijediti Skupštini Tuzlanskog kantona, a isto ćemo i dostaviti prijedlog ispred Vijeća, naravno ako se slažete, da se i u Program rada Skupštine Tuzlanskog kantona za 2024. godinu

unesu ove dvije inicijative. Znači, da se donesu ove izmjene i jednog i drugog zakona, a naravno ako ste saglasni.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Da stavimo na glasanje.

**SLAĐANA KRAJINA – sekretar Gradskog vijeća Tuzla**

Zaključak na glasanje. Evo ja ću pročitati zaključak.

Znači, onda bi zaključak Vijeća bio:

- Gradsko vijeće Tuzla predlaže da se u Program rada Skupštine Tuzlanskog kantona za 2024. godinu uvrsti:

- donošenje zakona o izmjenama i dopunama Zakona o korištenju, upravljanju i održavanju zajedničkih dijelova i uređaja zgrade i

- donošenje zakona o izmjenama i dopunama Zakona o inspekcijama Tuzlanskog kantona.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Molim vas da se izjasnimo o prijedlogu zaključka. Glasanje je okončano.

Konstatujem da je pročitani zaključak dobio potrebnu većinu sa, 22 glasa za, nije bilo protiv i nije bilo suzdržanih.

Ja ću vas samo zamoliti za malo još strpljenja. Vrlo smo blizu kraju da ovu danas bitnu Sjednicu na kojoj smo usvojili Budžet privedemo dostojanstveno kraju. Zadnja nam je u ovoj godini. Samo kratko. Molim vas strpljenja još samo malo. Hvala.

Prelazimo na šesnestu tačku Dnevnog reda:

## **TEKUĆA PITANJA**

**Pod a) Obavještenje Službe za prostorno uređenje i zaštitu okoline, broj 06/20-19-Sl.516/2023 od 05. 12. 2023. godine, o razlozima prolomogiranja izrade Regulacionog plana stambeno poslovne zone „Kreka-jug” II sa pratećim odlukama i pod**

**b) Obavještenje Službe za boračko invalidsku zaštitu, stambene poslove i integraciju raseljenih lica, broj: 10-19-4933-2023 od 04. 12. 2023. godine o razlozima prolomogiranja izrade Informacije o upravljanju stambenim fondom.**

Obrađivači: Služba za prostorno uređenje i zaštitu okoline (pod a)

Služba za boračko invalidsku zaštitu, stambene poslove i integraciju raseljenih lica (pod

b)

Da li ima potrebe za uvodnim izlaganjem? (Nema.)

Otvaram ra...Da li ima potrebe da...

Otvaram raspravu klubova vijećnika. Nema.

Rasprava vijećnika. Okej.

Konstatujem da je Gradskog vijeće Tuzla primilo k znanju OBAVJEŠTENJE SLUŽBE ZA PROSTORNO UREĐENJE I ZAŠTITU OKOLINE, BROJ 06/20-19-SL.516/2023 OD 05. 12. 2023. GODINE, O RAZLOZIMA PROLONGIRANJA IZRADE REGULACIONOG PLANA STAMBENO POSLOVNE ZONE „KREKA-JUG” II SA PRATEĆIM ODLUKAMA I POD

B) OBAVJEŠTENJE SLUŽBE ZA BORAČKO INVALIDSKU ZAŠTITU, STAMBENE POSLOVE I INTEGRACIJU RASELJENIH LICA, BROJ: 10-19-4933-2023 OD 04. 12. 2023. GODINE O RAZLOZIMA PROLONGIRANJA IZRADE INFORMACIJE O UPRAVLJANJU STAMBENIM FONDOM.

Prelazimo na sedamnestu tačku Dnevnog reda:

## **VIJEĆNIČKA PITANJA I INICIJATIVE**

Okej VIJEĆNIČKA PITANJA

Vijećnici u Gradskom vijeću Tuzla Pejić Ana i Ibeljić Anel Klub SDP-a. (Prilažemo.) Prilažete.

Zoran Jovanović. (ZORAN JOVANOVIĆ – Prilažem dva.) Dva jeste.

I Nataša Perić urgencija Službi za komunalne poslove. Prilažete? (SLAĐANA KRAJINA – Ne, ne to je Lejla. Lejla Osmančević.)

(NATAŠA PERIĆ - Nije ja.) A izvinjavam se. Lejla Osmančević. (LEJLA OSMANČEVIĆ – Prilažem.) Prilažete. Okej. Hvala. (SLAĐANA KRAJINA – Jel ima još neko pitanja?)

Jel ima još neko pitanja? (SLAĐANA KRAJINA – A niste priložili. Jel imate napismeno?)

Ja vas samo molim da ono po dogovoru znači, do sutra da priložite ili meilom ili da dostavite. Okej. Izvolite. Izvolite Selma Čatibušić. Izvolite.

## **SELMA ČATIBUŠIĆ**

Jedno kratko vijećničko pitanje, al ujedno mogu reći da je i inicijativa. Priložit ću to svakako i pismeno. (ELVIR BIJEDIĆ - Molim vas za tišinu.) Imam samo nisam isprintala sad trenutno tako da se unaprijed izvinjavam.

Što se tiče vijećničkog pitanja zanima me:

Da li Grad Tuzla ima bilo kakav stav i saznanje o prokopavanju litijuma u Loparama konkretno?

U tom, u tom smijeru da li se planira?

A ako se ne planira evo prilažem inicijativu: Formiranje jedne stručne Komisije koja će izvršiti na neki način analizu tog problema šta se tu konkretno dešava (ELVIR BIJEDIĆ – Molim vas samo za malo tišine da kolegica pročita pitanje. Hvala.) Fino me isključiste.

Onaj, samo da vidimo šta se tu konkretno dešava, a znamo kakva je situacija bila u Srbiji i koliko je se narod digao protiv toga. Možda nismo dovoljno svjesni opasnosti koje, koju je realno ovaj, postoji i tako da et voljela bih da čujem stav Grada Tuzle oko toga. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem. Isključio sam vas zbog Stenograma da se bolje čuo pa sam zato ovaj...Okej.

Sljedeće vijećničko pitanje, vijećnik Omer Berbić. (OMER BERBIĆ – Priložit ću ja tri.) Zahvaljujem.

Nema više vijećničkih pitanja.

Prelazimo na VIJEĆNIČKE INICIJATIVE

Vijećnik Mensur Alić Tuzlanska alternativa. (Prilažem.) Hvala.  
Samostalni vijećnik Omer Delalić. Izvolite.

**OMER DELALIĆ – samostalni vijećnik**

Hvala. Inicijativa za sanaciju Konaka Mahmut bega Tuzlića.

Konak Mahmut bega Tuzlića je mjesto koje zauzima značajno mjesto u istoriji ne samo grada Tuzle nego i Bosne i Hercegovine. Na ovom mjestu je Husein-kapetan Gradašćević 5. februara 1832. godine imenovan za vođu pokreta za autonomiju. Obnovom i rekonstrukcijom ovog istorijski značajnog objekta u mnogom bi se poboljšala turistička ponuda grada Tuzle. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem.

Vijećnici Pejić, Ibeljić prilažete. Prilažete i ovu sljedeću jel tako? Okej.

Vijećnik Admir Hasanbašić. Prilaže. Okej. Dobro.

Vijećnička inicijativa, vijećnik Omer Berbić. (OMER BERBIĆ – Prilažem sve tri.) Sve tri inicijative. Zahvaljujem i...(NATAŠA PERIĆ – Selma ima. Ima Selma.)

Izvinjavam se. Selma Ćatibušić, vijećnička inicijativa. Izvolite.

**SELMA ĆATIBUŠIĆ**

Evo ovako. Po uzoru na zdravstveni savjet koji smo izglasali ili Vijeće prilažem vijećničku inicijativu. Izvните možel samo malo da...dekoncentrišete me, ne mogu da pročitam uopšte? (ELVIR BIJEDIĆ- Ja vas molim samo za, za malo strpljenja molim vas.)

Prilažem vijećničku inicijativu za formiranje Vijeća za prevenciju maloljetničke delikvencije čime bi se evo ukratko Vijeće konkretno bavilo, tj. razvijanje preventivnih programa u lokalnoj zajednici u cilju prepoznavanja i ranog interventnog djelovanja u sprečavanju poremećaja o ponašanju kod djece i mladih, uvezivanje institucija radi ojačanog pružanja usluga u oblasti socijalne dječije zaštite, sprečavanje i ublažavanje socijalno pedagoških problema djece i mladih, djelovanje u smjeru poticanja pozitivnih promjena u ponašanju i uvjetima u kojima odrastaju i razvijaju se, donošenje akcionog plana prevencije vršnjačkog nasilja i maloljetničke delikvencije na području grada Tuzle. Stvoriti uslove za primjenu svih vaspitnih preporuka kao alternativnih mijera u reagovanje na maloljetničku



delikvenciju kako bi se ukoliko maloljetnik prvi puta čini krivično djelo lakšeg intenziteta izbjeglo etiketiranje, izricanje krivičnih sankcija kojima je cilje represija. Saradnja udruženja javnih institucija u, u cilju postizanja objektivne sigurnosti. Školska dvorišta bi bila predmet interesovanja je li svakako i škola ali i mjesnih odbora, policije, zaštitara obitelji pa i same lokalne zajednice. Dalje. Hajde da ka...da skratim, ujedno priložit ću svakako inicijativu pismeno uz onaj, nekako sveobuhvatnije obrazloženje. Hvala.

**ELVIR BIJEDIĆ - zamjenik predsjedavajućeg  
Gradskog vijeća Tuzla,  
-vijećnik Socijaldemokratske partije**

Zahvaljujem kolegici Čatibušić.

Samo za još malo pažnje molim.

Konstatujem da je Dnevni red iscrpljen i povodom nastupajućih božićnih i novogodišnjih praznika, u ime Gradskog vijeća Grada Tuzle i u svoje ime upućujem srdačne čestitke.

Svim građanima katoličke vjeroispovjesti želim sretan i blagoslovljen katolički Božić.

Svim građanima Tuzle i Bosne i Hercegovine želim sretnu i uspješnu Novu 2024. godinu sa željom da im svaki trenutak bude ispunjen blagostanjem, mirom i srećom.

Svim građanima pravoslavne vjeroispovjesti želim sretan i blagoslovljen pravoslavni Božić.

Zahvaljujem se vijećnicima, predlagачima i obrađivačima materijala i zaključujem 34. redovnu sjednicu.

(S obzirom da je Dnevni red iscrpljen i 34. redovna sjednica Gradskog vijeća Tuzla zaključena ista je završena u 15:52 sati.)

**STENOGRAM SAČINILI:**

**Selma Šehić**

**Jasminka Delalić**

**P R E D S J E D A V A J U Ć I**

**Nataša Perić, prof. s.r.**